





Ex Bibliotheca
majori Coll. Rom.
Societ. Jesu

14-25-F-37

57

APOLOGIA
 R. P.
IO. BAPT. RICCIOLII
 Societatis IESV
PRO ARGVMENTO
 Physicomathematico
CONTRA SYSTEMA COPERNICANVM
 Adiecto contra illud nouo Argumento ex Reflexo
 motu Grauium Decidentium.

Col. rom. S.1



VENETIIS, MDC LXIX.

Apud Franciscum Salemi, & Ioannem Cagnolini.
 SVPERIORVM PERMISSV.



APOLLO

R. P.

IOHANNES MICHAEL

SENIOR 1754

PRO AROMATIS


CONTRA SYSTEMA CURRICULUM

A. 1754. 1755. 1756. 1757. 1758. 1759. 1760.



WIKITIS MDC LIX

1754. 1755. 1756. 1757. 1758. 1759. 1760.





Clarissimis, & Excellentissimis DD.
Philosophis, ac Medicis

CAROLO HIARCHÆ,
E T
FLORIO BERNARDO

Orbe, & Vrbe Venetiarum celeberrimis

Io: Baptista Ricciolius Societatis IESV
Sal. ac Felic. Plur.



Esculapij filios Machaonem, ac Podalirium Medicæ artis peritissimos, non sola Græcia toto illo decennio, quo hæsit in obsidione Troia; sed omnis Asia Europaque regio admirata est, ad quam Ilias, & Homericæ tuba clangor pervenit. Vestram pariter Excellentissimi DD. eximiam in Medicina Theoria simul, & praxi scientiam, fortunatissimamque virtutem; non Veneta solum

Civitas, vicinaque regiones agnoscunt, suspiciunt, prædicant; sed ad exteras quoque nationes, earumque literatissimos viros; Fama ipsa celeberrimo sua tuba sonitu propagavit, adeo, ut Vestrum nomenque decusque in Angliam usque pervaserit,

Et penitus toto diuisos orbe Britannos:

Merito sanè tanta vobis celebritas debebatur, quorum ingenium & industriam Hippocrates Cons & Cos Medicorum, Aphorismo illo suo: Ars longa vita brevis &c. sic exacuit, ut exhausta tam abstrusa artis profunditate, in Vobis æstimari possit aut Ars brevis, aut Vita longa, cum eò prouessi sitis, quò multi longè longiore vita vix pervenirent. Quòd si Aesculapio Galum ac Serpentem sacravit antiquitas, ob peculiarem in medendo vigilantiam atque prudentiam; ne Vestram quidem vigilantiam Occasio præceps elusit; nec Iudicium difficile prudentiam aut fessit, aut implicuit: Non denique consultißimam Vestram praxim Experimentum periculosum in discrimen
addu-



adduxit, quorum Empiricam dexteram, direxit Ratio, ac Theoria Dogmatica oculus dexter.

Has profectò prerogativas, profundamque ac multiplicem eruditionem penitus intropexis angustissimus Venetorum Senatus: cum publicum Medicam Artem Venetijs docendi munus quàm honorificè contulit D. Carolo Hiarcha: ac Florio Bernardo Anatomen prælegendam eiusdem Senatus auctoritate tradidit DD. Philosophorum, & Medicorum Collegium. In quo Munere dum uterque summa animi contentione parem omnino operam, & studium collocavit; eam unusquisque de se non modò fuit sed auxit opinionem, ut iure habeantur ab omnibus Medici vetè Philosophi, quos cæteris longè præstantiores Homerus deprædicavit, Hippocrates Deo similes fecit, Aristoteles omnibus elegantissimos dixit, & Galenus uniuersa Philosophia partibus instructissimos esse voluit.

Ego verò in Vobis amopræterea & admiror Medicinæ ac Matheseos nobile consocium in summis olim & postea Arabiaris conspicuum. Apollinem certè Aesculapij patrem utriusque huius scientiæ Principem venerata est antiquitas; Eudoxum Cnidium, Philistionis Siculi discipulum, non minus insignem Medicum, quàm Astronomum fuisse refert 8 libro Diogenes Laërtius. At Medica facultatis, non dixerim (quod non nemo dicere ausus est) Numen, Galenus, sed Lumen ac Sol; non modò Niconis egregij Geometra & Architecti filius fuit sed ipsemet, Gesnero teste, Mathematices, ac totius Philosophiæ consultissimus evasit. Avicenna Saracenarum Galenus, Mathesti non minus, quàm Iatrice suos in admirationem Arabas, Nicolao Massa referente, pertraxit. Utriusque istius scientiæ, vidit commendavitque, in Ioanne Fernelio Ambianensi Gallia; in Gemma Frisio Belgium, in Taddao Hagecio, Ioanne de Saxonia multisque alijs Protomedicis Germania, & in duobus Hieronymis, Cardano & Fracastorio Italia.

Itinc igitur mihi & nata occasio, & oborta mens, Vobis, Excellentissimi Viri, meam hanc Apologiam dicandi, in qua de Physicomathematicis contra Copernicanum Telluris motum argumentis: præsertim cùm mihi compertum sit, Libros meos, videlicet Almagestum Novum, Geographiam Reformatam, & Astronomiam Reformatam non displicuisse Vobis, imò non indignos lectu, tot inter graviores curas, visos fuisse. Huc accessit singularis illa benevolentia, qua Societatis nostra viros complexi estis, ut hoc solo nomine, si cætera deforent, testatam erga Vos profiteri oportuerit grati animi nostri, hoc qualicumque pignore agnitionem pariter, confessionemque publicam. Caterum, quoniam Facultates inter tres Medicæ Artis, Curatrici, ac Restauratrici, præcellit tum tempore, tum astimatione Præservatrix; Vestrum eris meam hanc Apologiam, auctoritate, qua polletis, ab aliene interpretationis contagio præservare. Valete, atque ut capistis, Nos vestro amore, & ope prosequi pergitote.

Ego

E Go Io: Iacobus Vicecomes Soc. Ia s v in Prouincia Veneta
Præpositus Prouincialis potestate ad id mihi facta à P. N.
Io: Paulo Oliua, Præposito Generali facultatem facio, vt
Liber inscriptus, Apologia pro argumento Physicomathe-
matico contra Systema Copernicanum adiecto contra illud
nouo argumento ex reflexo motu grauium decidenrium. Au-
thore P. Io: Baptista Ricciolio Societatis nostræ Sacerdore,
& eiusdem Societatis grauium, & Doctotum hominum iudi-
cio approbatus, typis mandetur, si ijs, ad quos pertinet ita vi-
debitur.

In quorum fidem has literas manu mea firmatas, & sigillo
muneris mei signatas dedi. Bononiæ 7. Februarij. 1669.

Io: Iacobus Vicecomes

Noi Reformatori dello Studio
di Padoua.

HAuendo veduto per fede del Padre
Inquisitore nel Libro intitolato
Apologia del P. Gio: Battista Riccioli
della Compagnia di Giesù non esserui
cosa alcuna contro la Santa Fede Cat-
tolica , e parimente per attestato del
Segretario nostro niente contro Pren-
cipi, e buoni costumi, concedemo li-
cenza à Francesco Salerni, e Giouan-
ni Cagnolini di poterlo stampare; of-
feruando gl'ordini &c.

Dat. à 7. Giugno 1669.

(*Aluise Contarini K. P. Ref.*

(*Andrea Pisani K. P. Ref.*

(*Battista Nani K. P. Ref.*

Angelo Nicolosi Seg.

C A-

CAPVT PRIMVM.

*De Controuersia huius celebritate, ac grauitate apud Astronomos,
Phyficos, & Theologos, deque Occasione iterum,
ac sapius de illa differendi nobis
oblata.*



Eritò inter nobiles de Natura quæstiones Seneca libro 7. cap. 2. hanc in primis scitu dignissimam censuit, cum dixit: Illò quoque pertinebit hoc excussisse, *ut sciamus utrum Mundus, Terrà stante, circumueat, an Mundo stante, Terra vertatur? Fuerunt enim qui dice-
rent, nos esse quos rerum natura nescientes ferat, nec
cui motu fieri Ortus, & Occasus. sed ipsos nos oriri, & occidere. Di-
gna res est contemplatione, ut sciamus, in quo rerum statu simus; pi-
gerrimam fortiti, an velocissimam sedem? circa nos Deus omnia, an
nos agat? Quandoquidem diutnam horarum 24. reuolutionem,
Telluri circa sui centrum, & axem vertigine continua Orientem
versus circumueinti adscriperant olim Heraclides Ponticus, Ec-
phantus Pythagoricus, & Nicetas Syracusanus, ut referunt Cicero
lib. 2. Academ. qq. & lib. 1. Tusculanar. ac Plutarchus lib. 3. de
Placitis Philos. cap. 13. Præter diurnum autem; annum quoque
motum, quo centrum Telluris circa Solem in Mundi centro
quiescentem circumferatur diebus 365. & ferè diei quadrante,
inuexerunt Aristarchus Samius, & Philolaus uterque Pythagori-
cus attestante id Archimede in Arenario, Plutarcho 3. de Placi-
tis cap. 11. Ptolemæo lib. 1. magnæ constitutionis cap. 5. & 7. &
indicante Aristotele 2. de Cælo textu 72. Horum opinamenta,
postquam Nicolaus Copernicus Toronensis, & Canonicus Ec-
clesiæ Vuaruiensis, veluti ex diuturno somno excitauit, nouisq;
hypotesibus subtraxit; mirum est quàm multos, nouitate, ac
pulchritudine simplicioris in speciem Scyستمatis Mundani in
suam sententiam pellexerit. Horum nos præcipua capita recen-
suimus lib. 9. Almagesti noui sect. 4. cap. 1. 2. & 3. ubi Platonem
pro Terræ immobilitate stetisse, contra nonnullos secus de illo
scribentes, docuimus. Euasit porro huiusmodi controuersia in
tantam celebritatem, ut Astronomicis, Phyfis, ac Theologicis
argumentis vtrinque acerrimè agitata, pendere adhuc videatur
lis tanta penes illorum iudicium, qui circumscripta Sacræ Scri-
pturæ & S. Congregationis Inquisit. auctoritate, Rationis tan-
tummodo naturalis momentis libranda hæc censent.*

A ASTRO-

ASTRONOMIS certe incumbit exponere, qua ratione in Mundi Systemate Planetæ omnes, ipsæque Inerrantia sidera, duplici continuè, sed contrario motu videantur circumferri, vno ab Ortum Occasum versùs diurna horarum 24. reuolutione; altero ab Occasu in Ortum diuersis mensium annorumque periodis; hanc enim contrarietatem conciliari solidis Eccentricorum, & Epicyclorum sphaeris minimè posse, iam nostro & præcedenti seculo patuit, saluis Martis, Veneris, ac Mercurij circa Solem circulationibus, & ijs, quæ de illorum illuminationibus, & de Cometarum traiectionibus prodidere Telescopia, & instrumenta paralactica. Multis etiam inconcinna visâ est inconstantia illa motus proprii, quo quinque minores Planetæ modò Directi, modò Stationarij, modò Retrogradi apparent. Superest ergo deliberandum, an melius hæc phaenomena explicentur per Diurnum, & Annuum Telluris motum; aut si hoc absolute asserere Ratio, & Autoritas vetat, aliam hypothesim vtrique motui commodam idoneamque excogitent Astronomi; si minus illis placuerit nostra de motu spirali circa conum sententia, lib. 1. Astronomiæ Reformatæ cap. 13. exposita.

PHYSICORVM porò interest magnopere disquirere, num per Telluris motæ hypothesim vnicè, aut congruentius reddatur ratio apparentis accelerationis Grauium naturaliter descendentium, & Marini æstus & auræ Occasum versus intra Zonam Torridam perpetuò flantis, & coeterorum huiusmodi. Sed illud imprimis, ne contra alterutrum Systematum Terræ scilicet stantis, aut euntis, plumbea vibrent argumenta, quod à multis hæcenus, quantumvis doctis viris factum ostendimus libro illo 9. Almagesti Noui sect. 4. vbi à cap. 5. ad 34. produximus quadraginta nouem Argumenta pro Telluris diurno & Annuo motu, Solisque quiete in centro Vniuersi, subiunctis tamen eorum solutionibus. Pro immobilitate autem Telluris, protulimus septuaginta septem Argumenta, quorum plurima ad euidentiam Physicam, nedum ad Mathematicam minimè pertingunt; iterumque redactis in formam syllogisticam, & compendiariam iisdem argumentis, cum suis solutionibus, breuitate perspicua Lectoris ratio consulimus.

THEOLOGIS demum hic sedulo inuigilandum est, sicut fuit Sacris Censoribus, vt partim per se, partim per alios rerum harum pentos certiores fiant, vtrum ea quæ in Scriptura Diuina de Terræ immobilitate, Solisque motu asseruntur, possint, salua celestium phaenomenon apparentia, saluisque quas in Terraquoque

Globo

3

Globo experimur vicissitudinibus, intelligi ad litteram; iuxta verborum sensum planum, & obuium; an è contrario intercedat necessitas, illa detorquendi ad alienum figuratumue sensum. Ne alioquin semel patefacto aditu ad Sacri Codicis interpretationem à literali sensu, absque necessitate recedentem, omnia Fidei Catholicæ dogmata in sensu literali fundata, subuersioni obnoxia permittantur, nuteque Dei Verbum scriptum in tanto culmine authoritatis diuinitus constitutum, & conseruatum.

Ego verò, cum post Philosophiæ, ac Theologiæ professionem, imò & antea me ad Astronomiam contulissem, videremque à Copernicanis perstringi, non solos Peripateticos, ac Ptolemaici Systematis sectatores, tanquam vulgaris Philosphiæ rudimentis nimis affixos, nec ad sublimiores Mundani Ordinis, & constitutionis Ideas, causasque motuum caelestium ex Archetypo desumptas assurgentes; Sed Theologos insuper, librorumque Sacrorum, vel Interpretes, vel Censores, perinde ac si ob imperitiâ reconditoris Astronomiæ, aut penitioris Philosphiæ neglectum, aut scrupulosam potius timidamque diuinarum literarum interpretationem, Censuris Ecclesiasticis assertores motus Terræ percussissent: statui totis ingenij, ac iudicij mei viribus, absque vlllo præiudicio, aut studio partium, Rationes, & Authoritates, pro vtroque Systemate diu multumque expendere; & Rationes quidem attuli lib. 9. Almag. Novi sect. 4. totis capitibus 35. Authoritates autem a cap. 36. ad 40.

Inter alia itaque argumenta contra Systema Terræ motæ, illud mihi Physicomathematicè visum est euident, quod deduxi ex reali percussione validitate maiori, & maiori, quo ex maiori altitudine Graui naturaliter descendunt, quæ validitas cæteris paribus, reale, ac notabile incrementum impetus per motum acquisiti supponit, adeoque realem accelerationem Grauium descendendum: At in hypothesi motus Telluris accelerationem illam merè apparentem fore, & absolute falsam; aut physicè tam exiguâ demonstratur, vt nullus sit considerationis, respectu validitatis, qua fit percussio; siue descensus Grauium fingatur fieri per lineam circularem à Galilæo designatam, siue per aliam speciem, curuilinei tramitis, puta parabolicam, spiralem, aut helicoidem; Proinde illud argumentum prius contra Galilæum retorquendum duxi lib. 9. Almag. Novi sect. 4. cap. 19. assumpta ex ipso via circulari, esto illam talem non esse in progressu, nec vniuersaliter ostendissem cap. 17. postea verò in Astronomiæ Reformatae lib. 1. Appendice 1. Illud argumentum instauravi supposita.

4
quacunque via descensus curuilinearæ Copernicanæ hypothesi congruenti.

Verùm non defuere Vini doctissimi, & acutissimo ingenio præditi, qui argumenti huius mei cùm enervare, conati sint qua verbis coram, quâ scriptis ad me litteris vel dissertationibus, aut opusculis in lucem editis. Aliqui autem dubia nonnulla mihi soluenda proposuere. Hos inter præcipui fuisse Excellentiss. DD. Franciscus Hyacinthus de Simiana Planitiarum Marchio, de cuius insigni pietate, multiplicique & profunda doctrina, in Dedicatoria meæ Geographiæ Reformatæ perpauca, sed præ inuita ipsius modestia multa dixi: qui tamen postea mei argumenti vim agnouit probauitque. Eodem verò tempore Excell. D. Doctor Philosophiæ, Medicinæ, Matheos, Iuris, & Græcarum Literarum consultissimus D. Iulius Turrinus Nicæ in Prouincia natus, plenissimam subtilitatis dissertationem ad me scripsit & sic inscripsit,

NICETAS ORTHODOXVS

*Sen de Controuerso Mundi Systemate
Sensus Christiano Philosopho dignus.*

*In P. Io. B. Riccioli sectionem quartam Libri noni tom. 1. Almagesti
Noni. Diatribe J. T. M. N. M. T.*

CVius Diatribe, post quinque Conclusiones, vnica tandem Conclusionem hac terminatur. *Solem Diurno, & Annuo motibus circumuolui, Terram quiescere firmè teneo, infallibiliter credo, & apertè profiteor, non Physicis, non Mathematicis ad id impulsus Rationibus, sed mero imperio fidei, Auctoritate Scripturæ, & nutu Romanæ Sedis, cuius effata distante Spiritu veritatis, ut vniversos decet, mihi iurata sunt.* Et post meam Responsionem Apologeticam, rursus insurrexit *Duplica* ad me scripta, adhæsitque pristinæ suæ opinioni. Postea verò de hoc argumento mihi non semel disceptatio fuit cum amicissimis, & Excellentiss. Matheos professoribus in Bononiensi Gymnasio, D. Io. Dominico Cassino, & D. Germaniano Montanario, Operibus in lucem editis iam in Italia, & extra notissimis, sed mihi & familiaribus colloquijs longè notissimis, & æstimatissimis. Subinde autem Excellentiss.

5
tīs. D. Io. Alphonſus Borellus in Patria Meſſanenſi, & de-
inde in Piſana Academia Mathématum Profeſſor, primum
ſcripto, & poſtmodum euulgato Libro de Vi Percuſſionis,
Propoſitione LVIII. meum argumentum contra Telluris mo-
tum extenuare conatus eſt. Nouiſſimè denique R. Fr. Ste-
phanus de Angelis in Patauino Gymnaſio Mathematicarum
Profeſſor, duplici dialogo vtramque Argumenti mei formam
inefficacem eſſe contendit; cumque illi meo conſenſu reſpon-
diſſet D. Michael Manfriedus; iterum Fr. Stephanus contra
hanc reſponſionem inſurrexit, & D. Adrianus Naſut Gallus in
ſuis obſervationibus pag. 49. Hinc factum eſt, vt veritatis di-
ſcemendæ ſtudio, ſedulo, & accuratius hoc negotium aggreſſus
ſim, & ex multis ea ſelegerim, quæ controuerſiæ huic deciden-
dæ mihi viſa ſunt opportuna.

C A P V T S E C V N D V M.

*De Acceleratione Motus Grauium Corporum Natura-
liter deſcendentium, iuxta veram
Terra immobilis Hy-
potheſim.*

Opiniones de Grauium deſcenſu libero ac naturali per medium
ipſis leuius verſus centrum Terræ, quas reperire hæcenus
potui, ſunt quæ ſequuntur.

1. *Prima* eſt, Grauiã reuera in Hypotheſi quoque Terræ immo-
bilis vniformiter deſcendere, conſiciendo æqualibus tem-
poribus ſpatia æqualia, ſi per Aërem, aut Aquam liberè di-
mittantur. Ita ſed dubitando Simplicius 1. de Cœlo tex. 88.
Comm. 86. Aſſertiuè autem Rodericus Arriaga diſputat. 4.
de Generat. ſect. 5. ſubeſt. 3. vir alioquin peracuti inge-
nij, ſed experimentorum incuria in hunc errorem lap-
ſus.
2. *Secunda* eſt communis Philoſophorum cum Ariſtotele 1.
de Cœlo textu 88. vbi graue omne cuiuſmodi eſt corpus ter-
reſtre, eo velociùs ferri verſus medium Mundi, quo fit
ei propinquius, leue verò, qualis eſt ignis, eò velociùs
ſuſum tendere, quo fit propius ſuperioribus Mundi par-
tibus,

- tibus, id que pro certo supponit dicens: *Terram quidem quanto propinquior fueris medio, velocius ferri; ignem autem quanto ei, quod est sursum. Id ipsum confirmat discrimine motus violenti, & motus naturalis grauium, & leuium; violentus enim est in fine tardior, at naturalis in fine, velocior: unde probat grauia, & leuia ab intrinseca grauitate, aut leuitate moueri; non verò ab extrinseca extrusione: verba eius textu 89. sunt. At verò neque ab alio hoc quidem ipsorum sursum fertur, hoc autem deorsum, neque vi (quemadmodum quidam dicunt) per extrusionem: tardius enim moueretur maior ignis sursum, & maior terra deorsum: nunc autem è contrario semper maior ignis velocius fertur, & maior terra in suum locum. Neque velocius utique prope finem ferrentur, si vi & extrusione mouerentur: Omnia enim ab eo, quod vim attulit, longius existantia, tardius feruntur. Et unde vi, illuc feruntur non vi. Constat autem veritas huius sententiae, innumerabilibus experimentis, & manifestis, quibus etiam minime Philosophantes agnoscunt corpora grauia, quo ex maiori altitudine dimittuntur, eò validiore ictu percutere alterum corpus suppositum, & antea immotum, maiori scilicet sono, fragore, fractura, contusione, aut perfossione, aut repercussu, & reflexo refultu, aut elevatione maioris ponderis. Idque ipsum naturali sagacitate nouit aquila illa, quæ arreptam vnguibus testudinem, ut inde dimissa velociusque ruens supra saxum (quale putauit esse caluam capitis cutem subtereuntis Aeschyli) frangeretur; unde mors Aeschylo inexpectata. Denique super hac certa notione fundatur morale illud Poetae nobilis: *Tolluntur in altum, ut lapsu grauiore ruant*. Etenim si Grauia vniformiter, ac motu semper æquali delaberentur, nullo maiore impetu subiectum corpus percuterent ex maiori, quàm ex minori altitudine dimissa. Non explicant tamen multi, qua proportionè Grauia in descensu accelerentur.*
3. Tertia opinio est, accelerari quidem Grauia, quo magis accedunt ad suum terminum versùs centrum Terræ, sed dubitat num hæc acceleratio fiat vniformiter difformiter, an verò difformiter absque vniformitate incrementi. Ita se ancipitem fatetur P. Nicolaus Cabæus lib. 1. Meteor. tex. 17. sub finem quæstionis 3. alludens ad triangulum, quò Galileus explicat vniformem difformitatem huius descensus.
4. Quarta opinio est Scipionis Claramontij lib. 12. de Vniuerso cap. 28. qui timens ne incrementum huius velocitatis tenderet in infinitum, dixit eam tandem ita decrescere, ut reducat ad equalitatem.


litatem: quod experimento ait se comprobasse, sed quàm lubrico, & in spatio nimis breui, & per mensuram temporis nimis fallacem constare potest ex dictis de hoc à nobis tom. 2. Almag. Noui. pag. 383.

- 5 *Quinta* opinio est, Grauium prædictorum accelerationem esse secundum progressionem Arithmeticam, ita vt si primo tempore transeant spatium vnus decempedas, secundo tempore æquali seorsim transeat 2., & tertio seorsim 3., & quarto seorsim 4. ita vt in fine quarti temporum æqualium confecerint decempedas non plus 10. sic innominati quidam apud Merfennium in Reflectionibus Physicomathematicis cap. 15. quos ait refutatos à Clariss. viro D. Tenneurio. Eandem progressionem probabiliorum putarunt. D. Io. Bapt. Balianus Patritius Genuensis Opusculo de motu naturali grauium lib. 4. pag. 110. & P. Nicolaus Cabarus 1. Meteoror. tex. 17. q. 3. idque ex suppositione, quòd accelerentur vniiformiter difformiter. Se hæc opinio est manifestè falsa, quia si in primo secundo horario dum Graue descendat per 15. pedes in fine quarti secundi deberet absoluisse tantum pedes 150. cum experimentis nostris absoluerit 240.

- 6 *Sexta* opinio fuit. P. Petti Cazrei Societatis I. A. S. V. Collegij Metensis Rectoris, qui vt refert Petrus Gassendus tom. 3. suorum Operum à pag. 564. tribus Epistolis ad totidem epistolas P. Cazrei primò asseruit in Grauium descensu velocitatis Gradus se habere inter se, vt spatia potius quàm vt tempora, deinde asseruit, & conclusit spatia temporibus æqualibus decursa crescere in Ratione continuè dupla, videlicet si primo æqualium temporum decurrat vnâ decempedam, in secundo decurrere seorsim duas, in tertio seorsim 4. in quarto seorsim 8. &c. Quàm opinionem refutauit egregiè Gassendus in prædictis Epistolis; & mihi ex meis experimentis satis fallam esse constat; si quidem Globus argillaceus vnciarum num. 8. qui primo secundo horario decurrit pedes Romanos antiquos 15. debuisset in fine quarti secundi absoluisse pedes 225. cum tamen non absoluerit nisi pedes 140. ex suis etiam experimentis refellit illum Merfennius in Ballisticis prop. 18.

- 7 *Septima* opinio est quorundam innominatorum apud Merfennium in Phenomenis Ballisticis proposit. 18. dicentium accelerationem Grauium crescere ea ratione, qua crescunt Sinus versi inter æquales circumferentiæ partes intercepti. Est enim Tetra globus


globus A F O L. cuius
peripheria diuifa fit in
arcus æquales A I. A K.
I H. K M. H G. M N.
G F. & N L. ad quarum
diuisionum puncta du-
cantur chordæ K I.
M H. N G. L F. & à
puncto A. ducta dia-
metro A O. notentur
sinus Verfi A B. A C.
A D. A E. dicunt eadē
ratione crescere acce-
lerationem Grauium,
qua sinus prædicti se
superant. Quàm ratio-
nem Merfennius ait
magis ad experientie



veritatem accedere, & ferè coincidere cum octaua opinione
mox referenda, quæ incrementum hoc exponit secundum nu-
meros seorsim 1. 3. 5. 7. 9. hac enim proximè ratione crescunt si-
nus verfi, ita vt A B. ad B C. fit vt 1. ad 3. & totus sinus A C. ad
A B. vt 4. ad 1. &c. Quauquam si Geometricè loquamur sinus
verfi sint inter se, vt subtenfarum quadrata. hoc est vt A B. ad B C.
ita quadratum subtenfæ A I. ad quadratum subtenfæ A H. & vt
Sinus A E ad Sinum A D. ita quadratum subtenfæ A F. ad quadra-
tum subtenfæ A G.

- 8 *Octaua* demum, eaque omnium verissima opinio est, Grauium
naturaliter descendencia per medium liquidum ipsis leuius, con-
tinuè accelerari æqualibus velocitatis incrementis, secundum
numeros pariter impares ab vnitare: ita vt si in primo æqua-
lium temporum decurrant vnā decempedam in secundo
seorsim decurrant 3. in tertio 5. in quarto 7. in quinto 9. & ita
deinceps, vnde fit, vt spatia ab initio decursa, & composita
compositis temporibus respondentia, sint inter se in duplicata
ratione, seu vt Quadrata temporum. Duo enim prima spa-
tia 1. & 3. component spatium 4. qui est numerus quadratus
binarij, nempe secundi temporis, seu duorum temporum,
& tria spatia 1. 3. 5. efficiunt 9. qui est numerus quadratus ter-
tarij temporis, & quatuor spatia 1. 3. 5. 7. component spatium
16. qui est quadratus numerus quarti temporis, & quinque
spatia

spatia seorsim decursa 1. 3. 5. 7. 9. si simul consentur efficiunt totum spatium 25. qui est numerus quadratus quinarij seu quinti temporis. Quod incrementum vniformiter difforme representatur eximie per Triangulum quodlibet Isosceles puta A B C. cuius latera AB. & AC. diuidantur in quinque partes æquales, & Basis BC. in quinque partes suas æquales; nam si per puncta diuisionum lateralium, agantur rectæ DE, FG, HI, KL. & ab iisdem ad puncta diuisionum Basis agantur parallelæ rectæ DP, FM, HN, KO. inde autem EO, GN, IM, LP. nascentur hinc æqualia 25. parua Triangula Aequiangula toti Triangulo A B C. sed ita vt primum Triangulum A D E, representet quantitatem spatij primo tempore confecti; at secundum Triangulum A F G. representet spatium confectum in fine secundi temporis æqualis, quod spatium constat ex triangulo ADE, & tribus æqualibus DFQ, DQE, EQG. secundo seorsim tempore respondentibus; Tertium AHI. tertij temporis representat spatia 9. triangulorum æqualium confecta & ita deinceps.



Hanc sententiam & pulcherrimam proportionem primus ex proprijs experimentis elicit, & in lucem protulit Galilaus Dialogo 2. de Mundi Systemate pag. 119. Italicæ editionis, & Dialogo 3. de motu naturaliter accelerato Theoremate 2. eandemque approbant non solum eius alumni P. Bonauentura Caualerius, P. Benedictus Castellus, & Evangelista Torricellus promotor huius doctrinæ, sed alij plurimi, & in primis Petrus Gassendus in tribus Epistolis de Grauium acceleratione ad P. Petrum Cazeum, quæ vt iam dixi, extant in 3. tomo Operum Gassendi à pag. 364. Et Epistola 2. de Motu impresso à motore translato, vbi asserit experimentis constare, si in primo tempore decurrant vnam orgiam, in fine secundi decursas esse 4. in fine tertij 9. in fine quarti 16. &c. eandemque proportionem seruati in numero vibrationum Penduli, quateus chor-

B da,

dae, quibus appenduntur, sunt quoad longitudinem sicut
 quadrata temporum. Idem affirmant clarissimi viri D. Ten-
 neurus, & D. Hobbeus apud Mercennium & Mercennius ipse
 ex pluribus suis experimentis, multis in locis: videlicet lib. 2.
 Harmoniae Gallicae prop. 11. & in Hydraulicis propos. 3. ubi si-
 militer docet, aquam in tubo cylindrico inclusam ex inferno
 foramine exire, & in Mechanicis propos. 23. ubi ait lapidem
 reuera cadere iuxta numeros impares 1. 3. 5. 7. Sibi-
 quae assentientem laudat D. Hobbeum, & in Ballisticis à propos. 10.
 usque ad 18. Propositione enim 12. ait: *Cumque proprijs ob-*
seruationibus insistant, constat experientia centies repetita, cor-
pora graua, qualis est globus plumbeus, aureus, lapideus, ligneus,
quibus experti sumus, hanc in sui casus velocitate proportionem
obseruare, vt cum primo secundo primum intervalum percurre-
rit, sequente tempore secundo tria spatia percursurus sit, tertio
tempore quinque, quarto tempore septem &c. quo fieri nequit ni-
si spatia fuerint in ratione temporum duplicata, seu quod idem
est, vt quadrata temporum. Addit sambuccinae medullae glo-
 bum quinque secundis horarijs percursisse 48. pedes Parisi-
 nos, quos ligneus globus pertransiit duobus secundis; &
 propos. 15. confirmat grauium cadentium velocitatem in ra-
 tione duplicata temporum augeri ex pendulis circulariter mo-
 tis, & adiungit grauia perpendiculari motu 12. solummo-
 do pedes spatio vnius secundi conficere loquitur de pedibus Pa-
 risinis, & propos. 17. monito 1. ait Grauium per plana inclinata
 cadentium velocitatem esse in ratione duplicata temporum, pe-
 rinde, ac quando perpendiculariter descendunt. At propos. 18:
 de hac acceleratione loquens inquit: *Licet illam accelerationis*
rationem, de qua hactenus, reliquis rationibus veriore, & si non
exactam, exactam tamen admodum vicinam existimem &c. Denique
 in Reflexionibus Physicomathematicis cap. 9. refert experi-
 mentum penduli factum à se Romae in Basilica S. Petri, cuius
 Tholi hemisphaerici altitudo est 300 pedum Parisinorum, ap-
 pento ad funem plumbo 5. librarum, eius enim vnica simplex vi-
 bratio absoluebatur tempore 10. secundorum; quia verò pluries
 obseruauerat penduli tripedalis altitudinis vibrationem unicam
 simplicem absolui vnico Secundo horario, concludit, vibratio-
 nes sex penduli esse in ratione altitudinum subduplicata. Addit
 te ex eadem altitudine pedum 300. dimisisse globum plumbeum
 perpendiculariter, illumque cecidisse in pavementum tempore
 Secundorum $5\frac{1}{2}$ cum iuxta rationem temporum duplicatam descen-

11

descendere debuisset secundis 3 præcisè, siquidem iuxta alias ob-
 servationes globus plumbeus, vnico secundo descendit per 12.
 pedes. Pergit autem dicens: Porro lapilluli, nuces, & istiusmodi
 corpora maius tempus insumpserunt in illo spatio decurrendo, puta 7.
 aut 8. secundas: quæ testantur non semper eam seruari rationem in-
 magnis, ac in paruis altitudinibus; sed oportebat exprimere pon-
 dus plumbei globi demissi, & causam tardioris motus referre ad
 minorem grauitatem, quæ tarditas magis apparet, quando ex
 maiori altitudine dimittuntur: Quoniàm verò in his experimentis
 sensus ex sono, qui fit in tempore, & percussione pavimenti facta
 à graui cadente non semper exactissimè distinguit an vibratio
 perpendiculi fuerit completa, ideo prudentissimè monet ratione
 corrigendum, quod deest sensui dicens. *Caneas igitur nullus mor-
 talium, ne suis sensibus exactum se fuisse affectum credat, soloque
 propinquo contentus, quod semper & semper propinquius esse possit;
 principatum intellectui tribuat, cedantque materialia, seu corporea,
 spiritalibus seu intellectualibus:* Et paulo post confirmat quàm
 iure dicatur sensuum errores ab intellectu emendandos; vel poti-
 us minores obseruationes ex maioribus sæpe, non tamen sem-
 per, dijudicandas. Sic Ptolemæus in suis Harmonicis prouinciat:
Sensus dat propinquum, Ratio autem exactum; quæ si con-
 siderasset Fr. Stephanus de Angelis ob exigua quædam discrimi-
 na in nostris experimentis reperta, non ea reuocasset in dubium;
 quanquam in vtroque opusculo contra nos admittit randem-
 eam proportionem in lapsu Grauium, quam à Galilæistis com-
 probatam norat. Est igitur sequens Propositio

I. PROPOSITIO.

*Grauium Corporum naturaliter per Aërem descendentium Accele-
 ratio talis ac tanta est, vt spatia temporibus aequalibus pertransita
 singillatim sint maiora, & maiora secundum incrementum nume-
 rorum pariter imparium ab unitate initiorum, cuiusmodi sunt 1. 3.
 5. 7. 9. 11. &c. spatia verò composita, & ab initio ad finem tem-
 porum aequalium pertransita, sint inter se vt sunt Quadrati tempo-
 rum numeri; atque adeo sint in duplicata ratione temporum.*

10 **N**on limitauì Propositionem hanc, nec restrinxi ad Gra-
 uium determinatam molem, aut grauitatem specificam,
 vel indiuidualem, neque ad regionem certam super terram, ne-
 que ad aërem nostratem, neque ad certam altitudinem termini

B 2 à quo

à quo dimitti possint. Quia vidi eandem proportionem repertam in diuersis regionibus, nempe in Hetruria, à Galileo, Roma, & in Gallia à Mariennio & Gassendo, & Bononia à nobis, eamque in globis, aut lapillis diuersæ speciei & in globis eiusdem quidem speciei, sed in indiuiduo diuersi ponderis; esto nos sapius vfi simus ad iteranda experimenta globo argillaceo ponderis vnciarum 8. sequendo enim iudicium Rationis, iuxta dicta sub finem num. 9. agnoscendum est hanc proportionem seruari à natura in lapsu quoruncunque Grauium, vndecunque, & per qualemcunque aërem dimittantur, cum hoc tamen discrimine, vt primo secundo horatio maius spatium pertranseant, quæ sunt grauiora in specie simul, & in indiuiduo, cuiusmodi est globus plumbeus æqualis in mole globo ligneo; & quæ minoris sunt molis ceteris paribus ob faciliorem aëris subiecti submotionem; & quæ per aërem, aut auram ætheriam puriorem leuioremque descendant, quam quæ per aërem crassiozem circa terram, vel in puteis profundioribus. Et ita video vniuersaliter hanc proportionem assertam ab Auctoribus numero 9. productis. Postremo sicut in alijs multis casibus experimenta in aliquibus locis facta eo nos adducunt, vt vbique valere illa censeamus quando ratio aliqua in contrarium & causa non per accidens afferatur, & ita dicimus: *Omne Graue deorsum tendere; item, omnem ignem, esse combustiuum, item, omnia perpendiculara tendere directe versus centrum Terra; item omnem motum vel illuminationem per lineam reflexam fieri seruata aequalitate inter angulos incidentiæ, & reflexionis.* Licet hæc nemo vbique locorum expertus sit. Idem ergo & hic dicendum, quia nulla ratio ex causa per se adduci potest, ob quam sensibiliber natura grauium ab ea proportionem recedat, quam tot experimentis in tam diuersis locis compertam habemus. Quod si Graue esset ferreum, & dimitteretur supra fodi nam magneticam, variatio accelerationis esset ex causa per accidens de qua non est curandum. Quod autem Fr. Stephanus de Angelis obijcit de Magneticæ acus diuersa in diuersis locis declinatione, ac de diuersis vicissitudinibus Aëstus maritimi, non est ad rem; tum quia nondum à viris cordatis probatum est pronunciatum quoddam vniuersale de proportionem seruata in declinatione Magnetica, Aëstus marini; tum quia harum diuersitatum causa assignabilis est, videlicet diuersæ declinationis Magneticæ, diuersitas tractuum Telluris in quibus lateat magnetici lapidis fodi næ, aut diuersa ferramenta non procul sita; Aëstus autem marini diuersæ Marium *currentes* vt vocant, & impulsus

impulsus à fluminibus, & figura atque capacitas sinuum, litorum, fretorum, & ex subterraneis ignibus exaltatio, & alia huiusmodi, motum illum diuersificantia. Quod si Tellus moueretur diurno, aut annuo motu (quatinus in hoc capite de hoc non agamus,) Grauiam motu in gyrum mouerentur velocius quidem in plano Aequatoris, quam in Parallelis, sed non propterea apparentem descensum in eadem perpendiculari alia proportionem absoluerent; cum pro hac stet possessio apud experimentorum Auctores; quandiu contrarium non euincatur: tanto magis, quod eadem proportio reperta est in descensu grauium per plana inclinata, in quibus maior difficultas poterat fingi.

- 11 Probatio itaque Propositionis nostrae fundatur non in auctoritate sola numero 9. adducta, sed in experimentis ibidem indicatis, & praecipue in euidencia Physica per nos ipsos plurimis experimentis acquisita. Pro quibus prima diligentia fuit in mensura temporum breuissimorum sensu distinguibilium: neque enim fidebamus aquae ex clepsydra defluentis, & ponderatae, ob viscositatem eius, neque arteriae humanae quantumuis fixae pulsibus: idcirco cum iterum, ac saepe per reuolutionem eiusdem fixae stellae ad eundem meridianum deprehendissem, perpendiculum illud vnica simplici vibratione vnus secundi horarij tempus exactè metiri, cuius sphaera aurichalcica cum catenula est proximè vnciarum nostrarum 24. altitudo autem à centro sphaerae ad centrum circuli à vibrationibus descripti est Romanorum pedum antiquorum 3. vnciarum 2. & $\frac{67}{100}$ exactè inquam, licet exactissimè deprehenderim vibrationem vniam respondere Tertijs horarijs 59. & quartis 36. prout supius narraui lib. 2. Almag. Noui cap. 20. vbi etiam tradidi modum, quo reperi propositione 13. perpendiculum illud vnica sui vibratione simplici metiri exactè decem Tertiam horaria, seu sextam secundam partem, cuius sphaerula aurichalcica sit drachmarum 4. & altitudo à centro sphaerulae ad centrum motus vnus vnciae pedis Romani antiqui, & praeterea $\frac{25}{100}$ cuius vibrationum per decadas numerandis diu multumque nos, & Socios nostros assuesfecimus, prout narratum fuit lib. 9. Almag. Noui sectione 4. cap. 16. à num. 8. vbi etiam descripsimus Bononiensem Turrim Asinellam ad haec experimenta peridoneam, quae tota est alta pedes Romanos 312. sed à rostris superioribus ad panimentum inferiorum pedes 280. haec enim frequentissimè vti sumus, Acet vti sumus non semel aliarum Turrium altitudinibus nempe

nempe Basilicæ S. Petri Bononiæ, quæ alta est pedes 208. & S. Petronij, quæ pedes 200. & S. Iacobi quæ pedes 189. & S. Francisci, quæ pedes 150. adhibendo quasdam fenestellas earum; & fenestras Collegij nostri, prout altitudo optata exigebat. Esto autem plures globos diuersæ materiæ, & ponderis dimiserimus ex diuersis altitudinibus, prout eodem cap. 16. retulimus; frequentius tamen vsi sumus globis argillaceis vnciarum 3. in pondere, quorum prægrandem cophinum ad iterandas obseruationes præparatum habuimus, & vt in pauca contrahantur, quæ capite illo 16. proluxius tradita sunt, prætermisiss alijs experimentorum seriebus vnicam quæ nobis frequentius, & euidentius satisfecit exhibebimus.

*Specimen experimentorum Globo argillaceo
vnciarum 3. factorum.*

Vibrationes simplices Perpendiculari altitudinis Vnciam 1. ¹⁷ / ₁₆	Tempora horaria mensurata à Vibrationibus.	Quadrati numeri Vibrationum.	Spatia tracta in fine temporum à Globo argillaceo.	Spatia selecta in singulis temporibus æqualibus.	Proportio composita.	Accelerationis Simplex proportio
Vibr. Simp.	Sec. Ter.	Quadrata.	Ped. Rom.	Ped. Rom.	in num.	in num.
6	1 0	36	15	15	1	1
12	2 0	144	60	45	4	3
18	3 0	324	135	75	9	5
24	4 0	576	240	105	16	7
26	4 20	676	280	140		

13. Debit quidem Vibrationi 26. respondere spatium pedum fere 282. si quidem, vt sex vibrationum quadratum 36. ad quadratum 676. ita pedes 15. ad pedes 281.³/₁₆. Sed spatium commodum in Turri Asinella non habuimus quod excederet pedes 280 à termino consueto & commodo diuisionis globorum. Quoniam verò spatia confecta in fine temporum æqualium sunt inter se, vt quadrata temporum facile inueniemus spatia singulis vibrationibus prædictis confecta, & ex his emendabimus obseruationes alias haud ita exactè exhibentes prædictam proportionem.

Quod

Quod autem Merfennius, vt narraui-
 num.9. obseruari plumbeum glo-
 bum vnico secundo decurrisse pe-
 des Parisinos 12. idest Romanos
 13 $\frac{1}{2}$ minimè miror, cùm alio glo-
 bo vsus sit, & in mensura perpen-
 diculorum non fuerit constans, vt
 patet ex ipsius confessione in Re-
 flectionibus Physicomathematicis
 cap.9. vbi incertum se ait, an pro
 vno secundo horario adhibendum
 sit perpendiculum altum pedes 3.
 an pedes 3 $\frac{1}{2}$ Magis mirandum est
 Galilæum, vt refertur dialogo 2. de
 Mundi Systemate pag. Italicæ edi-
 tionis 219. obseruasse globum fer-
 reum librarum 100 quinque se-
 cundis horarijs descendisse ad ter-
 ram absolviendo cubitos centum:
 vna enim, seu cubitus Florentinus
 ex dictis lib. 2. Geographiæ Refor-
 matæ, continet Pedem Romanum
 antiquum semel, & insuper pedis
 illius vncias 11. $\frac{2}{3}$ ergo cubiti 100.
 pedes 193 $\frac{1}{3}$. At nobis globus vn-
 ciarum tantummodo 8. absoluit
 tempore secundorum 4. pedes
 240. sed cessabit admiratio si ad-
 uertatur ipsum tempora hæc mi-
 nora mensurasse lapsu aquæ pon-
 deratæ, quæ ob sui viscositatem
 haud ita accuratè potest tempora
 metiri, sicut vibrationes perpendi-
 culi nostri, quo si vsus esset vidisset
 illum descensum absolui citius
 quàm 4. secundis horarijs, conse-
 quenter ramen vtendo sua tem-
 poris mensura proportionē eandē,
 quā nos, postea reperit. Magnitudo
 quoq; globi ferrei, potuit maioris
 aëris resistentia nonnihil retardari.

Vibr. Simp.	Temp. 11 111	Quadrata Vibratio- num.	Spacia Pedes vn- ciæ.
1	0 10	1 0	5
2	0 20	4 1	8
3	0 30	9 3	9
4	0 40	16 6	8
5	0 50	25 10	5
6	1 0	36 15	0
7	1 10	49 20	5
8	1 20	64 26	8
9	1 30	81 33	9
10	1 40	100 41	8
11	1 50	121 50	5
12	2 0	144 60	0
13	2 10	169 66	8
14	2 20	196 81	8
15	2 30	225 91	9
16	2 40	256 106	8
17	2 50	289 120	5
18	3 0	324 135	0
19	3 10	361 150	5
20	3 20	400 166	8
21	3 30	441 183	9
22	3 40	484 201	8
23	3 50	529 220	5
24	4 0	576 240	0
25	4 10	625 260	5
26	4 20	676 281	8
27	4 30	729 301	9
28	4 40	784 326	8
29	4 50	841 350	5
30	5 0	900 375	0
60	10 0	3600	1500
120	20 0	14400	6000
180	30 0	32400	13500
240	40 0	57600	24000
300	50 0	90000	37500
360	60 0	129600	54000

II. PROPOSITIO

Ploblematica.

Dato spatio pertransito in dato tempore à dato Graui, inuenire tempus, quo idem Graue per eiusdem leuitatis medium pertransiret. aliterum datum spatium, vel inuenire spatium, quod pertransiret alitero dato tempore.

13 **C**VM iam satis constet spacia pertransita à Graui naturaliter descendente, esse inter se vt quadrata temporum ex 1. Propositione: si fiat vt spatium datum, & pertransitum ad spatium pertransendum, ita quadratum temporis dati ad aliud, prodibit in Quotiente quadratus numerus, cuius radix Quadrata dabit tempus quæsitum. Vicissim si fiat vt temporis dati Quadratum ad alterius temporis quadratum, ita spatium pertransitum ad aliud; prodibit spatium in dato tempore pertransibile, dummodo vt dixi medium puta Aër, sit vtroque eiusdem leuitatis. Exemplis præceptum declarabitur: Noster Globus argillaceus vnciarum 8. ex præcedenti Tabella in Aëre notato pertransiret pedes 54000. hoc est passus 10800 tempore 60. secundorum, quaritur quanto tempore pertransiret Semidiametrum Terræ per aërem putei eo vique effossi, idest passus Romanos 4673493 $\frac{2}{3}$ iuxta dicta in Geographia Reformata ad finem libri sexti. Fiat igitur vt passus 10800. ad passus 4673494. ita Minuti 1. Quadratum 1. ad aliud, & prodibit numerus quadratus 433. cuius Radix proxima est 20 $\frac{1}{2}$. igitur talis globus descenderet per medium dictum ad centrum Terræ Minutis horarijs 20 $\frac{1}{2}$. quam proximè.

At si quæras quantum spatium prædictus globus, pertransisset hora 1. idest minutis 60. si quidem minuto 1. pertransisset passus 10800. fac vt quadratum minuti 1.

ad Quadratum Minutorum 60. quod est 3600. ita passus 10800. ad aliud, & prodibunt passus 38800000. tui horæ de. biti.

Globus Argillaceus Vnicarum 8. si Aër vel Aura Aetherea essent eiusdem leuitatis, cuius nosse Aër circa Terram, & Mediocris distantia Luna, Solis, ac Saturni esset, quanta determinata sit in Astronomia Reformata; suo descensu absolveret distantiam Luna à Terra Horis 2. & Minutis 22 $\frac{1}{2}$. Solis autem horis 31. & minut. 7 $\frac{1}{2}$. Saturni denique horis 91. & minut. 5 $\frac{1}{2}$.

14 **I**Am in exemplo numeri 13. reperiuntur est talem Globum, pertransitum vnam Telluris semidiametrum Minutis proximè 10 $\frac{1}{2}$. seu illis quorum Radix quadrata est 433. In Astronomia autem Reformata determinauimus mediocrem Lunæ distantiam à Terra Semidiametrorum terrestrium 61 $\frac{1}{2}$. Solis autè 7300. & demum Saturni 69500. proximè. Primò igitur per Regulam n. 13. traditam vt 1. Semidiameter Terræ ad Lunarè à centro Terræ distantiam semid. 61. $\frac{1}{2}$. ita quadratum 433. ad quadratum 26486. cuius Radix proxima dat minuta horaria 163. idest horas 2. & minuta 43. quibus si demas minut. 10 $\frac{1}{2}$. debita descensui à superficie Telluris ad centrū, restant horæ 2. minut. 22 $\frac{1}{2}$. pro descensu à Lunæ media in copulis distantia vsq; ad superficiem Terræ. *Secundò* vt 1. ad 7300. ita 433. ad 3160900. cuius Radix quadrata proximè 1778. minutorum seu horarum 29. minut. 38. ergo prædictus globus perueniret ad centrum Terræ die 1. hor. 5. min. 38. ad superficiem autem die 1. hor. 5. m. 7 $\frac{1}{2}$. *Tertiò* vt 1. ad 69500. ita 433. ad 300.93500. cuius quadrata Radix proxima est minut. 5486. hoc est horarum 91. minut. 26. Ergo Globus prædictus mediocrem Saturni distantiam à centro Terræ absolveret diebus 3. horis 19. & minut. 26. à superficie autè diebus 3. hor. 19. m. 5 $\frac{1}{2}$. quæ placet in sequenti laterculo subijcere oculis.

Globus argillaceus vnicarum 8. à media distantia	Tempus Dies H. M.	Intervalla transitus.
Superficie Terræ ad eius centrū	0. 0. 20 $\frac{1}{2}$.	Pass. Rom. 4673494.
Lunæ in Copulis ad centrū terræ	0. 2. 43.	Semid. Terræ. 61 $\frac{1}{2}$.
ad superficiem	0. 2. 22 $\frac{1}{2}$.	Semid. Terræ. 60 $\frac{1}{2}$.
Solis ad centrum Terræ	1. 5. 38.	Semid. Terræ. 7300.
ad superficiem Terræ	1. 5. 7 $\frac{1}{2}$.	Semid. Terræ. 7299.
Saturni ad centrum Terræ	3. 19. 26.	Semid. Terræ. 69500.
ad superficiem Terræ.	3. 19. 5 $\frac{1}{2}$.	Semid. Terræ. 69499.

C

Quid

18
Quid autem dicendum sit de Grauibz per aquam descendentibus
patet ex dict. lib. 9. Almag. Nou. sect. 8. c. 16. à n. 15. ad 19. & n. 24.

IV. PROPOSITIO.

*Causa verior accelerationis Grauium naturaliter per medium leuius
descendentium, est nouus, ac nouus impetus continuè ab eorum
gravitate productus, & precedenti superadditus.*

15 **S**Upponimus hoc loco ex dictis à Nobis in Physicis, poten-
tiam localiter motuam, ita esse adductiuam mobilis de loco
ad locum, vt sit productiua impetus illius, à quo immediatè mo-
bile transfertur de loco ad locum, siue illa potentia sit grauitas in
grauibus sine leuitas in leuibus, siue anima mediantibus organis,
& spiritibus animalibus in animantibus. Nam de reali productio-
ne impetus licet inuisibilis, nimis multa indicia, & argumenta ha-
beamus; Certè cum deorsum per montis decliue currimus, tan-
tum aliquando impetum, vel inuiti experimur, vt illum cohibe-
re, & cursum inhibere, vt vellemus, non possimus: & selles, vt
maior excursionem maiorem impetum lucentur ad saltum al-
tiorum, quo auiculas, in arboribus residentes capient, longiore
intervallo præcurrunt, antequam assultu sursum se agant: nos ip-
si vt fossas, aut riuulos securiore saltu transiliamus, longiore pro-
cursu impetum maiorem concitamus: Et funditores pluribus
gyris, ac revolutionibus concitatis impetum maiorem funde ac
lapidi imprimunt, vt lapidem longius, ac validiore ictu eiacula-
tur, & alijs innumerabilibus experimentis certi sumus de impetu
prærequisito ad motum localem, qui medium, quid est inter
potentiam ipsam motuam, & effectum motus localis: non est
autem impetus substantia quædam, sed accidens, quod nequit ad
aliud prædicamentum referri, quàm ad Qualitatem, & proinde,
rectè definitur. Qualitas translatiua de loco ad locum, seu de spa-
rio ad spatium. Esto Gassendus tom. 3. pag. 499. impetum cum
motu confundat.

His suppositis, dico vetiorem causam Accelerationis Grauium, non
vid. sed naturaliter descendendum per medium ipsis leuius, esse,
nouos gradus impetus à Grauitate ipsorum productos subiinde,
& præcedentibus continuè superadditos per hanc enim inten-
sionem impetus omnia experimenta huiusmodi descensus, na-
turalius saluantur, quod non sit per causas, ab aliquibus confi-
ctas. Nam si grauitas productum semel impetum conferuaret
absque noui impetus productione, non acceleraretur motus,
quod

quod est contra experimenta, & grauius longius posita nimis tarde per vniformem motum peruenirent ad locum sibi debitum, in quo conseruantur. Vt igitur celerius eò peruenirent, congruum fuit, vt in quouis instanti, in quo sunt extra suum locum, nouum impetum precedenti perseveranti adderent, ideoque, semper celerius, ac celerius properarent ad suum locum, quanto autem maior sit impetus in fine temporis dati productus, impetum iam productum in fine dimidij prioris temporis ex ipso experimento habemus neque enim proportionem huius accelerationis debemus ex nostro placito, & idea determinate, sed ex effectibus naturæ, & indicijs ab ea proditis, ex quibus iam nobis constat si in primo tempore, impetus exprimitur per vnitatem gradus, in secundo tempore duos tales gradus produci, qui proinde vincti pristino sint tres ideoque apti ad velocitatem triplo maiorem, seu ad spatium secundo tempore æquali seorsim sumpto triplo maius percurrendum. Tertio autem tempore duos item gradus novos impetus produci, qui vincti tribus precedentibus efficiant gradus quinque ideoque tertio seorsim tempore percurri spatium quintuplo maius primo, & ita deinceps duos semper novos gradus in quouis æqualium temporum gigni, qui precedentibus additi tanto maius spatium absoluant, quanto plures fuerint gradus impetus respectu primi. Hinc porro sequitur, vt subdiuidendo ipsum primum tempus in duas partes æquales, Graue in secundo dimidio temporis triplo plures partes vnus gradus habuerit, quam in priori medietate temporis. Atque hinc pariter colligitur rectè Galileum motum hunc æquabiliter, seu continuè, ac vniformiter acceleratum definiuisse, cum dixit esse, *illum: Qui à quiete recedens temporibus aequalibus, aequalia celeritatis momenta, seu augmenta acquirit: potius quàm eum, Qui aequalibus spatijs, aequalia celeritatis argumenta acquirit.* Vt contra P. Cazreum pluribus edisserit. Cassendus Epist. 1. in 3. Tomo Operum ipsius à pag. 365. qui etiam optimè explicat ordinem graduum velocitatis huius sicut & Mersennius in Ballisticis proposit. 17. & in Reflectionibus Physicomathematicis cap. 16. præter ea, quæ nos attulimus lib. 9. Almagesti Noui sect. 4. cap. 18. Assignando itaque pro causâ huius accelerationis prædictum impetum augmentum à gravitate intrinseca factum satisfacit experimentis, & nihil non consonum naturæ affertur, immo tale est, vt nihil connaturalius afferri possit, vt ab exclusione causatum, quas alij confinxerunt, magis patebit.

16 *Primo enim si dicas cum Alexandro apud Simplicium 1. de*

Cælo tex. 88. comm. 86. grauia accelerari; quia minus, & minus alterantur à qualitatibus contrarijs, quo propius accedunt ad suum locum: hoc certe non militat in globo ferreo, aut vitreo, aut osseo dimisso per aërem à quo non magis alterantur in principio descensus, quàm sub finem. Deinde tunc magis fugere deberent concitatore motu, quando plus alterarentur à suis contrarijs.

Secundo si cum Iamblico & Sirenno eodem textu 88. dicas ideo accelerari, quia minor & minor est resistentia medij summouendi vt pote minus. ac minus profundioris, seu minorem, ac minorem distantiam à terra, contra est quia possunt duo Grauia eiusdem speciei, ponderis, & figuræ æqualem aëris profunditatem seu distantiam à terra pertransire inæquali celeritate, si exempli gratia, globus vnus dimittatur ex distantia pedum 15. eo instanti quo alter globus dimissus antea ex distantia pedum 240. peruenierit à distantiam à terra pedum 15. hic enim longè citius ad terram perueniet, quàm dimissus ex pedibus 15. vtiq; que non alia de causa, quàm ob conceptum maiorem impetum. Et noster quidem globus argillaceus vnciarum 8. ex altitudine aëris pedum 15. eos pertransiuit vnico præcisè secundo horario, & alter illi omnino æqualis dimissus ex altitudine pedum 240. primis tribus secundis pertransiuit pedes 135. & vltimo, seu quarto secundo reliquos pedes 105. ergo pedes 15. vltimos septuplo minori tempore, videlicet octo circiter tertijs horarijs. Præterea idem globus aut æqualis pertransit æquali tempore totidem pedes, siue infra illos sit maior, siue minor distantia à terra, ita vt globus argillaceus vnciarum 8. siue dimittatur ex altitudine 240. siue ex altitudine pedum 105. primos pedes 15. vtroque in casu absoluat vnico secundo horario, etiam si in priori supersit superanda profunditas pedum 240. in posteriori autem 105.

Tertiò si cum Contareno lib. 1. de Elementis, & Burleo 8. Physicorum textu 76. assensu causam accelerationis esse aërem à tergo accurrentem ad implendum vacuum, & sic postica parteurgentem deorsum graue, præsertim interueniente ex motu rarefactione aëris; in contrarium est, quod prius est moueri deorsum graue, quàm aërem accurrere ad vacuum implendum; & reddenda superest ratio, ob quam aër non accurrat, nec urgeat vniformi motu, sed celeriore, acceleriore; neque apparet solida ratio, ob quam rare-

rarefieri potius debeat aer superior graui quam inferior, qui sub-
mouetur, & potius attrahitur a graui, ideoque hic potius de-
beret rarefieri, & rarefactus, quoquo uersum occupare maio-
rem locum, ac sursum dilatatus retardare descensum grauis.
Deinde facula accensa, vel lignum fumigans descendit ere-
cta adhuc flamma, vel fumo, ergo non premitur ab aere super-
ne.

Quarto si cum Durando in 2. dist. 14. q. 1. recurras ad aerem eo era-
siores, quod propior est Terrae, ideoque minus leuitantem sur-
sum, & sic minus resistentem descensui globi grauioris deor-
sum, contra est, quia aer non leuitat sursum actu & crassior aer
ob maiorem densitatem, & grauitatem deberet potius teratda-
re motum descendens per eum, sicut aqua retardat descen-
sum illius grauis, quod in aere citius descendebat. Postre-
mo contra rationem hanc militat casus contra secundam
opinionem adductus, de duobus grauibz equalibus dimissis
vno in illo instanti in quo alter dimissus ex maiori altitudine
peruenit ad eandem distantiam, ex qua posterior dimittit-
tur.

Quinto si cum Zabarella lib. 1. de motu grauium; & leuium cap. 6.
Petrus lib. 4. Physic. cap. 13. & Dandino lib. 2. de anima digres-
sione de hoc motu, dixeris, causam accelerationis esse aerem,
non a tergo accurrentem (esto is adiuet) sed anteriorem
iam motum, & dissipatum versus eam partem, versus quam
coepit moueri graue deorsum, vel leue sursum, velocius
enim moueri mobile per aerem iam motum, sicut mouetur
velocius nans in flumine deorsum, quam in stagno; in-
oppositum est, quia aer anterior antecederet ad motum
grauium, aut leuium non est per se in motu deorsum aut
sursum, sicut aqua fluminis antecederet ad motum nauis
descendit deorsum, sed e contrario, ideo mouetur deorsum
quia a grauiori corpore deorsum pellitur; & eius dissipa-
tio celerior presupponit accelerationem Grauis deorsum
trudentis aerem; postremo ventus transversus aerem dis-
sipans non variat motum corporis valde grauis deor-
sum.

Sexto si cum Themistio 8. Physic. textu 76. Keplero in introdu-
ctione ad Commentarios Martii, Petro Gassendo Epistola
ad Petrum Puteanum de motu impresso a Motore transla-
to a numero 12. & Epistola 3. ad P. Cazrentu a numero. 11.
affirmes: accelerati Grauia non ab intrinseca grauitate,
cuius

cuius existentia nondum demonstrata est, sed quia alliciuntur ac trahuntur eo fortius & celerius à tota terra, quæ est magnus Magnes, quo illi propiora sunt corpora terrestria, attrahuntur in quam, siue qualitate tractiua per medium diffusa, siue atomis, & corpusculis quoquoersum tanquam hamulis, & catenulis per radios eo magis diuergentes, at minus vnitos, quo plus distant à Terra, ita vt tandem detur tanta distantia, ex qua nequeant attrahere: Inter corpora autem terrestria numerat Gassendus non solum lapides, glebas, ligna, metalla, sed etiam aquam, quæ est velut sanguis terræ, & vapores ipsos, niues grandinem &c. Si hoc in quam assermes stat contra te illud experimentum, de quo dixi contra secundam opinionem globus enim argillaceus distans à Terrâ 15. pedes, & inde dimissus deberet æquè cito attrahi à Tellure ac alter globus argillaceus eiusdem molis quando post dimissionem ex maiori altitudine peruenit ad distantiam pedum 15. in eo enim tractu æqualiter diffusa esset vis magnetica. Certè non potest reddi solida ratio, ob quam Tellus non attrahat ad fundum aquæ subereos, vel ligneos globos illos, qui aquæ supernatant, cum sint, vt ita dicam, terrestrioris naturæ, quàm ipsa aqua, nec huiusmodi Auctores agnoscant in corporibus hisce gravitatem, aut leuitatem, sed meram inclinationem ad vñionem sui cum suis totis aut vim passiuam, qua putant attrahi à suis totis; quare ergo, Terra non attrahit ligna omnia, suberes, paleas, folia, bractæas metallicas, & cœtera huiusmodi quæ insiduat in liquoribus! Postremò quando manu sustinemus aliquod ponderosum, puta globum ferreum 10. librarum & tellus non attrahit nostram manum deorsum, ac proinde nec globum, non deberemus sentire illius pondus, nec conatum attractionis, sicut non sentimus manum extensam attrahi; at pondus sentimus, ergo manifesta est nobis, qualitas ista quam communiter nominemus gravitatem, qua posita, frustra est ad abstrusas causas huius motus confugere.

Septimò itaque, & melius ad incrementum impetus à Gravitate producti, & nouos eius gradus pristinis superadditos refertur acceleratio Grauium, idque pro causa eius agnoscent plures Peripatetici cum Aristotele 1. de Cœlo textu 88. S. Thomas & Albertus de Saxonia quos cum alijs adducunt, & sequuntur Bonamicus lib. de motu cap. 37. Conimbricenses 2. de Cœlo cap. 6. q. 1. Cabzus 1. Meteoror. tex. 17. q. 3. Claramontius lib. 12. de Vniuerso cap. 30. Balianus lib. 4. de motu Grauium, esto quem communiter vocamus impetum, aliqui vocent grauitationem, vel

vel additionem grauitatis, quia æquiualeat grauitati auctæ, nec omnes illam proportionem agnoscant, quam nos in acceleratione hac.

CAPVT TERTIVM.

De vi Percussionis eo validiore, quo Grania ex maiori altitudine descendunt eiusque veris causis mensuris, ac proportionibus in Hypothesi Terra immobilis.

- 17 **L**Vce Meridiana clarius est, Graua corpora per medium leuulus dimissa, eo validiore ictu subiectum corpus percutere, quo altior est locus, unde dimissa sunt, seu quo diutius pergunt moueri deorsum. Nomine autem percussionis adæquatè sumptæ cum omnibus eius effectibus intelligimus sonum, perfossionem corporis liquidi, aut mollioris, fractionem, flexionem, contusionem, impulsu deorsum, depressionem hinc inde, eleuationem ponderis, aut (si nec perfodi, nec frangi nec flecti, nec impelli, aut de primi possit subiectum corpus) reflexum resolutum Grauis ipsius, ex repercussione passiuè recepta à corpore percusso, & quantitatem lineæ reflectionis, ac durationem motus reflexi. Quod valde notandum est, quia nonnulli quantitatem percussionis ex vno tantum alteroue effectui metiuntur, nec aduertunt, quando impetus totus non potest à percutiente imprimi cum motu corpori percusso directè, vt pote duritiæ suæ resistenti, tunc magnam partem reimprimi corpori percutienti quod repercussum resilit per lineam reflexionis tanto longior, quanto minus de impetu priore receptum fuit, & retentum à corpore percusso, atque ita diffundi per aliam viam. Hinc fit vt licet ex obliquiore incidentia percutientis supra percussu corpus sequatur cæteris paribus minor sonus, minor aut nulla fractio, perfossio, flexio, impulsio deorsum, & eleuatio ponderis, id tamen non sit argumentum minoris impetus quo corpus percussoris veloci motu incidit in percussu, si reflexa via resiliat aliorsum, & quos effectus non potuit directa linea causare in corpore percusso, alios æquiuales causet per lineam reflexam. Hæc videlicet causa est, vt quando lapillos planos quasi horizontali iactu proijcimus supra superficiem aquæ stagnantis, aut leniter fluentis; illi aquam directè non perfodiant, sed resiliant, & iterum (grauitate cum impetu ab extrinseco impresso luctan-

fluctante) deorsum obliquè recidentes, iterum tamen altero re-
 sultu attollantur, & ita alternatim, donec vincente gravitate, &
 extincto impetu à manu nostra impresso, deorsum rectà tendant
 ad fundum aquæ. Simile, & insigne experimentum est, quod ex
 D. Petro Petito refert Mersennius in Phænomenis Ballisticis
 Propos. 25. his verbis; *Culverina (Ital. Colubrina) ferrea pedes*
decem longa, cuius globus diametrum habuit fere quatuor digitorum,
horizontaliter directus, & novem hexapedis superficiei maris super-
extans, tria duntaxat secunda insumpsit in suo iactu horizontali; post
quem quinque reflexa super Oceanum, quatuor alia secunda con-
sumpsit. Nemo autem prudens æstimator dixerit in his casibus
minorem fuisse impetum impressum, quàm si perpendiculariter
proiectus fuisset lapis aut globus bombardicus in aquam, ex eo
quod illam obliquè proiectus, non perfoderit directè: si quidem
magna pars impetus duravit, & per alias aliasque lineas reflexas
nummum effectum propagavit. Hinc domum (quod pro infra di-
centis prænotatum hic volumus) est ut in eleuandis ponderibus
in vna lancium positis, à globo perpendiculariter in lancis alte-
rius meditullium dimisso, maior excessus altitudinum requira-
tur, quando altitudines tantæ sunt, ut globum sensibili resultu resi-
stiat; quia scilicet plus impetus perditur, & per viam reflexam,
reuechendo globum, minore sui parte deprimit lancem, ideoque
maior altitudo requiritur, ut pars illa impetus, quæ non fecit re-
flexo motui, sit sufficiens ad deprimentam lancem, & eleuan-
dum pondus alterius lancis. Idcirco non seruat eadem
proportio in parvis, & in magnis altitudinibus, quod miratur est
Mersennius in Reflectionibus Physico-mathematicis cap. 8. ubi
obscurioribus verbis indicauit hanc causam. Nam cum narrasset
ancum globum vnciale, cuius diameter vix erat vnius digiti,
ex altitudine vnius talis diametri cadendo in centrum bilancis,
eleuasse in altera lancium vncias 8. & ex quatuor diametrorum
altitudine eleuasse vncias 16. indeque concludisset. Adeo ut al-
titudines, ex quibus cadit globus esse debeant in ratione duplicata,
ictum seu percussionem, pergit tamen & narrat, non potuisse glo-
bum illum ex sexdecupla sui diametro cadentem, quadruplum
primi ponderis tollere. hoc est vncias 32. nec ex 25. sui diametris
quintuplum id est vncias 40. attollere, imo nec 32. An igitur, in-
quit Mersennius, falsum est maiorem effectum à potentiore causa,
& maiorem ictum à maiori altitudine produci? Sed postea quædam
minus mihi satisfaciencia subiungit. Non igitur sufficit virtus ex
parte causa sed corpus, in quo produendus est effectus illius virtutis
certo,

certo, & à natura determinato tempore capax esse debet, iuxta vulgatum axioma: quidquid ab agente excipitur per modum recipientis recipitur. Itaque lanx non potuit tantam in se cadentis globi à 25. diametris velocitatem excipere; hoc est ictus velocitatem sequi; ea-que propter globus resiliit, eoque magis resiliet, quo cadet altius, quod lanx sit minus tantæ velocitati obeditura. Clarius id explicasset, si dixisset eo plus de impetu per lineam reflexam sursum impendi, ideoque minus deorsum lancem deprimi, quo ex altiore loco cadit globus. Esto igitur sequens propositio.

V. PROPOSITIO

Grauium corporum naturaliter per medium lenius perpendiculariter descendendum supra corpus ipsis subsistens, tantò validior est percussio cæteris paribus, quanto ex altiore loco dimissa fuerint, adeoque quantò velocior fuerit eorum descensus.

18 **D**ixi cæteris paribus, quia in altitudine æquali, vnde cadant corpora graui, potest diuersificari percussio eiusque aliquis effectus, si diuersa fuerit grauitas cadentis specifica, vel indiuidualis eiusque figura, aut leuitas medij, aut corporis percutiendi figura, moles, durities, ac resistentia, densitas, immobilitas, aut inæqualis fuga &c. Veritas porò huius propositionis patet experimentis, quæ obuia sunt, & mechanicis omnibus comperta ex effectibus num. 17. indicatis: ita vt loco Axiomatis, aut certissimæ suppositionis habeatur ab Auctoribus, qui de vi percussione tractarunt, & quia ex dictis pro I. Propositione, Graui accelerantur magis magisque quo ex altiore loco dimittuntur, ideo percussio maior, cæteris paribus est argumentum, maioris velocitatis, quia Graue descendit ante illud instans, in quo subiectum corpus suo contractu percussit. Sic Galilæus in Dialogis de Motu Italicè editis Leidæ anno 1638. pag. 160. dixit. *Et perche l'effetto della percossa si regola dalla velocità del medesimo percutiente*, chi vorrà dubitare &c. Et pagin. 164. *Essendo il percutiente il medesimo non può determinarsi la differenza, e momento delle percosse, se non dalla differenza della velocità*. Et P. Marinus Merfennius in Phænomenis Mechanicis proposuit. 25. *Cum autem certum sit, & in eo conueniant omnes, eò percussione esse maiorem quo motus est velocior, eo instanti quo fit percussio; & paucis interiectis. Percussione generalem, siue sursum, siue deorsum,*

D

siue

siue lateraliter fiat considero, quam suppono aequalem dummodo fiat aequali velocitate, idque eodem, vel aequali percutiente, & in idem, vel aequale passum eodem modo dispositum; Idipsum inculcat Io: Alphonsus Borellus lib. de Vi perculsionis propof. 26. dicens: Si duo corpora inter se aequalia perpendiculariter incidant super alterius corporis omnino stabilis superficiem, fuerintque hæc corpora dura, & inflexibilia, vires perculsionum proportionales erunt velocitatibus eorundem incidentium corporum Audiamus, & Petrum Gassendum in Epistolis de Proportionione, qua grauius decidentia accelerantur: in prima enim num. 18. approbat hanc P. Cazrei assertionem: Indabitatum est, quod ipsemet Galileus passim agnoscit, tantam præcisè percutientis corporis esse velocitatem, quantus impetus, quantaque ipsa percussio fuerit. Loquitur de impetu, qui præuio motu imprimitur corpori percusso, subiungit quippe: Impetus enim omnis, & percussio ex velocitate est, imò impetus ipse velocitas est, nulloque hac ab inuicem discrimine dirimuntur, ut merito proinde qua ratione accrescit velocitas, eadem impetus, & percussio augeantur: Sed dies meus, & charta deficeret, si huc vellem plurimorum aliorum authoritates congerere, qui pro exploratissimo habent, percussionis validitatem sequi semper ex motu velociore, ita ut ex percussionis gradibus nunquam pauciores, sed aut pares aut plures gradus velocitatis præsupponendi sint; Intelligendi autem sunt cæteris paribus, ut expressè Merfennius, & alij interpretatiuè; si enim inuariato impetu, & velocitate varietur percussio; aliunde aliqua dispar causa, vel conditio variatam illam efficit.

*Idem Graue supra idem corpus perpendiculariter descendens si
 æquabili velocitate, & vniiformi motu descenderet, &
 cetera omnia essent paria, nihilo validius percutere-
 ret corpus ipsi subiectum si ex magna,
 quàm si ex parua altitudine
 descenderet.*

19 **S**equitur hæc propositio ex Propositione 5. nam, si cæteris paribus validior percussio maiorem velocitatem prærequirit, utique ex velocitate æquali, & vniiformi non potest sequi validior, percussio, sed æqualis tantum, & ratio est quia percussio est effectus ipsius impetus, aut igitur graue descendit cum incremento noui, & noui impetus, & hinc prius ac per se sequitur maior velocitas, aut sine incremento impetus, sed eodem semper impetu pergit moueri. quo ab initio coepit descendere, nec aliunde dispar causa, vel conditio variat vim percutiendi, & ita sicut non mouetur velocius, ita nec potest percutere validius: velocitas enim est intrinseca, & per se propria passio impetus, percussio autem per accidens se habet, & ab extrinseca positione corporis subiecti tanquam materia, supra quam, pendet; quare si ob impetus solam identitatem, & vniiformitatem non causatur velocitas maior, multo minus effici potest validior percussio. Confirmari potest experimento si globus ferreus funiculo appensus ita dimittatur modò ex parua, modò ex magna altitudine, sed tali moderamine, vt in vtroque descensu semper vniiformiter labatur, & æqualibus temporibus perpendiculo numeratis, æqualia spatia pertranseat: nihilo enim profundius eodem tempore aquam perfodiet, aut nihilo plus ponderis eleuabit ex altiore loco, quàm ex humiliore dimissus; Idcirco licet contrapondus maius horologij descendat continuè non tamen efficit maiorem sonum, aut longiorem horam vltimam quàm primam, quia vi dentatarum rotularum &c. detinetur in vniiformi descensu.

20 Occasione V. & VI. Propositionis aduerti volumus quanta vel obliuione vel dissimulatione D. lo. Alphonsus Borellus in secunda parte Responsionis ad Illustriss. & Doctiss. D. Michaelem Angelum Ricciū, edita Messanæ 29. Februarij anno 1668. silentio suppresserit limitatiuam clausulam illam: *cæteris paribus, vel si cetera omnia sint paria*, quam expresse adhibuimus in.

D 2 Astro-

Astronomia Reformatà pagina 85. columnà 1. tum in Propositione III. tum in eius declaratione num. 17. eandemque clausulam expressè usurpauit D. Michael Manfredus in confirmatione mei Argumenti edita Bononiæ 10. Ianuarij 1668. pag. 74. num. 48. Nostra enim assertio, de qua in propositionibus prædictis, & alijs locuti sumus est, *Percussionem maiorem nunquam fieri, si cætera sint paria nisi præcedat maioris impetus incrementum atque adeo velocior motus cæteris paribus, indicium euidentis physice est maioris velocitatis præcedentis.* Quis enim tam hebes est, vt non agnoscat, posse absque incremento impetus, & velocitatis, diuersificari percussionem, si cætera sint disparia, & aliunde proveniat illa disparitas? Vel pueri sciunt pari impetu posse profundius perforari lutum aut butyrum, quam lignum, aut plumbum; vt omitam alias disparitates causarum, vel conditionum, ob quas fieri potest diuersa percussio. At D. Borellus non dubitauit pag. 25. dictæ Responsionis de meo Argumento hac verba proferre: *Che non solo all'argomento del P. Riccioli non conuenga il nome di dimostrazione, & euidenza fisicomatematica, ma che era assolutamente paralogismo, assumendo per vera vna propositione, la quale io hò dimostrato esser falsa, & è che la validità, o energia della percossa d'un corpo graue debba sempre mai misurarsi dal grado dell'impeto reale, e fisico col quale il detto graue viene ad incontrare il corpo che riceue la percossa, e questo l'afferma il detto Padre vniuersalmente senza niuna eccezione, come si vede nel suo Almagesto nuouo, nella sua Astronomia Riformata, & in questa risposta del Mansfredi.* Et similes oppositiones factas ait pagin. 111. opetis de vi percussionis. Deinde assert. varios casus, in quibus accidere possunt multæ varietates, à quibus poterat abstinere, quia iam transfertur status quæstionis à casu in quo cætera paria supponuntur, ad casus in quibus cætera aliqua disparia sunt. Falsum est autem nos sempre mai, & vniuersalmente senza niuna eccezione dixisse validitatem percussionis mensurandam esse ab impetu reali, & physico corporis grauis incidentis in corpus aliud percussum: Id enim diximus cum limitatione expressa, & exceptiua illa clausula: *cæteris paribus* cui æquiualeat illa non semel adhibita pag. 410. Tomi 2. Almagesti Noui videlicet; sublati impedimentis. Nec solum Auctores supra adducti pro V. Propositione, sed ipsemet Borellus dixit: *Vires percussionum proportionales esse velocitatibus eorundem incidentium corporum, si nimirum corpora sint æqualia &c.* Iam verò in controuersia nostra


nostra de argumento contra Systema Copernicanum ostendimus, & ostendimus cætera omnia esse physicè paria, siue ex parua, siue ex magna altitudine dimittatur idem graue; modò altitudo non excedat pedes Romanos 240. in hypothesi Copernicana; accelerationem scilicet esse physicè insensibilem; diuersitatem Inclinationis, & Incidentiæ item physicè nullam, aut contemptibilem; fugam quoque pauimenti percussu Orientem versus insensibiliter diuersam esse in pauimento distante à Turris vertice pedes 15. & in pauimento inde distante pedes 60. aut etiam 240. Quare cum omnia hæc in descensu utroque sint physicè paria, nec alia causa sufficiens ac probabilis tam diuersæ percussionis asserri possit, scitè conclusimus eam provenire ex notabili acquisitione impetus atque adeo præcessisse notabilem accelerationem in descensu physicam, ac realem; quæ tamen in Systemate Copernicano saluari verè, ac realiter non potest, ut inferius luculenter ostendemus. Interim præmittenda sunt experimenta quibus nos, vel alij conati sunt metiri validitatem percussionis factæ à corpore Graui deorsum descendente supra corpus, quod in hypothesi Terræ stantis supponitur immotum.

Modi præcipui mensurandi validitatem Percussionis factæ à corpore graui cadente ex diueris altitudinibus supra alterum corpus sub eo quiescens, & inde impetus incrementum præcedens Percussioni.

- 21 Primus modus traditus est à Merfennio in Phænomenis Hydraulicis prop. 3. & à Gassendo in 1. Epistola trium de proportionibus, qua Graui decidentia accelerantur. Aiunt hii, si tubus, seu vas cylindricum erectum perpendiculariter ad horizontem impleatur aqua, apertoque foramine ad basim, permittatur aqua effluere, & notentur in tubo aquæ decrementsa æqualibus temporibus facta, fore ut si in principio primi temporis altitudo tota sit pedum 16. initio secundi temporis sit pedum 9. & initio tertij temporis pedum 4. & initio quarti temporis pedis vnus: Hinc deducunt velocitatem duplo maiorem fieri non ex dupla, sed ex quadrupla altitudine, & triplo maiorem ex noncupla, & quadruplo maiorem ex sexdecupla altitudine: censent enim aquam eodem impetu premere inferiores sui partes, qua moueretur, si ex altitudine tanta, quanta est in tubo, caderet: Sed quando inclusa est tube, maiorem resistentiâ patitur ab aquâ inferiori, quam pateretur ab aëre, & obstat effluxui angustia foraminis, quod

quod potest esse diuersæ amplitudinis. Quidquid sit de hac opinione, paulo aliter tentauimus experimentum cum PP. Iosepho Ferroneo Matheseos professore, & Felice Vecchio, quorum alter perpendiculo numerant tempora; alter digito adpresso in fine temporum æqualium sillebat effluxum aquæ interim dum ego regula metiret altitudinem tubi aqua vacuam, deinde remoto digito permittebat aquam effluere. Tubus ex lamina ferrea stanno superlito cylindricus fuit cuius diameter A B digitorum, seu vnciarum erat 4. qualium pes Romanus antiquissimus est 12. altitudo verò A C digitorum 40. capiebatque aquæ putealis vncias 264. quæ tota effluxit per foraminis epistomiolum grani pipæ capax, tempore secundorum horariorum 200. Quod tempus in quinque partes æquales diuisum seu quadragena secunda singillatim adhibuimus, & repleto aqua tubo in fine primorum 40. secundorum tubi portio vacua fuit B E. longa scilicet digitos 14. cui responderant aquæ vnciæ 92. in fine autem alterorum secundorum 40. aqua decreuerat vsque ad sectionem F. & altitudo tota B F. fuit digitorum 25 $\frac{1}{2}$. quare E F. fuit digitorum 11 $\frac{1}{2}$. eique congruunt aquæ vnciæ 77. porro in fine tertij temporis secundorum 40. aqua decreuit vsque ad sectionem G. fuitque B G digitorum 32 $\frac{1}{2}$. & F G digitorum 7 $\frac{1}{2}$. vnciarumque 48. capax, & simili methodo reperta est in fine quarti temporis portio G H. & H D. cum mensuris in figura notatis. Placuit autem aliter experiri effluxum aquæ absque epistomio per liberum foramen I. & diuidere tempus in quatuor partes æquales, nempe in secunda 135 quia per tale foramen aqua effluxit tota tempore secundorum 540. itaque in fine primi temporis, altitudo vacua fuit digitorum 16 $\frac{1}{2}$. in fine secundi fuit digitorum 28 $\frac{1}{2}$. in fine tertij digitorum 35 $\frac{1}{2}$. Pro inde intervalla singillatim euacuata fuerunt ordinatim digitorum 16 $\frac{1}{2}$. 11 $\frac{1}{2}$. & digit. 4 $\frac{1}{2}$.

Sed neutro modo reperta est exacta illa proportio quam quaerimus, ideoque hinc tantummodo didicimus decrescere quidem



dem velocitates, decreſcente aquæ mole, ac pondere compri-
mente inferiores partes, ſed ad noſtrum argumentum opus eſt
alijs experimentis.

- 21 *Secundus* modus conſiſtit in eleuatione maioris ponderis in vna
lancium poſiti, quo altior eſt terminus, à quo dimittitur idem
globus in centrum, ſeu meditullium alterius lancis: Hoc experi-
mento uſi ſumus olim, vt narrauimus in Almageſto Nouo
lib 9 pag. 393. & 394. & in Aſtronomia Reformata pag. 82. Sed
diuerſas proportionem naſti ſumus. & incoſtantes, præſertim in
maioribus altitudinibus. Poſtea verò tentantes ſimile experi-
mentum coram Illuſt. & Reu. Abbate Carolo Antonio de San-
cto Petro, & Excell. D. Geminiano Montanario, ac P. Iosepho
Ferronio, eandem incoſtantiam obſeruauimus, ortam ex tre-
more ac flexu haſtilis bilancium, & ex reflexione globi reſilien-
tis ex magna altitudine, ob quam impetus in reflexo aſcenſu,
non ſeruiebat attollendo ponderi in altera lancium poſito (quod
valde norandum eſt) & denique quo altior eſt terminus dimiſſi
globi eo difficilius cadit perpendiculariter in ipſum meditullium
lancis. Sed neque Merſennio in Reſlectionibus Phyiicomathe-
maticis cap. 8. neque Gaſſendo in Epiſtola prima ad P. Gazæum
ſuceſſit inuenire proportionem theoricè expectatam. Nam vt
duplo maius pondus eleuaretur, oportuit dimittere eundem glo-
bum æneum ex quadruplo maiori altitudine, & ad eleuandum
pondus triplo maius, opus fuit altitudine noncupla, adeo vt altitu-
dines hæcenus fuerint in ratione duplicata iſtum, ſeu ponde-
rum, præter victoriam æquilibrj eleuatorum; at hæc proportio
turbari deinceps cœpit: Siquidem ad eleuandum pondus qua-
druplo maius non ſuffecit ſexdecupla altitudo, ſed opus fuit al-
titudine 18. vicibus maiore: *Quia*, inquit Merſennius, *lanx non*
potuit tantam iſtus velocitatem ſequi. ideoque globus reſiluit, eoque
magis reſiliet, quo cadet altius. Vtinam & nos olim agnouiſſemus
in reſultu hoc diſperdi, ſeu impendi magnam partem illius im-
petus, qui alioquin idoneus fuiſſet ad attollendum maius pon-
dus, non enim fruſtra laboraſſemus in inueſtiganda per hanc lu-
bricam methodum, validitate percuſſionis eiufque exacta pro-
portionem. Interim tamen ex huiusmodi experimentis collegimus
maiozem fuiſſe imperum, quem acquiſiuit Graue cadendo ex
altiore loco, quam qui colligitur ex eleuatione ponderis, quia
non totum illud incrementum impenſum fuit ponderi attollen-
do, ſed alioſum impenſum eſt. Quare ſi in fine vnus ſecundi
horarij cadens globus ex altitudine pedum 15. eleuauit pondus
vncia-

vnciarum 24. deinde ex maiori sed ignota altitudine eleuauit pondus duplo maius nempe vnciarum 48. seu librarum 4. certum esse videtur altitudinem posteriorem fuisse quadruplo (ad minimum) maiorem priori, atque adeo non minorem 60. pedibus, & tantum impetum acquisuisse, vt in posteriori duorum temporum æqualium, confecerit spatium triplo maius, idest pedum 45. & potius plus, quàm minus: Proinde ex eleuatione ponderis notabili notabilem, ac realem accelerationem Grauium colligere debemus, quoriescumque *cetera sunt paria*, nec aliunde quàm ab impetu incremento proueniat vis validioris percussionis, & eleuatio maioris ponderis:

23 *Tertius* modus exercetur dimittendo ex diuersis altitudinibus supra vas aqua plenum, globum ligneum, qui æqualis sit ponderis cum altera tanta mole aquæ, ac proinde quiescens innatare possit aquæ: obseruandum est autem ad quantam profunditatem descendat ob impetum conceptum ex casu ab altiore loco: quod euidentius obseruatur si vas fuerit vitreum, sed vt retuli in *Almagesto* Nouo lib. 9. pag. 394. experimentum infidum est, quia aqua semel perfoffa agitatur in vortices, qui non sinunt globum recto tramite deorsum descendere, sed spiratim, aut serpentino tramite illum detorquent, adeo vt multo minus descendat, quam oporteret.

24 *Quartus* modus indiget corpore non fluido, vt est liquor, sed tamen molli ac perfoffili seu perforabili, cuiusmodi est cera, sebum, cretaceum lutum, butyrum concretum, & his similia; Nam si supra horum planam superficiem erigatur stylus infertè acutus, & cylindraceus in reliqua parte, qui stylus infixus sit orthogonaliter scaphio, & supra scaphium ex altitudine determinata, cadat globus scaphicæ concutirati suo hemisphærio æqualis, sed cadat exactè ad perpendiculum; notari poterunt, quot particule styli ingressæ fuerint ceram, vel sebum, & variatis altitudinibus adnotari quanto ex altiori loco, profundior fiat styli ingressus in eadem materiam

homogeneam. Adhibuimus itaque diuersos tubos metallicos æqualis altitudinis, & crassitiè, plenos sebo prius liquefacto, ac deinde congelato, seu concreto, & Globum ligneum nucinum vacias 6 appendentem dimisimus supra scaphium prædictum

ex

Altitudo Casus,	Partes Sebo ex Globi istū infixe.
Digit.	
8	40
32	115
72	196
128	278

ex quatuor altitudinibus, & notauimus infixas fuisse styli partes, vi impetus impressi à Globo, quas in laterculo vides; videlicet ex altitudine digitorum, seu vnciarum Romanarum 8. partes ingressas 40. qualium vncia pedis Romani est 100. &c. non est autem mirum ex altitudine quadruplo maiori seu digitorum 32. non ingressas fuisse partes styli quadruplo plures idest 160. sed solum 115. & deinceps semper pauciores, quam videbatur requirere maior altitudo, quia ad profundiores ingressum requiritur commotio plurium partium, quæ debent cedere locum stylo, & dum ad latera secedunt, debent vincere compressionem ac pondus & molem plurium partium superiorum eiusdem Sebi. Interim tamen hinc quoque (quod notatu dignum est) colligitur maiorem fuisse impetum, quam qui ex comparatione partium ingressarum nudè sumpta deducitur, quia effectum totalem impetuos acquiriti, impedit resistentia plurium partium, quæ cedere debent locum stylo: atque adeo rigorosè loquendo *cetera non sunt paria*.

- 25 Quoniam verò non pauci existimant *ceteris paribus* validissimum esse ictum, ac percussione[m] orthogonaliter, seu perpendiculariter factam; reliquas verò eo validiores esse, quo magis accedunt ad perpendicularem, seu ab ea minus inclinantur, ac maiori angulo incidentiæ incurrunt in corpus percussum: placuit id quoque occasione præcedentis experimenti explorare adhibito prius scaphio cera pleno & deinde capsula semirotunda cum cera terebintho mixta, vt mollior esset, sed vniformi mixtura ad ignem temperata, & fulcro stabili infixa: cuius ceræ plana superficies collocata fuit æquidistans horizonti, & supra illam erectus stylus scaphiolo ligneo suprema sui parte infixus orthogonaliter; quod scaphiolum inter quatuor bracteolas ita leniter suspensum erat, vt detineret stylum in orthogonalī situ supra ceram planitiem, citra contactum tamen ceræ, sed illi proximum, & absque vlla resistentia physica deorsum trudi posset à globo ex determinata altitudine pedum 6. dimisso: vi cuius stylus infixus fuit ceræ & partes ceram recta via ingressæ fuerunt 54. qualium vncia Romani pedis est 100. Repleto autem foramine eadem materia, & inclinata capsulæ superficie ad horizontem per gradus 45. styloque eodem citra contactum, & aliquantulo citra pristinum foramen erecto orthogonaliter ad horizontem, cetera vt supra præstitimus, & partes styli infixæ in ceram fuere 55. Mutato verò stylo & reliquis, vt supra prædictis repetitoeque ter experimento partes styli ceram

E

ingres-


ingressa, tam ceræ plano æquidistante horizonti, quàm inclinato ad gradus 45. fuisse 40. qualium vncia pedis Romani est 100. mirantibus testibus, & adiutoribus nostris PP. Io. Maerino, Iosepho Ferronio, & Felice Vecchio; Vt autem possit quilibet id vel ali-

quid simile experiri: placet schemate iuvare imaginationem Lectoris. Capsula hemisphærica sit A B C. plena ceræ & terebinto liquatis, ac deinde concretis, super fulcro stabili locata, ita tamen, vt possit eius plana superficies A C. constitui modò æquidistans horizonti, modò ad illum inclinari quocunque gradu; electa est autem hæc figura, vt punctum percussionis F. quoquo uersum æqualiter distans à fundo scaphij æqualem resistantiam nanciseretur; scaphiolum GHI. leniter bracteolis KL. vtrunque suspensum minimo ictu labile, habebat, in fundi meditullio orthogonaliter infixum stylum chalibeum H F. cuius mucro F. non tangebatur ceræ superficiem, sed, illi proximus erat, folio papyraceo tantummodo intercedente, sed ante ictum subtracto. Ex foramine M. demisso perpendiculo collocata fuerunt scaphia, ita vt in eadem Perpendiculari M B. essent exactè centrum scaphicoli O. styli caput H. & mucro F. & medium planitie ceræ. Tandem suspensus per filum globus ligneus N. de foramine M. ubi ab omni titubatione quieuerat, dimittebatur supra scaphiolum GHI. qui cum esset congruentissimus concavitati scaphioli, percussus caput H. stylum in ceræ profundum insigebat rectissimo ad horizontem ictu. Inclinata deinde superficie A F C. ad horizontem gradibus ferè 45. & reliquis vt supra seruatis: reperimus multoties, tantundem styli infixum ceræ in ictu orthogonaliter ad ceram, quantum in obliquo. Fingere autem ceræ particulas constare ex atomis figuratis, ita vt stylus semper incurrat in aliquas ad angulos rectos, est confugere ad ignotiora, & ex hac doctrina sequeretur,



ne Aduersarios quidem posse, tali experimento explorare, an
vali-

validior sit percussio recta, & perpendicularis, quàm obliqua: si quidem omnes essent rectæ ad facieculas partium vel atomorum. Multo minus expectat id experi casu aut explosione globorum, quia cætera non sunt paria & in obliquo ictu non est idem punctum aut pars globi percutientis, nec eadem linea per quam imprimitur



impetus corpori perculso. Fac enim recto casu Globum A. perpendiculari casu percussisse planum CD. sui puncto B, & lineam directionis impetus fuisse E A B. si postmodum obliquo casu idem Globus A. dirigatur versus planitiem CD. non percutiet eam sui puncto B. sed puncto F. & non eo impetu, qui diffunditur per lineam E A B, sed per parallelam GF. ideoque minor erit ictus. Proinde evidentior, & simplicior modus est, quo vitur corpore acuminato & percussivo. Nam & Gladiatorie artis magistri expecti sunt, tantumdem ingredi tabulam ligneam eandem gladium eundem, siue recto siue obliquo ictu projiciatur in illam. Quare cæteris paribus nihil facit in acuto ictu rectitudo, aut obliquitas, sed totidem partes styli vtrouis situ ingrediuntur corpus semimolle, ac semidutum.

- 26 Quintus modus & ipse simplicissimus, ac evidentissimus, sed precedenti planè contrarius est, quo Globus aptus ad reflexum, resultum, dimittitur supra planum corporis stabilis, ac durissimi, nullamque sui contusionem flexumue, nedum perfossionem, admittentis, idque modo orthogonali ad planitiem corporis duri casu, modo oblique inclinato prius corpore percutiendo per aliquos gradus ad horizontem: Nam si exactè observetur longitudo linearum rectarum, per quas Globus dimissus ex diuersis altitudinibus reflectitur, antequam absoluta reflexione deorsum relabatur; constabit longè maiorem esse lineam reflexionis si longè maior sit altitudo, unde dimissus est globus; & cæteris paribus longiorem obliquam, quàm rectam; ob minorem resistantiam quam facit grauitas salienti globo obliquè, quàm rectè. Omisissis porro experimentis alias relictis adducemus tria recentiora.

saliter aut plerumque verum esse: voluit id in nostri Collegij
 atrio rustico experiri, dimissis globis ex eadem semper altitudine
 pedum 31. Ego vt pote tunc pharmaco sumpto decumbens in
 lectulo non interfui, sed pro me interfuerit aliqui ex nostris præ-
 cipue P. Iosephus Ferronius, & cum D. Hadriano Illustris. Sena-
 tor Vastuillanus, & Excellentis. DD. Malpiga & Montanarius
 & experimentum mihi in charta relatum fuit vt infra; marmoris
 planities adhibita fuit, & prius horizonti æquidistans, deinde in-
 clinata.

Altitudo Pedum 31.	BI. Reflexio	Inclinatio ABF	Inclinatio ABF.
	Recta	Grad. 80.	Grad. 71.
Globi dimissi	seu eleuatio vinciarum	Eleuatio KG vinciarum	Eleuatio KG vinciarum
Pomulum aran- cium siccum	80	66	54
Globus Eburneus minor	102	94	72
Globus Eburneus maior	103	103	72
Pomum Indicum siccum	123	102	85

Agnouit D. Hadrianus in Reflexione obliqua, longè minus eleua-
 ri hos globos supra eandem planitiem horizontalem, quàm in
 Reflexione ad planitiem, & horizontem perpendiculari; sed di-
 xit, se non acquiescere omnino huic experimento. Proinde de-
 creui post valetudinem, & commoditatem maiorem deuenire,
 ad tertium experimentum accuratè. Quod factum est d. 16. Octo-
 bris anni 1668. Sed iam D. Hadrianus Florentiam iuerat; Testes
 tamen, & Adiutores fuere aliqui ex nostris & præcipue PP. Iose-
 phus Ferronius & Hyacinthus Micholus, & tres mensuræ capte
 vt infra, obliquata planitie maioris marmoris polinissimi, seu in-
 clinata angulo Graduum 10. post casus perpendiculares.

BL Reflexio Recta Angulus FBH. Grad. 10. ABF. Grad. 80.									
Altitudines AB Pedum	15	30	50	AB. Altit. Ped. 15.	AB. Altit. Ped. 30.	AB. Altit. ped. 50.			
Globi di- missi.	vnc.	vnc.	vnc.	Reflexio 3k vnc.	Elevatio 1kg. vnc.	Reflexio 8k. vnc	Elevatio 1KG. vnc	Reflexio 8K. vnc.	Elevatio 1KG. vnc.
Pila coria- cea	31	60	90	45	28	78	48	97	74
Globus Buxinus	50	88	112	55	33	91	71	135	102
Globulus Eburneus	92	176	288	110	81	189	135	314	231
Follis luso- rius inflat.	102	186	296						

Confirmatur itaque hoc experimento Reflexionis obliquæ lineam longiorem esse linea Reflexionis orthogonalis, quia illi minus reluctatur gravitas, quàm huic, nec tantus impetus in obliqua impressus est marmori, quantus in recta, ideoque plusculum impetus impenditur in obliquam lineam. At è contrario confirmatur minorem esse elevationem supra horizontem in Reflexione Obliqua, quam in Recta, & tandem confirmatur percussionem ex Reflexione æstimatam, non esse maiorem in casu perpendiculari, quàm in obliquo; imo si nesciremus minorem resistentiæ gravitatis, videretur maior percussio fieri in casu obliquo, quàm in recto. Inter omnes prædictos globos elegimus eburneum ut pote homogeneæ materiæ, & temperamento duritiei cum gravitate mediocri aptissimum ad Reflexionem iustam; ideoque illum eundem postea dimisimus ex fornice Ecclesiæ nostræ novæ ejusque fenestella rotunda, alta pedes paulo plusquam 60. fuitque Reflexio recta vnciarum 340 proximè, sed pavimentum Ecclesiæ non est marmoreum, lateritium autem minus idoneum est ad repercussionem. Interea si Reflexio vnciarum 92. est argumentum altitudinis pedum 15. quos globus absoluit vno fere secundo horario; Vtique Reflexio vnciarum 340. est argumentum impetus acquisiti ex Altitudine pedum circiter 60. quos globus absoluit duobus proximè secundis horarijs. Et hoc ut simplicissimo, & evidentissimo experimento deinceps utemur, Quandoquidem nimis difficile fuerit percussiones metiri ex Altitudine Turris Asinellæ, & intervallo pedum, quos globus noster pertransit.

transiit tempore 4. Secundorum Horationum: Sed præmitten-
dæ sunt aliæ propositiones.

VII. PROPOSITIO

27 *Ex percussionum differentia, qua sunt à Graui decedente supra aliud corpus apparenter immotum, quo ex altiore loco dimittuntur, Si cætera sunt paria colligitur aut æqualis, aut maior differentia Altitudinum, quam sit differentia percussionum.*

Id iam probatum manet ex dictis sub finem numer. 22. in experimento ponderis eleuati; & sub finem numeri 14. in stylo sebum perforante, & sub finem numeri 26. in Reflexionum lineis: & ratio vniuersalis est quia in percussione non apparet semper totus ille impetus, qui acquisitus est à graui ex altiore loco decedente, sed non minima pars eius aliorum impenditur, & pars diffunditur per poros ac partes corporis percussæ; pars autem refunditur in corpus, quod reflectitur; aut plurium partium lateraliter, aut superne obsistentium moles impedit maiorem alioquin futuram percussorem. Pro nostro autem Argumento sufficit nobis experimentum Globo Eburneo factum: Quia enim ex altitudine pedum 15. reflexè resultauit vsque ad uncias 92. postea verò resultauit vsque ad uncias 340. etiam si nesciremus, ex qua altitudine postea dimissus fuerit, argumentari liceret eam Altitudinem fuisse quaduplo circiter maiorem idest pedum 60. Est quoque ex æquæ debeat reflexio unciarum 368. quod enim huic deficit, impensum fuit aliorum, & defuit duntaxat marmorea vt narraui ad finem numeri 26.

VIII. PROPOSITIO

28 *Neque in descensu Grauium, neque in alijs percussionibus sola inclinatio minor efficit maiorem percussorem ad æquatè sumptam cum omnibus suis effectibus. Quando autem sit validior percussio non sunt cætera omnino paria, sed præter diuersitatem angulorum Inclinationis, aliqua alia diuersitas causa, vel conditionis intermiscetur, qua percussoris validitatem diuersificat.*

Hæc Propositio primo aspectu videbitur contra Communem Opinionem Ballisticorum, & Mechanicorum, quibus persuasum est, & experimento comprobatur, eo validiorem esse ictum, quo

quo fit per lineam magis perpendiculariter ductam ad corpus percutiendum, & maximum omnium ictum esse illum, qui fit per lineam perpendicularem; minimum verò imò nullum, qui fit per lineam parallelam corpori alteri. Nemo sanè Bombardarius non affirmabit maximam fracturam muri fieri, si bombardæ iactus dirigatur perpendiculariter aduersus murum: nemo item faber negauerit in terebrando ligno, aut ferro citius, & facilius illud perforari recta ac perpendiculari via; & sic de innumerabilibus. Hisce igitur fundamentis Fr. Stephanus de Angelis in suis primis Considerationibus Venetijs editis anno 1668. Aug. 12. pag. 119. & D. Io: Alphonsus Borellus in Responsione ad D. Michaelem Angelum Riccium pag. 34. ad 37. ex sola diuersitate, Angulorum Inclinationis affirmarunt fieri percussiones magis minusue validas.

His non obstantibus hanc doctrinam limitandam agnouimus. *Primo* quia cæteris paribus experti sumus, æqualem fieri perfossionem ab eodem Graui ex eadem altitudine dimisso in eandem ceream planitiem, tam æquidistantem horizonti & excipientem ictum perpendiculariter, quàm inclinatam pluribus gradibus ad ipsam, & excipientem ictum obliquum, vt narrauimus num. 25. Item experti sumus cæteris paribus non esse minorem, imò maiorem lineam motus reflexi dimisso eodem globo supra matmoream planitiem inclinatam horizonti gradus 10. aut 20. ferè; quàm cum ex eadem altitudine dimissus est supra eandem planitiem horizonti æquidistantem, & excipientem ictum perpendicularem sibi, vt narrauimus à num. 26. ex quibus extremis modis petossione & reflexione, sed simplicissimis, & euidentissimis deprehendimus, diuersam inclinationem lineæ per quam impitimitur, ac dirigitur impetus, quo percutiendum est alterum corpus, per se nihil conferre ad maiorem, vel minorem percussionem. Sicut autem recta linea cadens supra alteram rectam lineam, facit duos angulos hinc inde aut rectos, aut duobus rectis æquales, ita si cuspis styli a graui decedente intrusa in materiam tenuidutam, & perfossilem, & hemisphærica figura deorsum terminatam, in recto quidem casu inuenit resistentiam vtrinque æqualem partium quæ debent cedere locum stylo intranti; in obliquo autem casu, minor resistentia, quæ in vna parte inuenitur, nempe in depressa infra horizontem; compensatur maiori resistentia partium plurium superstantium, ex altera plaga partibus cedentibus locum stylo: ideoque æqualis vtrobique fit petossio.

Secundo

Secundo animaduertimus in casibus, in quibus obliquus ictus est aut videtur minor, non esse cætera omnino paria; sed aut corpus percussus vel percussum ob figuram, obtuso ictu facto non imprimere impetum per viam directi ictus, nec eo puncto contactus, sed alio vt figura indicauimus sub finem num. 25. Vel certe interuenit materia percussa heterogenea, vel pluribus ac densioribus partibus compacta; vel ipsa figura corporis percussæ plures patet obiectas habet ictui obliquo, quàm recto: facilius quippe perforatur lignum cuius crassities sit digiti vnus, quàm si versus eam plagam perforetur, in qua obstitit crassities digito vno maior: Si porro idem globus supra planum inclinatum dimittatur contra planum subiectum, & diuersæ fuerint inclinationes, non erit idem ictus, quia maiore impetu graue decurret per planum minus inclinatum, quàm per magis inclinatum; & sic cætera non erunt paria. Sicut nec in alijs casibus diuersæ percussionis; sed præter diuersam inclinationem reperietur ab exquisitè philosophante aliqua diuersa causa vel conditio concurrens ad diuersitatem percussionis adæquatè sumptæ. Aliquando enim obliqua percussio, quod deficit in vna parte percussæ, compensat in alijs corporibus reflexo tramite percussis, si ibi existant; aut prolixiore sibilo compensat sonum, qui factus fuerit recta percussione. Esto si vnicus, aut præcipuè intentus, vel obuius cognitioni effectus percussionis consideretur, maior sit vel appareat in percussione rectiori; sed tamen semper aliqua disparitas ad id concurrir, præter disparem inclinationem.

Hæc si considerassent prædicti Auctores, & experimentis comprobassent, non fuissent decepti ex vulgari illa doctrina. Nec D. Borellus linearum abstractarum proportionem ac mensuram per sinus angulorum vsus, putasset se demonstrasse vniuersaliter, quæ demonstrata à se dicitur: Natura enim aut ars, non semper operatur secundum proportionem linearum Geometricè consideratas, & certe vt supra dixi, malè de nobis meritis

est cum dissimulauit nostram clausulam:

Cæteris paribus, toties à nobis expressam: & attulit diuersos casus, aut disparitatibus alijs affectos, aut sine experimento expresso comprobatos,

CAPVT QVARTVM.

De Linea, quam Graue descendens in hypothefi de Telluris motu diurno, & Annuo à Copernico fupposito defcriberet in fpatio Mundano & de menfura talis lineae, atque Angulorum Inclinationis, quos in defcenfu efficeret illa linea cum perpendiculari ad horizon-tem Telluris.

29 **S**upponimus hic Graue aliquod, videlicet Globum argilla-
ceum vnciarum 8. vel eburneum femiunciale, dimiffum
per aërem noftratē ex altitudine pedum Romanorum 15. eos
confeciffie tempore vnus fecundi horarij, perpendiculari breui-
fimo dimenfi, eundemque ex altitudine pedum 60. dimiffum,
perueniffe ad pavementum abfolutis exactè duobus fecundis
horarijs, idem quem omnino obferuaturum oculum constitu-
tum fupra terram; fi Tellus, vt vult Copernicus, moueretur
tum diurno circa fui centrum motu; tum Annuo circa Solem.

Est hypothefis talis defcenfus fit improbabilis, & contra
finem naturalem Grauium, vt poftea docēbimus.

Supponimus præterea hunc defcenfum fu-
turum in eodem phyficè plano paral-

leli Bononienfis, in quo fecimus

experimenta; quia, intra

duo fecunda horaria

non deuiatet

abhoc

plano plusquam vnciam pedis,

vt oftendimus lib. 9. Alma-

gefti Noui cap. 18.


num. 7. fit

iam

IX. PROPOSITIO

Si Gravia cum Terræ diurno motu mouerentur, & descendendo designarent in Mundi spatio circuli peripheriam à Galilæo descriptam, descenderent per illam vniiformiter, salua in primis duobus, imò quatuor secundis horarijs proportionem debita Quadratis temporum numeris.

30 **I**N Dialogis Galilæi de Mundi System. pag. Italicæ 158. ex centro A. Telluris per Turris verticem C. intervallo A C. describitur Arcus C I. quatuor temporibus æqualibus puta 4. secundis horarijs consiciendus à vertice Turris, vi diurnæ vertiginis; eique similis arcus B K. describitur consiciendus à pede Turris B. diuisoque alterutro quadrifariam ducuntur ex A. per puncta diuisionum rectæ linæ A O F. & A P G. & A Q H. & A K I. secta deinde tota A C. bifariam in E. describitur intervallo E C. semicirculus C K A. terminatus in Terræ centro. cuius semidiameter AB. vnâ cum Turri BC. componit totam A C. His descriptis; quia A C. semidiameter, qua descriptus est arcus C I. duplus est Semidiametri E C. qua descriptus est arcus C K. per 5. theorema lib. 2. Collectionum Pappi, ideo arcus C I. duplus est ad Analogum arcum C K, & dimidium C G. duplum dimidij C T. & quarta pars id est arcus C F. duplo quartæ C S. Angulus autem C E K subtendens arcum C K. duplus est Anguli C A I. subtendentis arcum C I. ergo arcus C I. est dimidium arcus illius, qui similis est arcui C K. ideoque æquales sunt inter se arcus C I. & arcus C K. & similiter arcus C F. arcui C S. & arcus C G. arcui C T. æquales sunt, sed non similes, quia si C F. sit secundorum 15. erit C S. secundorum 30. &c. Hinc tamen sequitur arcus à Graui descriptos in circumferentia C K. esse inter se æquales. & vniiformes. nempe arcum C S. arcui ST. & arcum ST. arcui T V. & hunc arcui V K. sicut inter se sunt æquales quatuor arcus C F. F G. G H. & H I.



31. Ostendendum iam est fieri posse, ut in descensu Grauium aliquorum primis duobus, aut quatuor secundis horarijs, spatia pertransita sint sicut quadrata temporum: quod facile ostenditur: Nam ex modo dictis, Arcus CS. primo secundo horario pertransitus, est secundorum 30. & complementum eius SKA. Graduum 179. minutorum 59. & secundorum 30. cuius sinus duplicatus, seu chorda AS. est partium 19999999947. qualium tota chorda AC. sit 20,000,000,000. ideoque FS. partium tallium 53. deinde arcus CT. est secundorum 60. seu minuti vnus, & complementum TKA. Graduum 179. minutorumque 59. cuius chorda AT. talium partium 19999999788. ideoque GT. partium 212. Porro arcus CV. qui est sesquiminuti, complementum VKA, est Grad. 179. minut. 58. secund. 30. huiusque chorda est partium 19999999524. ideoque VH. partium 477. Denique Arcus CK. est duum minutorum, & complementum AK Grad. 179. min. 58. cuius chorda est 19999999154. ideoque IK. partium 848.

Quadrata autem Temporum quatuor priorum in minimis numeris sunt: 1. 4. 9. 16. eademque est proportio inter hos numeros ordinatim: quos ex residuis chordæ totalis collegimus ut. videre, est in adiecto laterculo: ergo potest de-

Interualla.	Proportio in minimis num.
FS. 53	1
GT 212	4
HV 477	9
IK 848	16

scensus aliquorum Grauium fieri in principio per circula rem lineam à Galilæo descriptam, salua proportionē reperta inter spatia pertransita, & quadrata temporum. Hæc methodo vsi, ut ad hominem argumentaremur contra Galilæum, qui abstractè locutus erat, non descendendo ad vllum casum particularem; de diuina occasione remotam P. Stephano de Angelis existimandi, etiam in casu globi ex Asinellæ Turris vertice dimissi, qui primis quatuor secundis horarijs confecit ordinatim pedes 15. 60. 135. 240. globum hunc descendisse per circula rem lineam Galilæi, quod minime expressimus, & in Astronomia Reformata lineam illam deseruimus. Non oportebat ergo doctrinam illam, quæ generaliter, & abstractè sumpta vera est, & ut mox docebo, possibilis, applicare ad casum, in quo non verificatur sicut fecit pag. 19. nempe ad casum, in quo globus noster ex rostris superioribus Asinellæ Turris dimissus confecit primo secundo horario pedes 15. & in fine duorum secundorum pedes 60. &c hoc enim experimento vsi sumus ad comprobandam proportionem spatia

spatiorum decursum talem, qualis est inter quadrata temporum, non autem ad comprobendam viam circularem. Sed dimittamus hanc litem, quæ nihil ferè facit ad nostra Argumenta contra Systema Copernicanum.

X. PROPOSITIO

Gravia aliqua in hypothesi diurni motus Terra possent descendere in prioribus secundis horarijs per lineam circularem à Galilæo descriptam: salva proportionem inter spatia pertransita apparenter, & Quadrata Temporum sine dimitterentur ex tanta altitudine quanta est Turris Asinella. siue non.

32 **I**Am enim pro præcedenti propositione ostensum est posse coniungi hæc duo nimirum, ut Graue descendat per lineam circularem à Galilæo designatam, & interim salva sit proportio spatiorum cum quadratis temporum, si videlicet internalla decursa ordinatim sint FS. partium 53. & GT. 212. &c. Hoc autem non abstractè tantum considerabile est, sed physicè possibile tribus modis, nempe ob leuitatem Globi dimissi ex altitudine Asinellæ, vel ob longè maiorem altitudinem, ex qua alius grauior Globus dimitteretur, vel denique si semidiameter Terræ diuinitus augetur.

Primo enim assumpta ex Geographiæ Reformatæ lib. 5. cap. 35. Telluris semidiametro pedum Romanorum 23367468. & ex lib. 6. altitudine rostrorum superiorum Asinellæ Turris supra superficiem Adriatici Maris pedum 490. euadit in præcedenti figura, tota AC. 23367958. pedum. Fiat ergo vt AF. partium 20,000,000 000. ad eandem AF. pedum 23367958. ita FS. partium 53 ad FS. pedum 0.²¹²¹₁₀₀₀₀₀. Nam si Globus aliquis adeo parum grauis sit, vt primo secundo horario, non pertranseat suo apparenti nobis descensu plusquam vigesimam partem Romani pedis, seu paulò plusquam semiuiciam, erit FS. partium 53. quailium AC. sit 20,000,000,000. Rursus si fiat vt AG. part. 20,000,000,000 ad AG. pedum 23367958. ita GT. partium 212. ad GT. pedum 0.⁴⁹⁴⁰₁₀₀₀₀₀ esset GT. spatium quadruplo maius spatium FS. & sic salva esset proportio prædicta.

Secundò varietur iam altitudo, eligaturque globus, qui primo secundo horario pertranseat vnum pedem Romanum, & in fine duorum secundorum pedes 4. fiatq; vt FS. partium 53. ad FS. pedis 1. ita AF. partium 20,000,000,000. ad eandem AF. pedum 377358491 quibus.

quibus subtrahere nostram Terræ semidiametrum pedū 23367468 remanebit Altitudo supra Mare Adriaticum pedū 353991023. idest milliarium Romanorum 70798. ex qua deberet dimitti talis globus. Vel retenta altitudine Asinellæ augenda esset semidiameter Terræ. Sed placet exhibere Lectori Altitudines ex quibus dimittendi essent Globi, qui primo secundo horario transirent apparenter pedes 1. vel 2. &c. vsque ad 15.

VT FS partium 53. ad AF partium 20,000,000,000.			
Ita FS Pedum	AD AF Pedum	Seu Milliarium	Seu Semidiametrorum Terrestrium.
1	377358491	71571	16
2	754716981	143143	32
3	1132077472	214714	48
4	1509433962	286186	64
5	1886792453	357857	80
6	2264750943	429424	96
7	2641509434	500995	112
8	3018867924	572572	128
9	3396226415	644143	144
10	3773584917	715714	160
11	4150943408	787285	176
12	4528301898	858848	192
13	4905660388	930410	208
14	5283019879	1001990	224
15	5660377358	1073560	240

Cum ergo Lunæ mediocris distantia à centro Terræ sit terrestrium semidiametrorum circiter 60. Globus transiens primo secundo horario pedem vnum, dimittendus esset ex altitudine, quadruplo ferè minori, quàm est distantia Lunæ; si verò transiret pedes 15. dimittendus esset ex quadruplo maiori altitudine, idest ex 240. semidiametris terrestribus; sed tunc tenuitas aëris ætheris celeriores motum Globi permetteret.

XL. PROPOSITIO

Errarunt, qui vniuersaliter negarunt descensum Grauium in hypothesi Diurni motus Terræ, esse posse per lineam circularem; aut asseruerunt vniuersaliter futurum per lineam Parabolicam, vel specialem, seu Helicoidem, vel per curuam aliam à circulari diuersam.

33 **I**N præcedentienim propositione manifestum factum est, posse descensum Grauium aliquot in hypothesi solius diurni motus Terræ idque in prioribus secundis horarijs. Nam in progressu iam lib. 9. Almag. Noui sect. 4. cap. 17. num. 14. constructa Tabula ad binos gradus semicirculi demonstrauius, globum illum seruando continuè proportionem spatiorum, & quadratorum temporis magis magisque recessurum à circulari, & quidem introrsum, si salua esset dicta proportio. Nam exempli gratia in figura num. 30. exposita, si globus conficeret Arcum C F. Graduum 10. esset Chorda A S. partium 199238. qualium A T. 200000. & F S. 762. cum proportio quadratorum requirat 775. sed vide ibi Tabulam, & discursum nostrum.

Potèd alij putarunt descensum hunc esse aut fore ex circularibus compositum, vt Bullialdus cap. 4. tui Philolai, quem lib. 9. Almagesti sect. 4. cap. 17. exposui, & impugnaui. At Petrus Gassendus Epistola 2. de Motu impresso à Motore translato docet, huius descensionis lineam esse parabolicam, prout fusius retuli eadem sectione cap. 4. in Scholijs, in quibus retuli opinionem Kepleri de linea quasi spirali; Galilæus quoque in 2. dialogo de System. mundi pag. Italica 157. dixit, si Grauium motus versus centrum Terræ nobis appareret vniformis, posita Telluris vertigine vniformi, fore motum Grauium per vnā ex spirallibus, quas Archimedes libro de spirallibus definiuit. At quia Grauium motus nobis apparet difformis, & acceleratus, licet circa initium descensus esset per lineam circularem, postea tamen recessurum à peripheria circuli. Alij apud Claramontium lib. 12. de Vniuerso cap. 21. putarunt esse similem Quadratici Nicomedis. Scheinerus in Disquisitionibus pag. 31. Spiralem in Aeq. & extra spiralem circa conum spiralem fore pronunciauit: Postremo Fr. Stephanus de Angelis in Primis Considerationibus super meo Argumento, à pag. 26. asserit hæc: *Nell'Equatore col solo moto diurno continuato sino al centro sarebbe vna linea spirale.* Idemque

Fr. Steph.
de Angelis
natus.

• Borellus


que repetit pag. 34. & 85. & 114. vbi absque limitatione alia pronunciat: *Se per impossibile la Terra si mouesse, in questo caso dico assolutamente, che quella linea sarebbe la spirale da noi descritta.* & in Opusculo de Infinitis spiritalibus Prop. 5. Scholio 3. vbi designata linea spirali subiungit pag. 17. *Huius generis esset linea illa, quae describeretur à graui naturaliter cadente versus centrum Telluris, in falsa bypothesi Copernicana, vel Semicopernicana in plano Aequatoris.* At iam ostentum est, posse hunc descensum in multis casibus esse circulem; Ergo malè Fr Stephanus de Angelis vniuersaliter affirmat fore spiralem in Aequatore. At D. Io. Alphonsus Borellus libro de vi percussionis proposuit. 57. in cuius probatione hæc habet: *Occasio postulat, vt aliquid innuamus de motu mixto ex transversali circulari aquabili, & ex perpendiculari descensu uniformiter accelerato versus centrum eiusdem circuli; qui motus neque per circuli peripheriam fit, neque per parabolam, neque per helicem peculiarem eius naturæ, quam aliqui recentiores putarunt.* Idemque in Responsione ad D. Michaellem Angelum, pag. 9 & negat vniuersaliter de linea spirali; existimat enim Grauius, quando descendit per circulos inferiores tardius moueri, & debere tamen in fine temporis descripsisse arcum æqualem arcui Aequatoris ducto per verticem turris, seu initium descensus, at hoc falsum est, debet enim describere, seu reperiiri in fine Arcus similis non autem Aequalis ita vt sit tot secundo: cum quot requirit tempus diurnæ reuolutionis; sed præterea malè negat, descensum hunc esse circulem, cum possit esse, vt supra ostendimus.

XII. PROPOSITIO.

In Hypothesi Diurni motus Terræ grane decidens posset descendere per lineam curuam designandam aliquando intra, & infra, aliquando extra, & supra lineam circulem à Galilæo descriptam.

34 **H**æc propositio est contra Fr. Stephanum de Angelis, quatenus vniuersaliter ait descensum huius lineæ spiralem casuram extra, & supra peripheriam descriptam per initium descensus, vsque ad centrum Terræ: Esto aliquando dicat casuram intra, & infra, & in hoc videatur inconstanter loqui. Repetatur huc figura numero 30. exposita, per quam num. 32. ostendit.

ostendimus, vt linea descensus gra-
uium sit circularis, qualis est CK,
salua proportionē spatiorum cum
quadratis temporum, requiri, ac suf-
ficere vt Graue in fine primi secundi
horarii conficiat apparenter spatium
FS. partium 53. & in fine subsequē-
tis secundi spatium GT. partiū 212.
qualium tota AF sit 20,000,000,000
At potest dari casus in quo Graue
aliquod duobus dictis secundis per-
transseat partes pauciores quam 53.
in FS. & 212. in GT. atq; adeo linea
descensus transeat inter Arcum CI.
& circumferentiam CK. ideoq; supra
& extra circulem CKA. sit enim
globus adeo levis, vt primo secundo
horario non conficiat apparenti de-
scensu, nisi semunciam, seu partem



24. pedis Romani resoluaturq; tota AC. (quam num. 32. diximus
esse pedum Romanorum 23367958.) in semiuncias 560830992.
& fiat vt A F. semiunciarum 560830992. ad eandem partium
20,000,000,000. Ita semiuncia vna, ad aliud, & euadet linea mi-
nor quam FS, nempe partium 35. $\frac{57}{72}$. Quia verò in fine subse-
quentis secundi supponitur talis Globus quadruplo maius spa-
tium pertransisse, idest quatuor semiuncias pedis, inuenietur ea-
dem methodo spatium inter G, & T, partium 142. $\frac{16}{30}$. quæ debe-
rent esse 212. si pertingerent lineam circulem.

35 B contrario possunt dari multi casus, in quibus Globus dimissus
ex C. primo secundo horario, conficiat plures partes quam FS.
53. Et GT. 212. adeoque linea descensus cadat intra, & infra cir-
culem CKA. Talis est omnis Globus, qui dimissus ex Asi-
nellæ Turris tostris C. conficit in primo secundo horario pe-
dem vnum, aut plures pedes Romanos. Fiat enim vt tota AF,
pedum 23367958. ad AF. partium 20,000,000,000. ita Pes
vnus ad aliud, & euadet linea maior quàm FS. nempe partium
855. $\frac{20}{31}$. atque adeo linea descensus cadet longè infra FS. ver-
sus O. Nos autem experti Globum cretaceum vnciarum 8.
confecisse primo secundo horario pedes 15. & in fine subse-
quentis secundi, pedes 60. eadem methodo inuenimus lineam FS.
multo maiorem quam 53. videlicet partium 12838. Quod ip-
sum

G sum

ium reperit Fr. Stephanus de Angelis in suis secundis Considerationibus pag. 39. Sed nunquam nos diximus in eo casu in quo Graue conficit pedes 15. conficere partes 53. qualium tota A.C. sit binarius cum 10. cyphris, vt nobis imponit dictus Fr. Stephanus ibi, & in primis considerationibus. Interim tamen admissio hoc experimento, de pedibus 15. & 60. &c. in primis considerationibus à pag. 17. ad 20. deducit partes maiores quam F.S. & G.T. nempe 11596. & 46385. ex quibus manifestè sequitur descensum fore per curuam multo infra circulem CKA. idque ipsemet Fr. Stephanus expressè fatetur in suis Considerationibus pag. 32. vbi cum Offredus adduxisset partes F.S. &c. 11596⁷/₁₀. Mathematicus Patauius subiungit: *Ma acciò che fosse nella circonferenza del Circolo bisognarebbe, che fosse solo 53. Adunque è tanto più bassa E, adunque falsissimo che ne anco nel principio del moto camini il mobile per la circonferenza C.T.X. mà per vna spirale, che caderebbe tanto più dentro del circolo, come hò fatto vedere in quel trattatello che hò publicato di queste spirali.* Et pag. 39. Cum F.S. &c. nactus esset partium 12838. subiungit: *Tanto adunque, che lo spatio passato è tanto più maggiore del F.S. di quello che lo poneuamo, e cade più giù verso A. di 1242. di quelle particole.* Agnouit ergo Fr. Stephanus Globum, qui primo secundo apparenter transeat pedes 15. in hypothesis diurni motus Terræ descensurum per lineam spiralem descriptam intra, & infra circumferentiam CKA. id enim cantant expressè verba illa. *E tanto più bassa, & illa caderebbe tanto più dentro del circolo, & illa; cade più giù verso A.* Nec potest dici eum loqui ex hypothesis mera nostri experimenti illud enim tandem admisit in primis considerationibus, præsertim pag. 72. nec poruit dubitare, nos adeo pingui Minerua expectos esse casum grauium, vt globus argillaceus, visus sit primo secundo horario transire pedes 15. & tamen aut ne vnum quidem, aut plures quam 15. pertransierit, nam facta hac quoque suppositione, si vnum saltem pedem pertransiunt; euasit F.S. multo maior quam partium 53. nempe 833³/₈. vt supra supputauimus. Si verò plures pedes pertransiunt, semper euadit illud interuallum maius & maius, & linea spiralis interior, ac inferior cadit extra circulem CKA.

36 At è contrario idem Fr. Stephanus de Angelis. parum sibi constans & hypothesis falsæ innixus asserit vniuersaliter, Grauiam naturaliter descendentia, in Systemate motus diurni Terræ descriptura lineam spiralem cadentem extra & supra circumferen-

rentiam circularem C K A In primis enim Considerationibus pag. 24. ait expressè de hac linea contra me: *Credo sbagli in ciò che dice, che la semità del moto caderebbe dentro la circonferenza, perche io sono di opinione, che caderebbe fuori*, & pag. 26. post falsam (vt mox docebo) demonstrationem, concludit: *Adunque la via del mobile caderebbe sopra la circonferenza*, & pag. 28. *La spirale caderebbe fuori della circonferenza del semi-circolo*. Et in secundis Considerationibus à pag. 43. ad 46. & in Opusc. de Infinitis Spiralibus pag. 18. persistit in eadem opinione. At eandem spiralem fote *extra & supra* circularem C K A. vt in his locis asserit; & fore *infra & intra* eandem circularem, vt idem dixit locis supra relatis, est manifesta repugnantia, quæ aliter nequit excusari, nisi dicendo eum diuersas hypotheses secutum esse. Videndum igitur quæ nam sit vera aut verior. Dico itaque veram hypothesin esse illam quæ experimento facto naitur videlicet dari multa graui, quæ in primo secundo horatio descendant apparenter vnum, aut plures Romanos pedes, & Globum argillaceum à nobis tories adhibitum primo secundo horatio confecisse pedes 15. & in fine subsequentis secundi pedes 60. hoc est tanto maius spatium, quanto quadratum secundi temporis superat quadratum primi temporis; quam proportionem repetam à Galileo, Turicello, Gassendo, Meriennio, Borello, & alijs, admittit ipsemet Fr. Stephanus de Angelis & in primis Considerationibus pag. 27. ex hac proportionem colligit tempus, quo dictus globus perueniret ad centrum A C. ex Almagesto pedum 25870240. illudque reducit ad horaria minuta 21. sect. 43. Verba ipsius sunt: *La proportion che hà 15. piedi spatio passato in vn 1. secondo à 25870240. l'hà l'quadrato d'vn secondo à 1724682. che sarà quadrato del tempo di tutta la discesa sino al centro la di cui radice quadrata prossima 1303. sarebbe il numero dell' secondi di hora, che consumarebbe ad arrinarui, che sarebbero minuti 21. secondi 43. prossimamente*. Nos autem supra numer. 14. supputauimus dictum globum ex vertice Asinellæ perueniturum, si nil obstatet, ad centum Terræ minut. horatijs 21. sed 43.

- 37 Quando autem idem Fr. Stephanus conatur demonstrare lineam spiralem Grauium in prædicta hypothesi casuram, extra & supra circularem assumit quædam, quæ sunt examinanda, præmissa figura ad eius, & nostram mentem explican-

berent esse 61775. Vnde concludimus in progressu Grauiæ recessura à semicirculari linea sed introitus. Esto in principio de scensus fuerint in circulari aut aliqua supra circularem iuxta dicta num. 34. Methodus autem nostra fundatur in Tabulis Sinuum iam demonstratis à plurimis Geometris, & communiter receptis, neque est geometrica eo quod pro exemplo determinauerimus $\text{CF. gradus } 1. \& \text{CG. grad. } 21.$

- 38 Audiamus iam quid pro hac methodo dicat Fr. Stephanus, & quomodo hinc supputet non FS. partium 31. sed FO. 24. ut graue incedat per CO. extra & supra circularem. In primis Considerationibus pag. 23. fideliter refert meam prædictam methodum, & tamen pag. 24. ait: *Io sono di opinione che caderebbe fuori, quod mox demonstrare conatur sic. Supponeremo che C D. sij quadrante; supponiamo parimente che C F. sij arco d'un grado, e che in tal caso come bene deduce l'Autore dalla Tavola della Senj la FS. sij 31. di quelle parti delle quali C A. è 200,000. Et perche in spatio d'hore 6. il punto O. con il moto diurno farebbe il quadrante C D. e il Graue arrivarebbe al centro A. Et il moto del punto C. che si moue con la resolutione diurna per il quadrante, è equabile, sarà tutto il quadrante C D. passato in 6. hore all'arco C F. di un grado passato in 4. minuti horarij, come il tempo al tempo. Adunque anco come il quadrato del tempo al quadrato del tempo, così sarà il quadrato del quadrante D C. al quadrato dell'arco C F. d'un grado. Ma il quadrato del quadrante C D. di gradi 90, è 8100. Et il quadrato di C F. di un grado è 1. Adunque la proportionè di 8100. ad 1. l'hà il quadrato del tempo di 6. hore. al quadrato del tempo di 4. minuti. Ma come il quadrato del tempo di 6. hore all'quadrato del tempo di 4. minuti, così è il spatio A C. passato in 6. hore dal graue all'insid. al spatio passato in 4. minuti; Adunque come 8100. ad 1. così la C A. ouero F A. à questo spatio. Ma se supponiamo che F A. sij 200,000. la proportionè di 8100. ad 1. l'hà 200,000. à 24 ¹⁰⁰⁰/₈₁₀₀. Adunque tanto sarebbe il spatio passato in 4. minuti. Ma F S. è di queste 31. Adunque il spatio passato è minore di F S. così dimostreremo di qual si sia spatio. Adunque la via del mobile caderebbe sopra la circonferenza. Loquitur ergo vniuersaliter, & tamen ex ipsius calculis adduximus num. 35. viam mobilis casuram infra & intra circumferentiam CTA.*

- 39 Iam porro Fr. Stephanus de Angelis supponit Graue, dum arcus C F. gradus vnus transiret minutis 4. horarijs & C D. quadrans transiret horis 6. peruenturum ad Centrum A. horis 6. At.

At hic casus nec vniversalis est, nec nisi rarissime possibilis ;
 Gravia enim pleraque longè citius peruenirent ad centrum
 Terræ & illud, quod primo secundo horano pertransiret pedes
 15. perueniret ad terræ centrum minutis horarijs proxime 21.
 ex dictis num. 36. ipso Fr. Stephano supputante, descenderet-
 que multo infra FS intra circulare. Imò si Graue primo se-
 cundo temporis conficeret vnicum pedem, fiat que vt pes vnus
 ad secundi vnus quadratum I, ita tota A C. pedum 23367958.
 ad aliud erit hoc quadratum temporis requisiti ad totam A C.
 absoluendam, nempe 23367958. cuius Radix quadrata proxima
 est 4833. secundorum horariorum seu minutorum 80¹¹ ho-
 rariorum, quibus talis globus perueniret ad centrum Terræ.
 At si fiat vt partes 31. ipsius FS. ad 4. minutorum horariorum
 quadratum 16. ita pedes 23367958. totius A C. ad quadratum
 12031731. eius radix proxima est 3469. Minutorum idest hora-
 rum 57⁴⁹. Vicissim, vt Minutorum 3469. quadratum 12031731.
 ad 4. minutorum quadratum 16. ita totius A C. Pedes 23367958.
 ad pedes 55609. Non potest igitur applicari calculus Fr. Stepha-
 ni ad casus, in quibus Graue pauciores, aut plures quam 6. ho-
 ras infumeret descendendo ad centrum A. nec verum est vni-
 uersaliter ipsius assertum. Denique hoc ipso quod ex tabulis
 Sinuum rectè, vt ipse confessus est, deduximus F S. post arcum

CI. gradus 1. esse partium 31. qualium A T. sit 100,000.

suspecta est aliqua ex illis proportionibus ex quibus
 tandem nanciscitur F S. partium 24. At quia ni-

hil hæc controuersia obest, aut prodest

nostris Argumentis contra Sy-

stema Copernicanum,

non est opera

pretium

in

ea diutius Immo-


rari.

XIII. PROPOSITIO

Problematica.

Determinare quot Pedes Romani antiqui contineantur in 15. secundorum Arcu terrestris Aequatoris, aut Paralleli Bononiensis, extensi vsque ad rostra superiora Turris Asinellæ, aut illi æqualis & in chordis Arcus vtriusque.

40 **I**n adiecto schemate Telluris centrum est A. superficies vicini Maris Hadriatici DE. est arcus 15. secundorum, cuius chorda G. semidiameter Terræ AE. vel AD. vector & à nobis correctæ, ac probata libro 5. Geographiæ Reformatæ cap. 34. pedum, scilicet sub Augusto, & Vespasiano Romæ vſitatorum 23367468. Rostra verò superiora Turris Asinellæ sint C. quorum altitudo, seu libramentum supra Hadriaticum est CE. pedum Rom. 490. ex dictis lib. 6. Geographiæ Reform. cap. 11. adeoque tota AC. pedum 23367958. ducto arcu BC. simili sec. 15. & producta AD. in B nascitur Triangulum Isosceles BAC. & chorda Arcus BC. sit recta F. Fingimus hanc Turrim, vel alteram illi æqualem, esse in plano Aequatoris: Vni enim gradui Aequatoris terrestris insunt pedes Romanis 407633. ex Tabula capit 37. in eodem libro 5. Geographiæ constructa & exhibita; Vni autem minuto insunt pedes Rom. 6793.¹¹/₂₀. & secundis 15. insunt pedes 1699⁵/₂. proximè sed quia Parallelus Bononiæ declinat ab Aequatore grad. 44. min. 30. sec. 20. ex eadem Tabula competunt vni gradui terrestris huius Paralleli pedes 290600 vniq. minuto 4843.⁵/₂. & quindecim secundis pedes proximè 1211.



Ex

Ex magno autem canone Bartholomæi Pitisci, chorda 15. secundorum continet partes 72667265. qualium Radius est vnitas cum duodecim cyphris, ergo qualium Radius A E. est pedum 23367468. talium chorda G. est pedum 1698. $\frac{1}{1000}$. in plano Aequatoris. Pro Parallelo autem Bononiensi, fiat vt 1699 $\frac{1}{2}$ ad 1698. $\frac{1}{1000}$. ita pedes 1211 arcui debiti ad pedes chordæ G. debitos proximè 1210.

Fiat iam in Aequatore. vt AE. pedum 23367468. ad Isoscelis basim. seu chordam G. pedum 1698. $\frac{1}{1000}$. ita AC. pedū 23367958. ad aliud & prodibit chorda F. pedum 1698. $\frac{8}{1000}$. similique methode in parallelo Bononiensi, inuenta est chorda F. pedum 1610. $\frac{1}{1000}$. Quæ placet in Synopsi sequenti representare, electa IHK. media inter extremas.

In Isoscele BAC. Arcus BC. & DE. Secundorum 15.

Crura AD. & AE. 23367468 AI. & AK. 23367718 AB. & AC. 23367958	Pedes in Aequatore Arcus DE 1699 $\frac{1}{2}$	Pedes in Parall. Bon.	
		Chordæ G. 1698 $\frac{1}{1000}$ H. 1698 $\frac{8}{1000}$ F. 1698 $\frac{8}{1000}$	Arcus DE 1211 Chordæ F. 1210 $\frac{6}{1000}$ G. 1210 H. 1210 $\frac{6}{1000}$



XIV. PROPOSITIO

Problematica.

Determinare quantitatem curvarum linearum quas in hypothesi diurni motus Terra, describeret graue primo secundo horario pertransiens apparenter in perpendiculari pedes 15. & altero secundo pedes 45. & Angulos Inclinationis factos à dictis lineis.

IN proximo Schemate AC.

est distantia Centri Terræ A.

à rostris, seu quasi vertice C.

Turris Asinellæ, quam numero

precedenti statuimus Pedum

Romanor. 23367958. & Arcus

FC. secundorum 15. debitorum

revolutioni diurnæ vnius secun-

di horarij, cui æqualis est Arcus

FG. altero secundo horario de-

bitus. Chorda autem FG. ex

dictis eodem numero 40. est in

Aequatore pedum Romanor.

1698. relictis fractionibus. &

chorda similis arcus DE. in su-

perficie Maris Hadriatici non est

integrali pede minor, sed & ipsa

est rotunde pedum 1698. multo

minus ergo chorda SO. similis ar-


cus discrepat à chorda FC. & est ipsa quoque pedum 1698. At

in Parallelo Bononienfi Chordæ FC. & SO. sunt pedum 1210.

Quoniam verò curua punctis designata, quam graue prædictum descensu suo describeret, non potest esse maior proportionaliter sua chorda, quam sit arcus FC. sua chorda, ex quantitate chordæ OS. coniecturam faciemus de quantitate curvæ CS. & ex quantitate chordæ TS. de quantitate curvæ TS. id enim satis est ad propositum nostrum, ut postea videbimus.

Primo itaque in Triangulo Isoscele AFC. datur Angulus A. secundorum 15. ergo singulus angulus ad Basim, ut CFS. est Grad. 89. min. 59. sec. 52. tert. 30. & FS. est pedum 15. & chorda FC. est pedum 1698. in Aequatore; pedum autem 1210. in Parallelo Bononienfi: Ergo per canones Trigonometricæ Loga-

H rithmicæ



rithmica chorda CS. euadit pedum 1698. $\frac{4}{100}$. in Aequatore, & pedum 1210. $\frac{11}{100}$. in Parallelo Bononiæ. Angulus autem FSC. quo chorda CS. inclinatur à perpendiculari FA. est Graduum 89. min. 30. sec. 21. in Aequatore.

Secundò in Triangulo Ifoſcele AOS. datur Angulus alter OAS. Secundorum 15. ergo Angulus AOS. qui est idem cum Angulo TOS. datur graduum 89. min. 59. sec. 52. tert. 30. & chorda OS. pedum 1699. in Aequatore; At pedum 1210 in parall. Bonon. quia verò in altero secundo horatio, Graue apparenter fecit spatium OT. pedum 45. ideo in Triangulo TOS. percutiones Trigonometriae Logarithmicae, euadit chorda TS. pedum 1699. $\frac{10}{100}$. in Aequatore; & pedum 1211. $\frac{11}{100}$. in parall. Bonon. Angulusque inclinationis OTS. Grad. 83. min. 29. sec. 39. patet ergo Graue, hoc in curua CST. descensum vniformiter physicè. cum ex chordis eius in secundo æqualium temporum non absoluerit spatium maius precedenti quam pede 1. & $\frac{10}{100}$, qui excessus, sicut in rigore Geometrico acceleratiunculam quandam inferat, physicè tamen, & comparatiuè ad pedes 1699. & ad accelerationem percussioni debitam quæ quadruplo ferè maior esse debuit, nulla est, sed contemptibilis, nec vniformitati physicæ, ac sensibili officiens differentia verò angulorum Inclinationis fuit, vt cernis in sequenti Synopsi.


Chordæ Pedes In Aequat.	Romani in Paral. Bon.	Anguli Inclinationis		Differetia Inclinationū	
		In Aequat.	In Paral. Bon.	In Aequat.	In Paral. Bon.
CS 1698 $\frac{4}{100}$	1210 $\frac{11}{100}$	G 17 G 17 11	G 17 11	G 17 11	G 17 11
ST 1699 $\frac{10}{100}$	1211 $\frac{11}{100}$	SFC. 89. 30. 21	89. 18. 9.	1. 0. 43.	1. 15. 12.
		OTS. 83. 29. 39	87. 52. 57		

XV. PROPOSITIO

Problematika.

Determinare quomodo & quantam lineam describeret aliquod Graue naturaliter descendens quibus prioribus secundis, singillatim horariis & quoto angulo inclinaretur a perpendiculari in hypotesi motus diurni, simul & Anni Telluris.

Visa semper est abstrusa phantasia linea, quam hic inquirimus cui aliquo modo mederi conati sumus lib. 9. Almagesti Noui sect. 4. cap. 17. & 19. multis figuris. Nunc autem vnica simpliciori figura tantum exhibebimus, quantum sufficit discreto & petito viro vt iudicare possit de qualitate, & quantitateque lineae praedictae, eiusque inclinatione à perpendiculari ducta ad centrum Telluris, sed praemittenda sunt aliquot suppositiones, vbi figuram exposuerimus. ante figuram tamen vna suppositione opus est videlicet Solis radios ab eius centro ad Terram du-ctos esse inter se parallelos ad omnem sensus subtilitatem, vt lib. 3. Almag. Noui cap. 5. num. 6. cum Ptolemaeo, Virellione, Petro Nonio, Villebrordo Snellio, & Bonauentura Cauallerio demonstrauimus, etiam si vnus radius duceretur ex Solis centro ad centrum Terrae, alter autem ex Solis centro ad extremum Telluris ab ipso contractum, nec distantia Solis à Terra esset tanta quantum nos ponimus.



Н. 2. Елор

Est iam ABC. chorda arcus, quem Telluris centrum percurreret annuo motu in orbe magno, tempore duorum secundorum horariorum, qui arcus ex medio motu Soli attributo, est Tertiorum 50. & Quintorum 42. eiusque dimidium AB. Tertiorum 25. Quattorum 25. Quintorum 21. Huic parallela (sed ingenter plus distans, quam in angustia chartæ huius exhibetur) ducatur, & æqualis DEF. nam Solis diameter minorum fere 32. est multo maior, fiatque parallelogrammum rectangulum ADFCA. sit iam in principio descensus Globi nostri, Telluris centrum in A; Oculi observatoris de die circa meridiem sit in G, vertex autem Turris unde Globus dimissus fuit, sit H. In fine, autem prioris secundi horarij, Telluris centrum annui motus vi, delatum sit in B; Si Tellus non fuisset mota Ortum versus diurnæ revolutionis vi, oculus observatoris manens ubi erat, esset in I. & vertex Turris in K. & globus apparet in L, confecto apparenter spatio KL. pedum 15. sed propter motum diurnum, Tellus reuoluta versus Orientem, transulisset Turrim ad Perpendicularē BM. quantum requirit arcus NI. seu angulus NBL secundorum 15. qui vni secundo horario debentur de diurna revolutione Telluris circa sui centrum, propterea oculus N. videret globum in O. confectis apparenter in MO. pedibus 15. & via vel chorda viæ à globo descriptæ in spatio mundano esset HO. & vertex Turris esset in M. ducatur porro per K. recta HP. parallela ipsi DEF, & ad illam producat recta BM. vsque ad Q.

Translato iam in fine posterioris secundi horarij Telluris centro de B. in C. Turris erit in perpendiculari CR. confecto, vi diurni motus arcu ST. secundorum 30; quantus quoque erit angulus SCT. oculus autem V. videret globum in X. confecto apparenter spatio ex pedum 60. ducatur ergo ex O. recta altera OX. pro chorda viæ reliquæ à globo descriptæ. Tandemque ad punctum X. ducantur rectæ BX. & CX. formata enim erunt 4. Triangula, quorum analysi Problema soluemus, præparatis quantitatibus pedum, quibus indigemus.

43. Suppono secundo. ex Astronomia Reformata, mediocrem distantiam Solis, & centri Terræ semidiametrorum terrestrium 7300 & ex Geographia Reformata Semidiametrum Terræ, esse pedum Romanorum 23367468. quæ ducta per 7300. faciet distantiam Solis à cœtro Terræ pedum 170582516400. nempe Semidiametrum Orbis Annui: ex libro autē 1. Almag. noui cap. 4. sicut diameter

ad circumferentiam, ita semidiameter ad semicircumferentiam est vt 100. ad 314. Fiat ergo vt 100: ad 314. ita pedes 170582-516400: ad aliud; & prodibunt in semicircumferentia orbis Anni quæ est graduum 180. pedes Romani 535619101496. & his diuisis per 180. proueniunt vni *Gradui* Pedes Rom. 297571-7230.¹/₂. Quibus diuisis per 60. proueniunt vni *Minuto* pedes 495-95287.¹/₂. & his rursus per 60. diuisis proueniunt vni *secundo* pedes 826588.²/₅. & sic per sexagenas subdividendo proueniunt vni *Tertio* pedes 13776.¹/₂. & vni *Quarto* pedes 229.¹/₂. & vni *Quinto* pedes 3.¹/₂.

Cum ergo vt supra diximus Arcui chordæ AB. tempore vnus secundi horarij, conueniant de motu annuo *Tertia* 2. *Quarta* 25. & *Quinta* 21. Aggregatis omnibus pedibus, chorda seu arcus AB. continebit pedes Romanos 33373. & tantundem continebit chorda arcus BC. vt videre est in adiecta tabella.

Tert.	Ped.	Tert.	Pedes
1	13776. ¹ / ₂	2	27553
Quart.	229. ¹ / ₂	Quart.	
1		25	5740
Quint.		Quint.	
1	3. ¹ / ₂	21	80
Summa		33373	

44 Suppono *Tertio* rectos radios DA. EB. FC. esse ad omnem sensus subtilitatem parallelos, vt dixi paulo post numerum 41. ideoque chordam HK chordæ AB. esse physice æqualem nec posse esse minorem vno integro passu. Nihilominus ad remouendos scrupulos semidiametro Orbis Anni subtrahemus totam AH. quam nūm. 40. diximus esse pedum 23367958. & relinquetur semidiameter orbis annui decurtata, terminataque ad H. pedum Rom. 17055914844.¹/₂. qua ducta per 314. & producto diuiso per 100. restant pro Semicircumferentia Orbis eiusque chordæ per HK. descriptæ pedes 53555726108. Et his diuisis per 180. proueniunt vni *Gradui* pedes 2975309589.¹/₂. Subdiuidendo autem per sexagenas proueniunt *Minuto* vni pedes 49588493.¹/₂ & vni *secundo* pedes 826474.¹/₂. Et vni *Tertio* pedes 13774.¹/₂ & vni *Quarto* pedes 229.¹/₂ & vni *Quinto* pedes 3.¹/₂. Quare aggregatis pedibus conuenientibus chordæ, & Arcui HK, sunt pedes 33369. His præparatis, soluenda sunt Qua-

Tert.	Pedes	Tert.	Pedes
1.	13774. ¹ / ₂	2	27549. ¹ / ₂
Quart.	229. ¹ / ₂	Quart.	5739. ¹ / ₂
1		25	
Quint.		Quint.	80
1	3. ¹ / ₂	21	
Summa		33368. ¹ / ₂	

tuor

Quatuor Triangula, sed quia per aliquot dies hemisphæria me infestum habuit, P. Iosephus Ferronius pro sua humanitate, ac pietate, illorum solutionem abiciuit, & mihi communicauit, vt infra.

45. *Primò* enim in Triangulo BKQ datus angulo K, recto ob parallelismum radiorum AD. & BE. secantium chordam HB, & angulo QBK, secundum 15. quantus est arcus. NI. confectus à diurna Telluris resolutione, vno secundo horario; & data ex dictis num. 40 tota BK, pedum Romanorum 23367958. Reperta est BQ, pedum 23367958. $\frac{61}{1000}$ & KQ, pedum 1698. $\frac{110}{1000}$ quam subtrahendo chordæ HK, quæ ex dictis num. 44. est pedum 33368 $\frac{11}{20}$ vel totundè 33369. remanet HQ. Pedum 31670.

Secundò in Triangulo HQO. datur HQ. nuperrimè reperta pedum 31670. $\frac{110}{1000}$ & OQ. pedum 15 $\frac{61}{1000}$. Tota enim BQ. in primo progressu reperta fuit pedum 23367958. $\frac{61}{1000}$. Est autem BM. quantitas BK, pedum 23367958. & OM. pedum 15, quos videretur pertransisse globus, ergo his demptis, restat BO, pedum 23367943. & OQ. pedum 15 $\frac{61}{1000}$. Angulus autem HQO, æqualis duobus internis, & oppositis nempe Recto K, & angulo KBQ. secundum 15. est Graduum 90. min. 0. sec. 15. ex quibus tribus datis, reperta est HO, pedum Rom. 31670. $\frac{110}{1000}$. nempe Chorda via, aut via ipsa globi, confecta in spatio mundano à dicto globo, tempore prioris secundi horarij. Angulus autem Inclinationis HOQ. repertus est Grad. 89. minut. 58. secund. 3. $\frac{1}{2}$.

Tertiò in Triangulo BCX, datur Angulus BCX. Grad. 89. minut. 59. sec. 30. quia in fine posterioris secundi horarij Tellus confecit arcum. VI. secundum 30. vi diurnæ vertiginis, & Radius FC, cum chorda BC, ob parallelismum efficit BCT, rectum. Datur præterea BC, ex dictis num. 44. pedum 33373. & CX. pedum 23367898. si nimirum toti CR, quæ tanta est quanta BK, pedum 23367958. subtrahas RX, pedum 60. quos in fine posterioris secundi horarij visus esset pertransisse globus, iuxta perpendicularum Turris. Igitur ex tribus his datis reperta fuit recta BX. pedum 23367917. $\frac{17}{1000}$. & Angulus CXB, Grad. 0. min. 4. sec. 54. vnde constitit Angulus CBX, Grad. 89. min. 55. sec. 36.

Quartò in Triangulo OBX. datur BX, nuper reperta pedum 23367917 $\frac{17}{1000}$. & OB. ex secundo progressu reperta fuit pedum 23367943. Angulus autem CBX. repertus est gr. 89. minut. 55. sec. 36. qui demptis recto KBC, relinquit KBX, grad. 0. minut. 4. sec. 24. & hinc addendo OBK, secundum 15. euadit totus OBX, grad. 0. min.

mini. 4. sec. 39. Ergo ex his tribus datis, reperta est *choyda* OX, idest via Globi in posteriori secundo horario confecta, vi motus Annui pedum 3 1721 $\frac{66}{100}$ & Angulus BXO, grad. 90 min. 0. sec. 30. qui iunctus angulo BXC, per Tertium progressum reperto graduum 0. minut. 4. sec. 54. conflat angulum OXC, grad. 90. minut. 5. sec. 24. & horum summa adempta duobus rectis, relinquit Angulum CXT, grad. 89. min. 45. sec. 36. hic autem æqualis est conuercicali Inclinationis Angulo OXR.

Constat ergo ne motus quidem Annui beneficio, talem globum physice acceleratum esse, sed quoad viam transversalem uniformiter delatum esse; neque aliter inuenitur, etiam si vtamur alia Solis distantia à Terra, aut alia quantitate Semidiametri Terrestris ex his, quæ probabiles continentur nam proportionaliter inuenitur HO, physice æqualis ipsi OX, neque Arcus harum chordarum (si tamen globus per eos deferretur) inter se inueniuntur sensibilibiter inæquales. His positis, ponemus duas propositiones, & absoluemus hoc caput.

XVI. PROPOSITIO

Neque in hypothesis Diurni motus; neque in hypothesis motus Annui Telluris, Graue aliquod naturaliter descendens duobus secundis horariis, quoad viam transversalem per quam in spatio mundano descenderet, acceleraretur physice, sed uniformi motu descenderet, absque inæqualitate sensibili, aut contemnenda.

46 **D**ixi quoad viam transversalem in spatio mundano; quia sequenti capite expendendum est, an per lineam perpendicularem horizonti terrestri, Graua descenderent, in Systemate Copernicano, & in tali descensu realiter accelerarentur tantum, quantum requirit maior validitas percussionis. Nunc autem loquendo solum de via seu linea transversali, Propositio probatur, quia spectato solo motu diurno, Globus noster qui dimissus ex quasi vertice Turris, visus est pertransisse in priori secundo horario pedes Romanos 15. & in fine posterioris secundi pedes 60. In hypothesis diurni solius motus Telluris transversaliter in spatio mundano pertransisset prius pedes 1698. $\frac{1}{100}$. Et posterius pedes 1699.

⁶⁴
¹²¹¹ In Aequatore; in Patallelo autem Bononiensi prius pedes
¹²¹¹ vt ostendimus nu. 41. At spectato motu Annuo Tel-
¹²¹¹ lusis, idem globus in priore secundo pertransisset pedes 31670.
¹²¹¹ in posteriori autem pedes 31721. ⁴⁶⁶ vt patet ex calculis nu-
¹²¹¹ meri 41. Quis autem iudicio physico vsus nō assentiatur in iunere
¹²¹¹ pedum 1699. aut etiā 1211. vnus pedis differentiam perinde ha-
¹²¹¹ bendam ac si nulla esset sicut, & in iunere pedum 31721. vi mo-
¹²¹¹ tus annui pedum 51. differentiam in ordine ad impetum atque
¹²¹¹ accelerationem requisitam ad percussione, quae scire quadru-
¹²¹¹ plo maior reperta est in fine posterioris secundi, quā in fine
¹²¹¹ prioris secundi, perinde habendam, ac si nulla esset.

XVII. PROPOSITIO.

*Neque in Hypothesi Diurni, neque in hypothesi Annui motus Telluris,
 Graue aliquod descendens transuersaliter duobus secundis horarijs
 variaret Inclinationem à sua perpendiculari tam physice, ac sensibi-
 liter, quantum requirit validior percussio.*

⁴⁷ Licet enim diuersitas Inclinationis, nihil per se faciat ad va-
 lidiorē percussione, si coetera omnia sint paria, vt do-
 cuimus propol. 8. à n. 28. Tamen dato quod faceret aliquid, non
 sufficeret petexigua diuersitas Inclinationis. Vidimus enim
 num. 26. in 3. experimento opus fuisse Inclinationis differentia
 graduum 10. vt idem globus ex altitudine pedum 15. dimissus,
 reflecteretur per lineam digitorum 110. oblique, qui recto re-
 sultu reflexus, fuerat 92. At vi diurni motus, differentia Inclina-
 tionis, vt patet ex fine numeri 41. non esset maior Gradu 1. &
 sec. 42. in Aequatore, vel Grad. 1. min. 25. sec. 12. in nostro paral-
 lelo. Vi autem motus Annui differentia illa non excedit min. 12.
 30. vt patet ex calculis num. 45. productis.
 Neque licet hic recurrere ad Sinus Inclinationum, quia non con-
 stat naturam Grauium in descensu, transuersali seruaturam has
 leges; tum quia inter Sinus hosce non est illa proportio quae re-
 quiritur à validiore ictu. Nam ex dictis num. 42. Inclination prior
 in Aequatore esset grad. 89. min. 30. sec. 21. quorum Sinus est
 999628. qualem Sinus totus est 1000000. Inclination vero po-
 sterior esset grad. 89. min. 29. sec. 39. quorum Sinus est 9999612.
 & sic de similibus.

XVIII. PROPOSITIO

*Si ex validiori percussione aslimanda est acceleratio, seu maior
 velocitas Grauis percutientis, quoad motum transversalem,
 nec aliunde haberetur vis validius percutiendi, oportet
 nec, vt aliquod Graue triplo ferè maius spatium
 pertransiret in posteriori secundo horario
 quam in priori, aliquod verò Graue,
 ferè quadruplo.*

Propositio hæc fundatur in illis experimentis, quibus ex
 percussione colligitur triplo, aut quadruplo maius spatium
 adhibendum esse, vt percussio fiat quadruplo, imò minus, quàm
 quadruplo maiori, iuxta dicta num. 27. loquendo de spatio sub
 nostrum visum cadente. Proinde si aliunde non oritur vis per-
 cussionis, quàm ab impetu acquisito in via transversali cum ma-
 iori, & maiori velocitate oporteret vt nostrum graue in priori
 secundo horario, vi diurni motus in parallelo Bononiensi confi-
 æret pedes 1210 $\frac{18}{100}$. sed in posteriori seorsim pedes triplo plu-
 res nempe 3630 $\frac{54}{100}$. Vi autem motus annui, in priori secundo
 pedes 31670 $\frac{156}{1000}$. in posteriori autem pedes 95011. ita ferè exi-
 gente differentia percussio: Et tamen tanta in vtro-
 que Secundo vniformitate descenderet, vt sua velo-
 citate vix excederet velocitatem corporis su-
 biecti ad eandem partem, vi motus
 Telluris translati, ideoque so-
 lo hoc tantillo excessu
 velocitatis il-
 lud
 percuteret, aut contingeret,
 vt infra magis ex-
 plicabi-
 tur.

CAPVT QVINTVM.

An præter lineam obliquam in spatio Mundano, Graua descensu naturali vi motus Telluris descenderent physice, verè ac realiter per eandem lineam perpendicularem horizonti terrestri, sicut apparenter descendunt per illam.

49 **H**Oc est potissimum controuersie punctum. Nam differentia percussionum, quas faciunt graua descendendo ex notabiliter altiore loco, aut accedit ad differentiam altitudinum, & aut tanta est, vt prærequirat in Grauium descensu accelerationem magnam, & realem; Graua autem descendendo per viam obliquam non accelerantur sensibiliter in hypothesi motus Telluris, nec percuterent subiectum corpus, quod æquali ferè velocitate fugeret Orientem versis, nisi exiguo illo velocitatis excessu, quo fugam subiecti corporis superarent, aut ad merum contactum eius peruenerent. Ergo ad saluandum tam notabilem excessum percussionum opus esset, vt Graua per aliam viam equaliter descendendo, in illa tantum accelerarentur, quantum omnino videntur accelerari descendendo per eandem apparenter lineam perpendicularem horizonti, & in ea transeundo spatia proportionalia numeris quædeatis temporum. Hinc aliqui concepto per phantasiarum hoc motu, non dubitarunt asserere, Graua in prædicta hypothesi descensura physice, verè ac realiter per eandem lineam perpendicularem per quam nunc descendunt, cum eadem reali acceleratione, cum qua nunc videntur accelerari. Ita sentit Fr. Stephanus de Angelis in primis super Argumento meo Considerationibus à pag. 85. ad 110. & in secundis Considerationibus à pag. 60. ad 90. & D. Io. Alphonsus Borellus in Opere de Vi percussionis à pag. 110. ad 113. & in Responsione ad D. Michaelen Angelum Riccium pag. 6. Id ipsum multo ante asseruit D. Iulius Turrinus, in suo Niceta Orthodoxo, Duplicaque ad me scripta à pag. 10. & in eandem opinionem propensum video D. Io. Dominicum Cassinum: Quorum vt pote virorum doctissimorum, ac profundius iudicii, sola me auctoritas commoueret, nisi ratio in oppositum me compelleret; consuluissemque alios multos meæ rationi subscribentes: Anteaquoque DD. Saluiatus, & Sagredus Galilæi sententias representantes in Dialogis de Mundi Systemat. pag. 159. cum dictum esset Graua in hypothesi motus diurni Terræ descensura per

per circumferentiam circulari proximam D. Sagredus pag. 160.
 subiungit. *Vò considerando vn'altra cosa mirabile, & questa è, che
 stanti queste considerationi il moto retto vadi del tutto à monte, &
 che la natura mai se ne serua: poiche anco quell'uso, che da principio
 gli si concedette, che fù di ridurre à suo luogo le parti dei corpi in-
 tegrali, quando fossero dal suo tutto separate, gli vien lenato, & asse-
 gnato al puro moto circolare.* Huic autem Considerationi statim
 D. Saluiatus assensus est dicens. *Questo seguirebbe necessariamente
 te, quando si fosse concluso il globo terrestre mouersi circolarmente.*
 Senfere itaque cum Galilæo ex circulari motu Terræ sequi ne-
 cessario, vt Grania non descenderent per rectam lineam, sed per
 obliquam, seu transuersalem circulari proximam. Opera igitur
 pretium est in medium producere rationes pro hoc motu. Gra-
 uium recto ac perpendiculari secuturo ex Telluris motu, & con-
 tra hunc motum: Quod vt faciliori imaginatione fiat præmitte-
 mus hoc schema, in quo sit Terræ centrum A. & vertex Turtis,
 vnde globus dimissus sit B, qui in fine prioris secundi visus est
 descendere per perpendicularem AB, & cadere in C. confecto
 spatio B. C. pedum 15. intervallo
 itaque AB. describatur Arcus BD
 quem duobus, secundis horarijs
 describeret Globus si maneret in
 puncto B: & Grauitas illum non
 inflecteret deorsum; diuiso que
 hoc arcu bisariam in E. ducantur
 perpendiculares A D. & A E. ei-
 dem verò arcui describantur simi-
 les duo arcus, vnus ex C. per F. in
 G. alter ex H. per I. in K. ita vt spa-
 tium in fine posterioris secundi
 pertransiunt. nempe DK. sit qua-
 druplum spatij E. F. pertransiti ap-
 parenter in fine prioris secundi
 horarij Intelligatur præterea cor-
 pus percutiendum vnà cum per-
 pendiculari AB. transferri pri-
 mum ex C. in F. & oculus obser-
 uatoris ex H. in I. deinde corpus. & oculus prope H. transferri in
 K. Globus autem B. descendat in F, per obliquam lineam BF,
 quæ excedat tantilla portiuncola FL, arcum CF, & in posteriori
 secundo per obliquam FK, descendat in K, & excessus modicus
 I a lineæ



lineæ FK. supra arcum IK. sit KM. Quæritur iam, utrum præter obliquam lineam BFK. Graue descenderet per perpendicularem AB. translaram ad AE. & AD, ita ut reipsa descendisset primum per EF. & deinde per GK. an verò solo, & vnico motu per obliquam BFK. reperiretur in diuersis punctis F. & K. perpendicularium AE. & AD. & solum apparenter videretur descendisse per EF; oculo translato in I. & per GK. oculo translato in K.

Rationes pro Affirmatiua descensus perpendicularis, quinque reperi apud eius defensores; duas communes, & reliquis particulariter nostro casui applicandas & sunt hæc. 1. Possibilitas duplicis motus diuersi facti ab aliquo mobili, ex quo resultet tertius motus mixtus. 2. Motus communis composibilitas, cum motu proprio nihil impedito à communi motu. 3. Motus Aëris, & eiusdem perpendicularis pariter cum Graui translata, & successuum esse Grauis in eadem perpendiculari. 4. Mensura distantie à termino à quo, & accessus ad centrum Terræ, non in alia linea æstimanda, quam in perpendiculari ad horizontem Terræ. 5. Percussio à solo motu descensiuo facta, non autem a motu circulari. Has seorsim examinare oportet.

50 *Prima Ratio.* Non est impossibile idem mobile moueri simul duobus motibus continuè diuersis, & ex his resultare motum mixtum ex duobus illis, ergo non est impossibile idem Graue vi motus circularis tendere Orientem versus, & vi grauitatis descendere per eandem perpendicularem, & ex his motibus in spatio Mundano designari lineam transuersalem ex illis mixtam. Si autem hoc est possibile maxime in Grauium descensu in quo hypothesi Copernicana supponit duplicem vim motiuam, vnā circularem versus Orientem, alteram perpendiculariter, vel quam breuissime motiuam versus centrum Grauium, quod sufficit ad minoris probationem. Maior verò probari posset innumeris exemplis: Sed hæc pauca sufficiant. Spiralis enim linea sic generatur; ait quippe Archimedes Opere de spirilibus: *Sive ista linea in plano altero eius termino quiescente, circumferatur, donec ad locum redierit, unde primum cepit moueri. Et simul cum hac circumducta linea punctum feratur, Et ipsum semper sibi ipsi equali semper velocitate moueatur, secundum ipsam lineam motum, incipiatque à termino quiescente versus alterum ferri punctum, huiusmodi spiralem lineam in plano describet.* Hinc Fr. Stephanus de Angelis pag. 89 primarum considerationum concludit si formica incedat per eandem rectam lineam, & linea illa physica circūducatur circa vnum sui extremum, fore ut formica describat lineam spiralem resultantem ex duplici motu reali

vno formicæ supra eandem rectam lineam, altero eiusdem rectæ
 lineæ circa sui extremum circumductæ. Sic dum graue pondus vi
 cuius ianua aperta, sponte clauditur, quia pendet ex fune per tro-
 cheileam tergori ianua affixam, dum ianua circulari motu circa
 cardines describit cylindricam superficiem & pondus circa aliam
 cylindrum describit spiralem cylindroidem; recto tamen descen-
 su fertur deorsum per eandem perpendicularem funis eiusdem.
 Denique facillimo experimento, si quis globo ligneo aut metal-
 lico diametraliter perforato inserat virgam inflexilem longam, &
 cylindræam, sitq; foramen globi aliquantulo maius crassitudine
 virgæ; & infimum extremum virgæ affigat pavimento, circa quod
 extremum circumducatur virgam in eodem plano vna cum globo,
 & interim globum de suprema parte virgæ premas deorsum: vi-
 debis duos reales motus vnū virgæ in gyrum actæ, alterum globi
 per eandem rectam virgā deorsū prortusi, & ex his duobus motibus
 resultabit spiralis linea facile intelligibilis, imò & designabilis.

51 *Respondeo.* Distinguendo *Maiorem* propositionem, eamq; conce-
 dendo si sint duo mobilia, quorū vnū per se mouetur suo proprio
 motu, per accidens autem mouetur ad motū alterius realis entis
 mobilis, cui adheret seu insitit aut ipsummet mouet, ideoq; hoc
 aliorum moto, aliorum quoque vehitur, aut trahitur, sicut eue-
 nit in exēplis quibus probata est maior, & in omnibus alijs, quos
 inductione facta examinaui, & in quibus idem mobile per duas
 actū diuersas lineas fertur. Sed nego *Maiorem*, si vnicum, & idem
 sit mobile quantumvis præditum duplici vi motiua in diuersas
 partes, nec moueatur per accidens ad motū alterius rei, cui adhe-
 reat vel insistat, sed per se ac seipsum moueat. Tale enim mobile
 impossibile est naturaliter, vt continuè, ac successiue seipsum to-
 tum, aut eandē sui partē idemue sui punctum moueat actū simul
 per diuersas partes, & motu perfectā intento a singulis virtutibus
 motiuis, seorsim consideratis, & in actū primo id conantibus, sed
 necesse est vt aut scindatur Mobile, & vna eius pars moueatur
 versus vnā Mundi plagā; altera verò versus alteram; aut vt vna
 virtus alteri contemperetur, & concilio quodam, vt sit in mixtis,
 conspirent, & concordent in vnicū motum de vtroq; imperfectè
 participatē, & neutra vis motiua obtineat suū effectū perfectū;
 & adæquatum. Ratio negādi cum tali distinctione *Maiorē* à po-
 steriōri quidē est inductio facta, quantū circumspicere intellectus
 potuit, per omnes casus imaginabiles, hætenus enim casū nullum
 reperire potui, in quo *Idem, & vnicum Mobile seipsum totum siue*
partem eandem, idemue punctum moueat per se & non ad motū alio-

rius

rius ab alio vel à se moti, moueatque successiue, & continuè per diuersas, & actû distinctas lineas. Et viceuersa nullum casum siue ab Aduersarijs, siue à nobis excogitatum repertum, in quo non sint duo mobilia realiter distincta quotiescunque vnum mobile mouetur secundum se totum aut eandem sui partem, idemue punctum in diuersas actû plagas; semper enim motui per se facto à mobili per lineam propriam adiungitur motus alterius mobilis, cui illud alterum insistit, aut adhæret ideoque, aut illud mouetur, aut ad motum illius per accidens mouetur. rectione aut tractione.

Apriori autem ratiocinando per omnes combinationes possibiles duarum facultatum localiter motuarum versus diuersas partes: Si neutra ob mutuam æqualemque resistantiam mouetur, aut si vnica tantum suum motum perfectum efficit, altera positiuè impedita, & oriante; aut vtraque conspirat in vnicum motum mixtum, & neutra efficit suum proprium motum perfectum, & adequatè, & in his tribus casibus, aut nullus, aut vnicus motus fit per vnicam lineam. Si verò vtraque vis motiua mouet actu idem mobile motu perfecto eo adequatè debito suæ virtuti, independenter ab altera, perinde ac si altera non operaretur; & in hoc casu, aut scinderetur mobile in duas partes, aut simul esset in locis realiter distinctis, quod sine reproductione, aut replicatione diuinitus facta contingere nequit, & sic in figura præmissa; si vis circulariter motiua globi B. moueret per eundem arcum BD. qui est motus perfectè debitus virtuti motiue Orientem versus, & imitatiuæ motus circularis Terræ, in fine posterioris secundum horarij globus fuisset in D. vi autem grauitatis mouentis deorsum per BH. translata in DK. idem globus esset in K. eo momento, quo esset in D. quod naturaliter est impossibile; sicut ob eandem causam non potest moueri idem duobus motibus contrarijs continuè, & successiue; ideoque ad saluanda phænomena motuum cœlestium, qui videntur continuè fieri in contrarias Mundi plagas Astronomi diuersas hypothesas, ac Theoricas excogitarunt, & ipsemet Copernicus motum Telluris suscitauit. Superest igitur vltimus casus fictus ab aduersarijs, vt vna vis motiua suum perfectum motum operetur independenter ab altera, nec impedita, aut modificata ab hac; altera verò hæc non operetur suum motum perfectum, sed imperfectum tantum, eo quod ab altero impediatur. seu modificetur. Sed hic casus irrationabiliter, & absque fictus est, cum nulla ratio probabilis assignari queat, ob quam vna virtus motiua moueat idem punctum, quod ab altera.

tera interim mouetur, & mouendo in diuersam plagam ab ea, in quam altera mouet, non diuersificet alterius motum, impediatque ne perfectè fiat ab altera; concurreret enim, & non concurreret ad eiusdem puncti motum. Dato tamen, & non concessio hoc casu, non potest hic applicari descensionis Grauium, in quibus præualeat notabiliter, iuxta Copernicum vis motiua circulariter Orientem versus Grauitati motiue deorsum, tum quia motus in gyrum esset essentialis corporibus terrestribus tum quia vis motiua circulariter vnicò secundo horario pertransiret in Aequatore pedes Romanos 1698. vi solius motus diurni, vi autem motus annui pedes 31670. ex dictis num. 41. & 45. At vi grauitatis non pertransirentur nisi pedes circiter 15. Nulla igitur ratione aut iudicio physico (quidquid sit de Metaphysica suspitione) debet dici præualitoram grauitatem ad motum deorsum per eandem perpendicularem, sed potius præualitoram vim circulariter motiuam, ne recta graue deorsum tendat, sed obliquè descendat, & in eo prædominetur motus versus Orientem; longè enim sunt plura puncta diuersorum circulorum, in quibus reperiretur Graue, quam puncta eiusdem perpendiculis.

32 *Secunda Ratio* pro affirmatiua descensus recti per eandem perpendicularem in hypothese Copernicana hæc est. Inductione, constat quando aliquod mobile mouetur motu vno communi, altero proprio, proprium, non impedit à communi: Sed in hypothese Copernicana motus circularis Orientem versus esset motus communis omnibus corporibus, siue grauib, siue leuib, & siue in suo loco naturali quiescentibus, siue extra solum, & locum, & malè dispositis, motus autem deorsum esset proprius, & solis Grauib extra solum locum positis conueniens. Ergo motus circularis Grauium non impediret motum perfectum deorsum per eandem perpendicularem. *Maiorem* probare conantur diuersis exemplis. Si quis enim curru vectus Bononia Mutinam ferat secum horologium rotularium; Sagitta horarum index deferibet suum circulum, nihil obstante communi motu currus. Item si quis in navi eunte versus Orientem, sedens ducat rectam lineam supra chartam versus Mundi polos, cursus nautis non impediet ductam illius rectæ lineæ &c.

Respondeo negando *Maiorem* vniuersaliter sumptam, & ubi ea valet negando paritatem in *Minori* suppositam. In multis enim casibus motus communis impedit aut retardat aut diuersificat proprium. Horologij arenarij veloci motu gestati segnius delabuntur arenulae

nula sitque mensura temporis prolixior. Ex curru vel naui velociter corrente desiliens aliorum motu impresso, non sine periculo deuoluitur. Si praelongam virgam teretem globo inseras ita ample per te celebrato, ut per eam decurrere possit, erectamque perpendiculariter virgam cum globo ex eius summo dimisso velociter currendo gestaueris, videbis globum multo segnius delabi & minori ictu tuam manum percutere, quam si immotus finis globum aliorum non deuersum deorsum currere. Id ipsum experire si per tubum praelongum, dimittas perpendiculariter ab horizontem globum, primo immoto tubo, ac deinde velociter delato, sed conseruato in situ perpendiculari, Et sic de innumerabilibus. In casibus autem in quibus motus communis non videtur, diuersificare motum proprium semper interueniunt duo mobilia, quorum vnum per se mouetur, per accidens autem alio motu mouetur ad motum alterius rei mobilis, cui insistit, aut adhæret. Nec datur casus in quo idem Mobile seipsum moueat totum, aut idem sui punctum motu duplici continuè, & vis motiua communis non diuersificet motum proprium alterius virtutis; & ideo negavi paritatem in *Minori* propositione suppositam.

53 *Tertia Ratio* est, quia moueri physice, ac realiter per aliquam lineam designabilem in corpore aliquo est reperiri successiue in diuersis eius partibus & punctis, non per replicationem, aut reproductionem mobilis diuinitus factam, sed vi facultatis loco motiue. At in hypothesi Copernicana Graue per aërem descendens vi grauitatis reperiretur continuè, ac successiue in diuersis partibus, & punctis eiusdem lineæ perpendicularis in Aëre illo designatæ, qui vi motus diurni pariter cum illo graui moueretur Orientem versus, idcirco enim in eo descenderet, quia Aërem se leuiorem vincere, & sursum tetrudere conaretur, occuparetque locum inferiorem. Ergo Graue in tali hypothesi licet in spatio Mundano designaret lineam obliquam BFK. in spatio tamen physico, idest in Cylyndro Aëris congruente globi diametro descenderet per eandem rectam lineam perpendicularem ex AB, in AE & AD, translata.

Figura

um. 49.

Respondeo distinguendo *Maiorem* eamque concedendo si vnica sit vis motiua per talem lineam, nec posset mobile reperiri successiue in diuersis partibus, ac punctis eiusdem lineæ, vi alterius virtutis loco motiue per aliam lineam, aut si mobile per se moueatur per lineam illam, per accidens autem ob motum lineæ ab altera virtute aliorum translata. Nego autem *Maiorem*; si possit

possit idem mobile repetiri successiue in diuersis partibus, & pñ-
ctis eiusdem lineæ, vi facultatis alterius loco motiue cum alte-
ra conciliatæ ad motum mixtum, aut si mobile non moueatur
per se per illam lineam, ab altera facultate eiusdem mobilis
translatam. In casu autem nostro ad motum Grauis concurret
cum grauitate vis motiua antrorsum versùs Orientem, quæ con-
temperata cum grauitate affectante motum deorsum, moueret
Graue per obliquam lineam BFK, & ex hoc solum simplici mo-
tu Graue reperiretur successiue in diuersis punctis perpendicu-
laris lineæ, absque eo, quod realiter moueretur per illam. Sicut
in iisdem punctis reperiretur, si in graui esset vnica, & simplex
vis motiua per lineam solam BF X, imitatrix virtutis dupli-
cis, quæ in Graui à Copernicanis supponitur. Porro corpus
graue B, nec secum deferret realem lineam Aeris, per quem
dimissus esset; nec ad illius motum moueretur; sed Aer ab
intrinseco moueretur versùs Orientem, non secùs ac corpus
graue ab intrinseco versùs eandem plagam moueretur, etiam
si aeris motus à vento vel alia causa deturbaretur. Proinde
existentia Aeris in eadem perpendiculari non est sufficiens,
aut rationabilis causa descendendi per eam perpendicu-
larem.

54. *Quarta Ratio* est huiusmodi. Distantia, & recessus Grauium
descendentium à termino à quo, & accessus ad centrum Ter-
ræ, quod est terminus ad quem, mensuratur in sola linea per-
pendiculari ad horizontem; in figura enim num. 49. distantia
Globi B, delati in F, à puncto B, delato in E, est EF, & hæc est
portio perpendicularis AF, & accessus ad Centrum A, mensura-
tur per AF. Sic graue delato in K, distantia à puncto B, delato in
D, æstimatur tanta, quanta est DK, portio perpendicularis AD,
& distantia à Centro Terræ tanta quanta est AK. Ergo Graue,
descenderet per eandem perpendicularem, & per eam accede-
ret ad Centrum Terræ.


Respondeo concedendo *Antecedens* de distantia, negando de ac-
cessu quatenus hoc nomen supra distantiam minorem, signifi-
cat motum localem; sed nego Consequentiam. Nam absque
reali motu per lineam perpendicularem mensurari potest in ea
linea, imò debet distantia à terminis à quo, & ad quem; suffi-
cit enim per motum in alia linea factum constitui mobile in ta-
li, actanta distantia. Sic perpendiculum ipsum, seu Pendu-
lum à perpendiculari situ eleuatum, ac sibi dimissum, acce-
dit seu minus distans fit ab horizonte, nec tamen incedit

K

per

per lineas perpendiculares ad horizontem ductiles, sed per arcum ab ipso designatum. Sic Sol, & alij planetæ propiores sunt Terræ versis Pengeum, & eorum distantiam metiuntur Astro-nomi in recta linea ducta per puncta Apogei, & Perigei, nec tamen supponunt eos incidere per illam lineam; denique distantia cuiusque rei ab altera semper æstimatur per brevissimam lineam, qualis est perpendicularis; etiam si per illam lineam, nec motus, nec actio ulla fiat.

Quinta Ratio sumitur ex motu Grauium descensiuo, quatenus descensiuus est, & tali solo motu percussiuus; potestque formati argumentum tale ex doctrina D. lo. Alphonsi Borelli de Vi percussio-nis propof. 57. & 58. Per illam lineam descenderet Graue, in hypothesi motus Telluris, per quam mensurarentur validitates percussionum; Sed in ea hypothesi validitates percussionum à Graui factarum mensurarentur in linea perpendiculari. Ergo Graue descenderet per lineam perpendicularem. Maior videtur certa, quia percussio-nis validitas oritur ex impetu Grauis acquisito per motum factum in aliqua determinata linea, ergo si validitas mensuratur per illam lineam, per quam acquisitus est impetus Graue per illam motum esse supponitur. Minor sic astruitur. à D. Borello, repofita huc Figura num. 49. exposita: cum enim Propositionem 58. hanc statuisset. *Validitates Percussio-num obliquarum mensurantur, non ab impetu physico, & reali factò per viam obliquam, sed à simplici impetu casus, subiungit hanc probationem. Quoniam sint duo corpora B. & C. qua transferuntur semper vna cum semidiametro AB atque corpus B. duplici impetu fertur, descensiuo nempe BC. & transversali aequabili CF. Subiectum vero corpus C. fertur tantummodo motu aequabili CF. eodem tempore, igitur in occurfu eorundem corporum in F. Graue B. virtute motus transversalis, non efficit percussio-nem supra C. propterea quod ambo corpora aequidistanti motu, & fere æque veloci moventur. Igitur remanet tantummodo impetus descen-siuus,*



fiuus, quo corpus B, percutere valet subiectum corpus C, & propterea energia percussiois facta in F, mensuratur, non ab impetu reali per obliquam viam BF, sed tantummodo ab impetu casus per BC. Pari ratione validitas percussiois facta in K super corpus H, eodem translatus, vna cum B, mensurari debet non ab impetu obliquo, sed ab impetu descensus per BCH.

36 Respondeo concessa Maiore, negando Minorem, quia in hypothesis motus Telluris accelerationis & impetus mensura per lineam perpendiculararem AB, esset merè apparentis motus oculo ex H translato in I, & K, vna cum perpendiculari AB, translata, in AE, & AD, sed non esset mensura veri, ac realis motus per eam facti. Esto autem vi motus circularis præcisè ac scorsim sumpti non fieret percussio, quia vi illius non fieret descensio & corpus B, transferretur in E, corpus autem C, in F, per arcum CE, æquidistantem, & similem arcui BE & paulo minorem.

Nihilominus, quia utraque vis motiua conspirant in vnicum motum mixtum, & gravitate deorsum agente Globum B, vis circumlatrix antrorsum promoueret illud, & hinc oriretur vna simplex ac realis via obliqua BFK, & sicut B, vi gravitatis deorsum delatum, nunquam esset in duobus punctis eiusdem arcus, sed in alijs atque alijs punctis arcuum minorum, & minorum: ita vi facultatis Orientem versus motricis, Globus B, nunquam esset in duobus punctis eiusdem perpendicularis in spatio mundano designabilis, sed in punctis diuersarum perpendicularium: Esto per accidens, sed sine motu per illam æperiretur in punctis eiusdem perpendicularis Aëris, Orientem versus translatus, iuxta dicta num 53. Neque verò ratio *Descensus*, aut *Descensusui motus* infert descensum per rectam lineam, potius quam per aliam. Descendunt flumina obliquo lapsu, & animalia per Decliuia collium, & planetæ à suo Apogeo per spirales lineas, & penduli pondera per arcus circulares, & puncta rotæ circa suum axem cunctis, descendunt per lineam circularem, & nos descendimus per diuersas scalas: Et ita Graue in ea hypothesis descenderet quasi scalarè descensu de vno in aliud punctum diuersi, & inferioris arcus sed semper antèrius Orientem versus. Et quamuis Grauitas in actu primo, ac scorsim spectata, affectaret descensum per brevissimum iter perpendiculare, in actu tamen secundo modificata, & associata cum vi circumlatiua cogeretur descendere per viam transuersalem. Quemadmodum globus bombardæ non descendit perpendiculariter, sed per lineam parabolicam, vi duplicis facultatis motiue, nempe Grauitatis, & impetus.

impressi ab ignea exhalatione.

Borelli ratiocinium.

Ad D. Borelli ratiocinium Respondeo in eo quædam incohærenter, quædam non necessaria, ne dicam fallaci illatione deduci. Primo enim si *Percussiones sunt obliquæ*, ut ipse fatetur in propositione sua, quomodo æstimandæ sunt in alia linea recta? aut si mensurandæ sunt in recta linea quare, appellantur obliquæ, & non potius rectæ percussiones? Deinde si impetus per obliquam viam acquisitus, est *physicus ac realis*, & percussiones sunt obliquæ, Ergo percussionum validitas realis, & physica mensuranda est ab impetu acquisito per viam obliquam; mensura autem facta in perpendiculari est solum validitatis apparentis. Præterea falsum est, *Ambo corpora æquidistanti motu moueri* in hac hypothese, nam licet corpus C, percussibile moueretur per arcum CP, Graue tamen B, non moueretur per arcum BE, sed per curuam BF. Ad hæc negatur corpus B, duplici impetu moueri, ita ut singillatim quilibet suum proprium motum actu distinctum ab alterius motu operetur: id enim impossibile esse docuimus n. 50. moueretur enim vno simplici impetu mixto ex circulari, & descensiuo, ac participante de vtroque imperfectè. Postremo valet quidem hæc illatio: Si corpus B, moueatur per arcum æquidistantem arcui, per quem mouetur corpus C, non percutiet corpus C. At non valet hæc; Si corpus B, eundo per arcum æquidistantem arcui descripto à corpore C, non percutiet corpus C, ergo non percutiet eundo per arcum aut lineam curuam non æquidistantem arcui descripto à corpore C. Sed per rectam lineam. Cum enim possit fieri percussio per obliquum descensum, imo in nostro casu aliter non fieret; nulla imo falsa consequentia infertur percussionem factam iri per solum casum BCH. seu per solam perpendicularem. Sed hic Auctor, ut & nonnulli eiusdem sententiæ, quemadmodum in Graui B, duæ inessent virtutes localiter motuæ, vna circulariter, altera deorsum, ita fingit sibi duos motus actu distinctos ab illis productos, & perfectè ad proprium terminum tendentes: Sed hallucinantur, & non ratiocinantur cohærenter: sicut enim ex vi circumlatiuæ, seorsim sumpta, non bene infertur Graue B, per simplicem motum circularem ferri Orientem versùs, ut fieret si ferretur per arcum BED, ita ex Grauitate deorsum latina non bene infertur Graue B, ferri versùs centrum A, per simplicem casum DCH, sed ex consortio vtriusque virtutis contemperatè inferri debet motus vnus simplex actu per viam obliquam BFK. Sed mistus ex duobus potestate tantum, & imperfectè mouens ad terminos

nos utrique virtuti motu alioquin debitos. Esto validitas percussionis mensuranda esset in illa portiuncula obliqua via, quæ Graue B. excederet fugam corporis C. puta in portiuncula FL iuxta infra dicenda.

His igitur Rationibus discussis Esto Propositio nostra hæc.

PROPOSITIO

Idem Graue vi motus Telluris Orientem versus, & vi gravitatis deorsum tendens, non descenderet per duas diuersas lineas, duobus motibus actu distinctis, ex quibus resultaret tertia linea motus actu ab illis distincti; sed descenderet per vnicam lineam obliquam, seu transversalem; vnicò actualiter motu, licet potentialiter misto ex duplici imperfectè tendente ad terminos singulis virtutibus loco motuius respondentibus. Nec nisi apparenter videretur moueri per eandem perpendiculararem, cum qua oculus transferretur Orientem versus.

Hæc propositio iam probata manet, non solum indirectè solutionibus Rationum, & Argumentorum quibus aduersarij conati sunt probare descensum per eandem rectam lineam perpendiculararem, sed etiam directè per Rationes à nobis adductas, ob quas negauimus eorum propositiones, aut distinctione adhibita, aut absolutè, vt constat ex dictis num. 50. 51. 52. 53. 54. 55.

CAPVT SEXTVM.

In quo afferuntur Argumenta quadam contra Motum Diurnum, & Annuum Telluris.

57 **P**rimum, & præcipuum Argumentum in Almagesto Nouo, & in Astronomia Reformata diuersis formis propositum, nunc denuo ad infra scriptam formam redigimus.

Si posito Telluris motu Diurno solùm, vel Diurno simul, & Annuo, Grauià corpora descendendo per aërem naturaliter, non percutiant subiectum corpus, eo modo quo percussisse certis experimentis comperturn est: Tellus nec diurno solùm, nec diurno simul & Annuo motu moueretur.

Sed posito Telluris motu Diurno solùm, vel Diurno simul, & Annuo, Grauià corpora descendendo per Aërem naturaliter, non percuterent subiectum corpus eo modo, quo percussisse certis experimentis comperturn est.

Ergo

Conclusio. Ergo Tellus nec Diurno solum motu nec Diurno simul, & Annuo
mouetur.

Maiores huius. Argumenti ad formam Syllogisticam exacti evidens
est, quia non potest aliquid moveri motu repugnante effectibus,
qui certis experimentis re ipsa facti sunt, nec potest existere illud
antecedens, ex quo sequitur consequens absurdum, & falsum.

Minor duabus partibus constat *Affirmativa* scilicet, & *Negativa*.
Modus enim quo compertum est Graue descendisse, ad *Affirma-
tiua* pertinet; Impossibilitas autem percutiendi tali modo ad
Negatiua Pro *Affirmatiua* sunt experimenta à num. 18. vsque
ad 17. relata; ex quibus collegimus idem Graue tanto circiter
maiorem percussionem facere, quanto ex altiore loco dimissum
fuerit, ita ut percussio duplo maior non solum duplo maiorem,
sed triplo, quadruplo, & amplius altitudinem pertransitum præ-
requirat; atque adeo accelerationem, & reale impetus acquisiti
incrementum requirat: exempli gratia Globus eburneus, qui ex
altitudine pedum 15. Reflexo resultu ascendit ad digitos seu pe-
dis vncias 91. at ex Altitudine pedum 50. ascendit ad digitos
288. & ex altitudine pedum 60. ascendit digitos 340. (ascensurus
ad 368. si supra marmor descendisset) & huiusmodi globos per-
transire pedes 15. vno proximè secundo horario; pedes autem
60. duobus secundis horarijs: Vnde conclusimus in fine poste-
rioris æqualium temporum quadruplo maius spatium à Globo
pertransitum fuisse, quàm in fine prioris temporis, & tantuplo se-
re maiorem fuisse percussionem posteriorem priori: præter ea
quæ pro VII. Propositione adduximus. Præterea differentia per-
cussionum comparata cum differentia altitudinum, non fuit re-
perta inter numeros solum fractos, sed inter numeros integros,
sicut & differentia percussionum, & quidem in his magna, & no-
tabilis, & tandem Reflexio obliqua fuit Orientem versus, quor-
sum planitiem marmoris inclinaveramus, & linea huius Refle-
xionis ita semper fuit maior, quam Reflexionis rectæ ut tamen
angulus Reflexionis æqualis; Ferè foret angulo incidentiæ, & hoc
ad Gradus 10. determinato, angulus Reflexionis factus a perpen-
diculari, & a linea Reflexionis gradus circiter 10. comprehende-
ret, essetque linea Reflexionis obliquæ valde vicina lineæ Refle-
xionis Rectæ: superest itaque ut probemus *Negatiua* partem
Minoris in qua est tota, vel potissima difficultas.

Prima probatio *Minoris* quoad partem *Negatiua*.

58. Inductione facta per omnes species percussionum, nunquam
corpus vnum percutit alterum corpus stabile validiore actu, nisi
(si ex-

(si cætera sint paria) velocius motum fuerit à se vel ab alio, eoq; validius percutere, quo velociori motu in alterum corpus incidit, hoc est quo maius spatium æquali tempore pertransierit, vel æquale spatium breviori tempore, & licet non semper eadem sit proportio exactè inter duas percussiones, quæ est inter duas velocitates, quando tamen percussio vna notabiliter excedit alteram, & exprimitur in integris numeris, valde differentibus, velocitatem quoque corporis percutientis validiore ictu, excedere velocitatem alteram in numeris integris valde differentibus, nec sufficere æqualitatem in integris numeris cum differentia numeratorum in numeris fractis. Dixi *si cætera omnia sint paria* quod toties dissimulauit Borellus, Id est si aliunde ab alia causa vel conditione non proveniat validitas maior percussionis. In specie, autem loquendo de Grauib. naturaliter descendentibus per Aerem, eidentissimis, & obuijs experientis constat, ab ipsis subiectum corpus apparenter stabile non percuti validiore notabiliter ictu, nisi descendant ex altitudine notabiliter maiori. Vnde nisi aliunde conuincamur erroris sumus in possessione ne concludendi horum validiorem percussione, quæ realis est, provenire ex reali impetus incremento, ac reali acceleratione Grauium. At posito Telluris motu diurno solum vel diurno simul & Annuo, multa Grauia naturaliter descendendo, non mouerentur ea reali acceleratione, ac differentia velocitatis, quam prærequirit differentia percussionum, certis experientis manifesta, & cætera omnia, quæ ad percussionum notabilem differentiam concurrerent, essent paria; Ergo Grauia posito dicto motu Telluris, non percuterent subiectum corpus eo modo quo percussisse compertum est. *Maior* huius probationis seu subsyllogismi iam experientis, aut inductione probata, est. *Minor* probatur quia Grauia realiter non descenderent per eandem rectam lineam perpendicularem, per quam nobis videntur accelerari, sed solum apparenter vt ostensum fuit à num. 30. ad 33. atque adeo in illa non acquirerent reale incrementum imperus prærequisitum ad percussione notabiliter maiorem, nec realiter accelerarentur ea acceleratione, quæ nobis apparet. In obliqua autem via, per quam solum, vt ibidem ostendimus, descenderent; non mouerentur eo velocitatis incremento, quod prærequiritur à percussionum differentia, sed vix sensibilibiter, accelerarentur, & physica, si non Mathematica vniformitate mouerentur, vt patet ex dictis pro XVI. Propositione, quæ hic relegenda est. Et ita demum nihilo

hilo validiore ad sensum ictu percuterent ex maiori altitudine quam ex minori.

de Angulo
Inclinatio-
nis.

59 *Respondebis* in Grauium descensu modo ex minori, modo ex maiori altitudine cetera non esse paria, quia quo propius accederent ad Terram, eo minus linea obliqua descensionis inclinaretur à linea perpendiculari ducta ad horizontem, ac Terræ centrum; ideoque validiore ictu percuterent subiectum corpus ex maiori, quam ex minori altitudine dimissa. Sed *Responsio* hæc insufficiens est, *Primo* quia si cetera alia omnia sint paria, sola diuersitas inclinationis non efficit maiorem percussione, ut contra inaduertentiam aliquorum, & vulgarem suppositionem docuimus num. 28. pro VIII. Propositione ex præmissis experimentis. *Secundo* Differentia Inclinationis esset adeo modica, ut physicè habenda esset tanquam nulla, vel valde improporionalis differentia Inclinationum; in casu enim nostri experimenti duobus secundis horarijs facti differentia Inclinationis non excederet 12. minuta vnius Gradus posito motu Annuo: posito autem motu diurno tantum non excederet Gradum 1. in Aequatore, vel grad. 1. minut. 26. in Parallelo Bononiensi. *Tertio* daretur casus in quo via Grauium descendentium esset parallela plano corporis subiecti, nullamque percussione faceret; licet alij putent percussione omnem in ea hypothese factam iri perpendiculariter, ut videtur sentire Fr. Stephanus de Angelis in Secundis Considerationibus pag. 97. iuxta hos nulla inclinatio habet viam percutiendi, sed sit percussio rota quanta fieri potest in eadem perpendiculari.

60 *Respondebis secundo* cum Fr. Stephano de Angelis in Secundis Considerationibus super meo Argumento pag. 88. & 95. *maximam esse iniustitiam*, requirere in hypothese motus Telluris, ut quanta est differentia percussionum, tanta sit differentia totalium velocitatum. Id enim necessarium esset, si corpus graue percuteret alterum stabile tota sua velocitate, seu toto suo impetu. At cum corpus subiectum æquali ferè velocitate versùs eandem Mundi regionem fugiat ictum, nec percutiatur à Graui nisi eo impetus excessu, quo superatur à motu Grauis; sufficit, ut tanta sit differentia inter duos excessus velocitatum Grauis percussoris, & corporis percussi, quanta est inter ipsas percussiones. Et quia ex prioribus nostris supputationibus posito diurno motu Terræ, via Grauis globi in priori secundo horario esset pedum 1700 $\frac{1}{2}$ in Aequatore, in posteriori autem secundo horario fortim esset pedum 1700 $\frac{1}{4}$. Censet ad quadruplo maiorem percussio.

cussionem sufficere proportionem quadruplam imò plusquam quadruplam, quæ est inter hos numeros fractionis $\frac{1}{2}$, & $\frac{1}{4}$, sed & D. Io. Alphonsus Borellus in Respons. ad D. Michaellem Ang. pag. 25. censet percussione mensurandam ab excessu prædicto, licet non semper. Sed in hac Responsione quædam ex parte vera, quædam omnino falsa continentur. Verum est Graue non impressurum corpori subiecto totum impetum acquisitum in descensu non ob corporis subiecti antecedentem motum, cum quo comparandus est motus grauis, & excessus huius supra illum; sed ob subsequenter fugam corporis subiecti, qua statim post contactum fugit, & aut percussione totam, aut eius validitatem magna ex parte deuitat, iuxta infra dicenda in secunda probatione. Falsum verò est, ad percussione quadruplo maiorem sufficere Grauis motum æqualem, & vniformem, cum sola acceleratione vnitate minori, & in sola numerorum fractionum proportionem fundata. Proportio enim, quæ est inter duos numeros integros, non potest eadem esse inter numeros duos alteros pares, etiam si illis adhæserint fractiones, & numerator fractionis vnus habeat ad numeratorem fractionis alterius eam proportionem. Neque enim valet hæc proportio si dicas vt 1. ad 4. ita 10. $\frac{1}{10}$. ad 10. $\frac{1}{10}$. Sed hæc, vt 1. ad 4. ita 10. $\frac{1}{10}$. ad 40. $\frac{1}{10}$. In nostro igitur casu, quia percussione differentia exprimitur in numeris integris eiusdem speciei, verbi causa in pedibus aut vncijs & tanta est, vt maior sit integra vnitate, imò multis vnitatibus integris, oporteret, vt illi in impetu per Graue acquisito responderet differentia velocitatis in integris numeris eiusdem speciei secundum eandem aut proximam proportionem. Exempli gratia globus Eburneus ex altitudine pedum 15. dimissus tanta vi percussit subiectum marmor vt sursum resilierit per lineam reflexam digitorum 92. idest pedum 7. $\frac{3}{4}$. dimissus autem ex altitudine pedum 60. licet resilierit ad digitos 340. quia dimissus fuit supra pauiementum lateritium, non supra marmor, resiliisset proxime ad digitos 368. idest pedes 30. $\frac{3}{4}$. quadruplo plures. Sicut ergo ex quadruplo maiori reflexione colligitur percussio quadruplo maior, sed includens minorem, ita impetus, ac velocitas huius grauis tota, & acquisita in duobus secundis horarijs, quibus descendit ex altitudine pedum 60. deberet esset quadruplo maior impetu, ac velocitate in priori secundo acquisitis. Hoc autem Graue in Aequatore ex dictis num. 41. in priori secundo horatio conficeret obliquo descensu pedes 1698. $\frac{1}{10}$. ergo

his quadruplicatis fierent pedes $6792 \frac{16}{100}$, quibus si demas $1698 \frac{7}{100}$, restant pro motu posterioris secundi pedes $5098 \frac{9}{100}$. Hoc autem velocitatis incrementum impossibile est in hypotheli motus Telluris cum vix perueniat ad vnum pedem vi motus diurni, cum aliqua fractiuncula; Ergo hæc hypothesi falsa est. Non est igitur *Iniustitia* requirere ab hac hypothesi, id quod deberet præstare consideratis percussione, differentiis, & quia id præstare, non posset, eam falsitatis damnare. Sed *iniustitia* est per solam proportionem inter numeros fractos, stante paritate numerorum integrorum, velle satisfieri proportioni, quæ inter alteros duos numeros integros reperta sit. Perinde ac iniuste ageret qui ex contractu Societatis, deberet Titio aureum 1. Caio 4. & daret Titio aureum 1. Caio autem aureum 1. & quartam partem aurei, vel Titio aureum vnum & $\frac{1}{100}$. Caio autem aurum 1 $\frac{4}{100}$. Adversarij autem considerant, quid non potest fieri in hypothesi motus Terræ, non quid deberet fieri, si salua esse debent experimenta.


61. *Respondēbis* Tertio cum D. lo. Alphonso Borello in Resp. ad D. Michaelē Ang. Riccium à pag. 25. & de Vi percussione propos. 58. Validitates percussionum obliquarum mensurari ab impetu physico, & reali obliquo BF, vel FK, tunc tantummodo, quando corpus percussum stabile manet, & præterea excipit ictum perpendiculariter. At (vt eueniret in hypothesi Copernicana) si corpus percussum moueatur versus easdem partes, & excipiat ictum oblique, tunc validitates percussionum mensurandæ sunt, non ab impetu physico, & reali factò per viam obliquam, sed à simplici impetu casus per lineam perpendicularē, vel à sinu anguli incidentiæ, id enim à se demonstratum asserit. Sed ego nego, & penegeo id demonstratum esse ab illo vt patet ex dictis num. 56. quibus adde effectum physicum, ac realem, qualis est percussio, prærequirere impetum realem ac physicum acquisitum per illam viam, per quam realiter graue descenderet, hæc autem esset vnica via obliqua BFK, per lineam autem perpendicularē BCH, non descenderet nisi apparenter, & ipsemet Borellus hunc descensum non audet appellare physicum, & realem. Ex eo autem quod per viam obliquam fiat percussio in corpus fugitium, sequitur quidem, quod non fiat tota, & maxima percussio, sicut fieret in ictu perpendiculari supra corpus immobile, sed non sequitur fieri, ab impetu per diuersam lineam mensurato, vtrobiq; enim mensura percussione sumenda est ab impetu verè, ac realiter acquisito per lineam per quam

quam physicè ac realiter, & non tantum per falsam imaginatio-
nem factus est motus, Et ideo si percussio facta per FK, in K, est
multo validior quam facta per BF, in F, necesse est vt motus per
FK, fuerit multo velocior, quam per BF, quia (ceteris paribus vt
eueniret in casu nostro, maior percussio maiorem impetum phy-
sicum, ac realem supponit. At D. Borellus in Resp. ad D. Ric-
cium pag. 25. dissimulans, vel oblitus limitatiuæ clausulæ impo-
nit Manfredo, & Nobis id affirmatum à nobis absque limitatio-
ne illis verbis: *E questo l'afferma il detto Padre vniuersalmente,*
senza niuna eccezione come si vede nel suo Almagesto Nouo, nella
sua Astronomia Riformata, & in questa risposta del' Manfredi. At
D. Manfredus pagina 74. & Ego in Astronomia Reformata pag.
85. columna 1. versu 9. & 19. expressè adiecimus limitationem
per clausulam *Ceteris paribus.* Nam si percussio maior sit per
viam perpendicularem & cætera sunt paria; maior impetus in-
perpendiculari realiter præcedit; si sit in obliqua & cætera sunt
paria, maior impetus realiter præcedit, nec oppositum vnquam
demonstrabitur. Præterea D. Borellus falso mihi imponit, quod
existimauerim in hypothesi Copernicana corpus percutiendum
manere immobile, qui toties oppositum expressi, & tamen au-
det pag. 32. dicere: *Il primo soggetto Orizontale riceue la per-*
colpa oblique, e di più non è stabile come il Padre sup-
pone, ma scorre à trauerso, oportebat produ-
cere vbi nam ego hanc stabilitatem
supposuerim. Sed condo-
nandum D. Borello,
quod nimis fe-
stinanti
calamo hæc effu-
derit.


62 Ex ipsismet Aduersarijs Argumentum hoc lucratiſſimum ad hominem vt aiunt, valens adiectis Considerationibus nostris, quibus intelligendis repetatur huc figura num. 55. exposita Argumentum est huiusmodi. Graue naturaliter descendens, posito motu Telluris, aut corpus subiectum non percuteret, sedmero contactu illud assequeretur, aut non eo impetu a quo percussisse compertum est. Promero contactu videtur dici posse corpus B. eodem momento, quo tangit corpus F. nihilo velocius decursurum per FG. quam corpus F. fugiendo ictum decursurum sit per eundem FG. Quare cum parivelocitate vnum insequatur, alterum fugiat; non videtur secutura vlla percussio. Verum quia subiectum corpus F. impediret corporis B. delati in F. vltiorem descensum per FK. non videtur ex hac resistantia impediri posse totalem percussione. Verius igitur videtur aduersarijs corpus B. non percussurum corpus F. toto suo impetu per BE. acquisito, sed solo illo, quo excedit velocitatem corporis C. delati in F. qui excessus representatur per FL. qua portiuncula BF. excedit arcum CF. sed hic excessus vix est considerabilis comparatiue ad validitatem percussione, vt dictum fuit num. 60. Ergo non fieret percussio adeo notabilis, ac sensibilis, qualis experimentis certis comperta est. Idemque valet de excessuum FL. & KM. differentia comparata cum differentia percussione in F. & in K. Dixi argumentum hoc valere, ad hominem, quia reuera fuga antecedens contactui per CF. nihil impediret aut diminueret ictum factum ab impetu acquisito per totam BF. sed perinde esset ac si in illo instanti Deus produceret corpus C. in F. esto fuga subsequens contactum, minueret ictum.

Tertia Probatio Minoris, quoad partem negativam.

- 63 In experimentis motus reflexi, vel obliqui narratis num. 26. & factis in atrio Collegij nostri postico, seu rustico ita exigente opportu-



portunitate fenestrarunt, ex quibus globi dimittebantur; marmoris planities infra horizontem versus Ortum ferè Aequinoctiale inclinata fuit per Gradus 10. & Reflexionis obliquæ linea semper declinauit Orientem versus, nec tamen magno angulo recessit à perpendiculari sed posita marmoris planicie vt AB. infra horizontem CD. Reflexionis linea EF. deflexit versus Orientem O. facto angulo FEG. cum perpendiculari GE. Hoc experimentum dico salu-



uari non posse in hypothefi motus Telluris præsertim Annui, in quo Grauiâ descenderent in duobus prioribus secundis horarijs per lineam ferè rectam, sed horizonti terrestri penè parallelam, cum inclinatione à perpendiculari grad. 89. min. 58. sec. 5. in priori tempore, & in posteriori grad. 89. min. 5. sec. 36. ex distis num. 45. Ex vna enim parte iam ostendimus num. 50. ad 56. Grauiâ non descensura per lineam perpendicularem EG. realiter; sed apparenter tantum; realiter autem per transversam. Iam si hæc linea transversalis fuisset parallela plano marmoris AB. certum est nullam percussionem facturam fuisse, sed decursuram per AB. absque vlla Reflexione: quia vt optimè dicit D. Io. Alphonsus Borellus de Vi percussionis propos. 37. & 38. Si corpus aliquod moueatur per lineam æquidistantem superficiei alterius corporis duri nullam percussionem in eo faciet; ergo si marmoris superficies inclinata fuisset, ita vt angulus GEB. fuisset Graduum 89. & minutiarum quot supra diximus, descensio transversalis fuisset parallela ipsi AB. absque vlla percussione, & reflexione.

At si minus inclinata illa superficies, ita vt Angulus Inclinationis GEB. fuerit Grad. 80 & Incidentiæ BED. grad. 10. vt in experimentis diximus, ergo globus grauis non potuisset transversali descensu cadere supra punctum E. sed impigisset in latus Occidentale marmoris inter B. & D. & Reflexio fuisset versus Occidentem; supposito autem solo diurno motu, ad impediendam Reflexionem Orientem versus, sufficeret inclinare marmor, ita vt Angulus GEB. esset grad. 89. vel 88 & minutiarum, quot num. 41. deduximus. At his minutijs neglectis sufficeret inclinare illud plusquam grad. 4. multo magis sufficit inclinare illud sic, vt Angulus incidentiæ BED. sit grad. 10. vt nos fecimus. Scimus hoc Argumentum, non valiturum contra eos, qui mordicus defendunt realem descensum

Grad.

Gravium in hypothefi Copernicana faciendum per lineam perpendicularen, sed quam inualidæ sunt, imò falſæ illorum imaginationes, potiùs quàm reales, tam validum eſt argumentum hoc contra illam hypothefim.

Quarta Probatio Minoris, quoad partem Negatiuam.

64. Haſtenus ſuppoſuimus cum Copernicana hypothefi; poſito Telluris motu, Grauiâ dimiſſa per aërem, deſcenſura obliquo deſcenſu mixto ex circulari verſus Orientem, & motu deorſum verſus Centrum Terræ; qui nobis vnâ translatis ſi intra Atmoſpharam quieſceremus, apparetet fieri per eandem perpendicularen. Experimenta enim manifeſta euincunt Grauiâ ſibi dimiſſâ non designare lineam circularem, circa Centrum Terræ, nec per eam per vllum horarium ſcrupulum ſeſti Orientem verſus, ſed ſtatim deorſum moueri. Sic Globus argillaceus priori ſecundo horario in deſcenſu apparenter perpendiculari pertransiuit pedes 15. in fine autem poſterioris ſecundi, pertransiuerat pedes 60. Sed Poſito Telluris motu, & proprietatibus ei naturaliter debitis Grauiâ non deberent vnquam deſcendere aut non, niſi poſt notabile tempus; Motus enim Grauium Orientem verſus adeo velox eſſet, comparatiuè ad motum deorſum grauitati debitum, vt huic, vel ſemper, vel diu præualeret huncque omnino vel diu impediret; Motus enim prædicti globi deorſum fuit pedum 15 at motus Orientem verſus vi diurnæ vertiginis in Aequatore vno ſecundo horario eſſet pedum fere 1700. vi autem annui motus, eſſet pedum 37670. ex dictis num. 41. & 45. Videmus autem aquam inſuſam parua ſitulæ ſuneque manubrio illigato, rapidè circumactam in plano verticali, quando in ſuperiore ſemicirculo gyri reperitur, non deſcendere ac ne guttam quidem deorſum labi, vſque adeo præualeat grauitati impetus in gyrum à manu impreſſus, qui tamen multo minor eſt impetu diurnæ, & annuæ vertiginis, quæ non permitteret tempus deſcendendi deorſum, ſicut velocitas ſitulæ circumactæ non dat tempus, vt vel vnica gutta delabatur. & vna arena, ſi ſitula impleatur arena. Videmus item globum bombardæ horizontaliter exploſæ priùs ferri per lineam ad ſenſum horizontalem, quàm per lineam parabolicam incipiat deſcendere, (quidquid gratis & contra experimenta dicat P. F. Stephanus de Angelis in Secundis Conſiderationibus pag. 104.) Quia impetus ab exhalatione ignea impreſſus præualeat prioribus gradibus impetus à Grauitate

te producti; donec posteriores praevalcant; & impetus igneus decrescat. Quanto magis impetus diurnae annuaeque vertiginis, qui tantus esset, & nunquam decresceret, impediret aut totalem, aut subito factum descensum Grauium? Rationabiliter ergo philosophando ex natura rerum aut Grauia posito motu Telluris nunquam vel ferò descenderent, aut quia re ipsa citò & statim de scendunt, reiiciendus est motus Telluris, vt repugnans effectibus, qui ex ipso naturaliter sequi deberent.

Quinta Probatio Minoris quoad partem negativam.

- 65 Experimentis evidentissimis constat Grauia dimissa per Aërem cadere perpendiculariter supra corpus subiectum, supra quod prius dimissum fuerit perpendicularum funiculo appensum. Proiecta quoque sursum perpendiculariter aut recidunt deorsum per eandem perpendicularem, aut non multis passibus longè ab illa, quod certius fit balistis, quam sclopis aut bombardis. Esto vt refert Fr. Stephanus de Angelis in Secundis Considerationibus pagina cētesima, Renatus Carthesius vsus sit bombardam perpendiculariter erecta, & obfirmata qua 24. vicibus sursum explodente globum, cecidit globus bis Orientem versus & vicibus 22. versus Occidentem, vade Carthesius argumentum sumebat pro diutno Terrae motu, cui globus in ascensu, ac descensu non omnino obsecundans reciderit Occidentem versus, sed oportebat exactè numerare tempus descensus, & computare, quot interim pedes vi diurnae vertiginis versus Orientem in arcu illius paralleli transire deberent. Nos verò è contrario ex relapsu prope eandem perpendicularem sumimus argumentum contra motum diurnum Terrae; Globus enim argillaceus dimissus ex rostris superioris Turris Asinellae, casu perpendiculari peruenit ad inferius pavimentum quatuor secundis horarijs, nec à perpendiculari ultra vnum, aut alterum pedem absuit, interim vero in Parallelo Bononiensi, vi diurnae vertiginis transiisset arcus pedum 4840. ex dictis num 41. quare si globus ille à Terra auulsus non participaret de motu Telluris diurno, sed praevalente grauitate per breuissimam viam tenderet ad centrum grauium, debuisset relabi deorsum in locum à perpendiculari priori distantem pedibus circiter 4840. At spectata rerum natura, & physicè ratiocinando iuxta finem à natura intentum, corpora grauia Terrae non adhærentia, sed libertati suae relicta, & dimissa per Aërem deberent ad centrum grauium per quam breuissimam

mam viam descendere; nec vlla solida ratio à priori adduci potest, ob quam, vel ab intrinseco, vel ab extrinseco deberent imitari motum diurnum Telluris cui enim bono hæc imitatio? An vt vnirentur cum suo Toto? sed hoc melius fieret cadendo per breuissimam lineam: esto supra diuersam partem superficiei terræstris; An vt melius se haberent, & in loco sui conseruatiuo quiescerent? At hoc non consequeretur aqua dimissa perpendiculariter supra igneam fornacem, & si Occidentem versus esset lacus vel fluuius à perpendiculo illo distans pedes circiter 4840. melius illi esset cadere supra lacum, vel fluuium talem.

An vt eodem momento Sol apparenter oriretur Telluris puncto, & Graui dimisso? Sed hoc exactè fieri non posset, quia graue ex altiore loco citius videret Solem, absoluto autem descensu videret Solem alio momento. Quòd autem à posteriori necesse fuerit Copernico Diurnum motum tribuere omnibus corporibus contra montes, aut intra Atmosphæram comprehensis, quantumuis à Terra separatiss, hoc non tollit quia fictio illa sit violenta Grauib, adeoque absurda, nec infringit Argumentum nostrum.

Epilogus

66. Manet igitur comprobata *Minor Argumenti* num. 57: propostiti, quoad partem *Negatiuam* eiusdem minoris, nam si in hypothesis motus Telluris Diurni, vel etiam annui, Grauia non descenderent supra corpus perpendiculariter subiectum, sed procul ab eo multis centenarijs pedum versus Occidentem iuxta dicta num. 65. Imò nunquam aut serius descenderent, quam nunc descendunt iuxta dicta num. 64. Vel si descenderent quidem obliquè in spatio Mundano, sed ob motum æquidistantem plano subiecti corporis æquali motu fugientis, illud non percuterent toto impetu ex longiore intervallo acquisito, sed solo illo excessu velocitatis, quo Grauia superarent velocitatem corporis subiecti versus Orientem delati, iuxta dicta num. 62. Vel denique descendendo per lineam transversalem, Graue aliquod in posteriori secundo non conficisset physice maius spatium quàm in priori atque adeo non lucraretur tanto maiorem impetum, quàm cæteris paribus prærequiritur ad percussionum totalem, & integris numerus expressam differentiam, iuxta dicta à num. 58. ad 61. Si hæc inquam disiunctiud, licet non omnia coniunctim euenirent, utique posito Telluris motu Diurno solùm, vel Diurno

Diurno simul, & Annuo Graui corpora de scendendo per Aërem naturaliter, non percuterent subiectum corpus eo modo, quo percussisse certis experimentis compertum est. Quæ fuit Minor Argumenti num. 57. adducti.

- 67 Quoniam verò Argumentum prædictum diximus non semel esse *Physicomathematicè evidens*. Assueti autem euidentiæ Mathematicæ, nec satis distinguentes euidentiæ physicæ limites ab euidentiâ purè Mathematicâ; misturam quoque Physicomathematicam non agnouerunt, operæ pretium fuerit reddere his rationem nostræ appellationis. Et quoad *Mathematicam* quidem physicæ admixtam, aut in physica fundatam facilis est ratio; quia scilicet in aliquibus pro syllogismis, eorumque propositionibus probandis, Trigonometria, aut Arithmetica, quæ sunt species Matheſeos vsi sumus, vt patet à num. 41. ad 45. & alibi non semel. Quoad euidentiâ verò physicam supponimus ex dictatis à nobis in cursu philosophico, euidentiâ Physicam esse illam, quam acquirit intellectus præuijs, sensationibus, quibus innixus propositiones quasdam immediatè intra se format, vel mediante inductione sufficienti per experimenta sensibilibus. Supponimus præterea euidentiæ Physicæ, posse Mathematicè nedum Methaphysicè subesse falsum, eique subintelligendam tacitam conditionem; quod aliter per absolutam Dei potentiam, aut aliunde non fiat; quod quamdiu non fiat, & fieri non demonstratur; non destruit euidentiâ physicam, sed is qui illam præhabuit manet in possessione suæ euidentiæ. Exempli gratia, euidens physicè est Graue omne sibi dimissum per medium leuius descensurum deorsum; item combustium omne tangens combustibile illud combusturum; item Lunam si incidat in Umbra Terræ Ecclipsim passuram, item granum sinapis multis leucis distans ab oculo non posse ab oculo nudo videri, & sic de similibus; & tamen Mathematicè, non est impossibile, quod corpus, supra quo descensurum esset Graue, moueretur sursum, & ad Graue immotum perueniret, esto videretur graue descendisse; potestque diuinitus impediri combustio, & conseruari in Luna lumen à Sole semel receptum; & angulus quo physicè non potest videri à longe granum sinapis, potest mathematicè ex Opticæ præceptis ampliari, vt factum est per Telescopium, cuius beneficio physicomathematicè facta sunt visibilia multa, quæ physicè non erant visibilia oculo nudo.

*Quare
Argumentum
nostrum
dictum
sit
euidens
Physico-
mathemati-
cè.*

M

Per-

90
 Persistendo itaque intra limites physice euidentiæ, diximus euidens
 esse percussioneem corporis nunquam validiorem fieri, nisi, cate-
 ris paribus, corpus percutiens maiori impetu, atque adeo, maiori
 velocitate motum fuerit; & ex notabiliter maiori percussione fa-
 cta, colligi præcedentem percutientis corporis velocitatem; Tan-
 tam autem velocitatem impossibilem esse naturaliter, si Grauia
 descenderent per viam solum obliquam in figura nu. 55. exposi-
 ta demonstrauius ratiocinio Physicomathematico. Grauia de-
 nique non descensura per eandem perpendicularem realiter, in-
 qua accelerarentur tanta velocitate, quantam exigit validitas
 percussionum, ostendimus fundati in inductione physica, quia
 nullum corpus vnicum mobile habens duplicem virtutem mo-
 tiuam versus diuersas mundi plagas: mouet seipsum totum, aut
 eandem sui partem, vel punctum motu continuè successiuo per
 diuersas actû lineas; si vtraque virtutem exerceat, sed per vnicam
 lineam, in quam conspirat vtraque virtus. Neque huic euidentiæ
 derogat, quod Mathematicè non repugnet idem mobile prædi-
 ctum designare duas lineas, aut nos possimus sola imaginatione
 illius viam designare per diuersas lineas, in quarum punctis suc-
 cessiuè reperiatur. Propterea nusquam diximus Argumentum
 nostrum esse *Mathematicè*, euidens, sed *physicè*, vel etiam ob in-
 termixtas Geometricas, & Arithmeticas demonstrationes, *Physi-
 comathematicè*. Quod si aliquibus tale non videatur, id non ex
 obiecto prouenit, sed ex dispositione subiecti, Physicam euiden-
 tiam non agnoscentis vbi non est euidencia Mathematica,
 vel quia in probatione *Minoris Argumenti* num. 57.
 propositi multi discursus interueniunt, & fundan-
 tur in alijs à num. 49. relatis, non mirum est
 si non appareat a liquibus euidencia ex
 tot syllogismis, ac prosyllogis-
 mis dependens. Sed his
 non obstantibus
 esto sequens
 Proposi-
 tio.

Consideratis probationibus pro Argumento num. 57. proposito adductis, Physicomathematicè evidens est, non tamen Mathematicè Terram nec Diurno solùm, nec Diurno simul, & Anno motu moveri.


CONSTAT ex dictis à numero 40. ad 67. inclusiue eandem evidentiam habet Argumentum P. Francisci Marię Grimaldi quo Physicè euicit fore, vt globus bombardicus explosus recta horizontaliter Meridiem versus, aut Septentrionem, percuteret scopum oblique: cùm nunc percutiat directè. Impossibile enim est naturaliter idem mobile, & vnicum absque motu alterius mobilis, moveri continuè per diuersas lineas: proinde impetus impressus ab exhalatione ignea, & virtus motiua globi Orientem versus conspirarent in vnicam lineam curuam, & obliquam, & globus, aut perforaret scopum oblique, aut oblique frangeret, aut reflexione obliqua resiliret. Sed qui Grauiā descensura simul per viam obliquam realiter, & per eandem perpendicularem recta imaginantur: in hoc quoq; casu putant globum bombardicum, non solo obliquo tramite, sed recto quoque iturum, ac percussurum: & sic eludere conantur vim argumenti. Exemplum verò bombardico globo exploso versus meridiem à bombardā supra nauim velocissimè corrente Orientem versus, & recto ictu percutiente, non habet paritatem nisi nauis tantum, ac tam praualentem impetum imprimat globo, quantum interna facultas diurni motus imprimeret globo bombardico. Tunc autem dico fore, vt percussio esset obliqua, neque oportet sibi fingere oppositum, sine accurato experimento, si tamen est possibile, vt nauis intra duo Secunda horaria tam velociter currat, quam Tellus diurna vertigine, qua in Aequatore transiret pedes 3400. seu passus 580.

Obiectiones pleraque solubiles sunt ex dictis à num. 49. ad 67. placeat tamen quibusdam alijs respondere.

Obiectiones Reliquæ dissoluntur.

68 Si posito Telluris motu Grauiā descenderent per viam obliquā, & simul per eandem perpendicularem versus centrum Terræ, physico ac reali motu, conficerentque in ea spatia proportionalia quadratis temporum; percussiones fierent, sicut factas esse certis experimentis constat: atque adeo Argumentum num. 57. propositum non esset Physicomathematicè evidens. Sed posito Telluris motu Grauiā sic descenderent, quia haberent duplicem

virtutem locomotiua, vnam motiuam antrorsum, & oblique
versus Orientem; alteram nempe Grauitatem motiuam deor-
sum per eandem perpendicularem, quæ mouent graue sicut in
adiecto schemate. manus A. moueret
Globum B. perforatum & insertum
ferreo filo inflexibili BC. affixo in pun-
cto C. ita vt hoc manente posset filum
circumdaci versus D C. si ita illud ver-
sus CD. impelleret, vt simul deorsum
per filum idem, globum ageret, quan-
do enim filum ex BC. perductum ef-
set in CD. iam globus B. reperiretur in
E. & ita per lineam BE. delatus esset, vt
simul physicè ac realiter pertrāsisset fili
partē DE. Nec interest utrū vis motiua
sit intrinseca, an extrinseca, imò id magis
verificari posset de vi duplici intrinseca.




Respondeo data *Maiores* negando *Minorem*, cuius probatio multi-
pliciter infirma est, tum quia supponit Grauiam descensuram non
obstante prædominio virtutis circumlatiue supra Grauitatem
aut descensuram statim, quod esset contra rationabilem confor-
mitatem effectus cum sua causa, vt dictum fuit num. 64.

Tum quia supponit Grauiam descensuram per eandem apparenter li-
neam perpendicularem, & non potius multis centenarijs pedum
Occidentem versus, quod esset consentaneum fini à natura
Grauium per se intento iuxta dicta num. 65. Tum præcipue quia
supponit fortiorem virtutem locomotiua in Grauibz nempe
motiuam circulariter à minore, quæ est grauitas, modificandam,
ne per eundem circulum moueret; minorem autem maiori præ-
ualituram omnino, & motum suum perfectum per eandem per-
pendicularem operaturam, quod est contra rationem, & contra
inductionem factam in alijs mobilibus corporibus, in quibus vir-
tutes motiue in diuersas mundi plagas ita conciliantur, vt cons-
pirent in vnicum motum continuu ex parte, non ex toto re-
spondentem singulis virtutibus. Sic Planeta ab Apogeo ad
Perigeum, sic volucres transversali volatu sursum, aut deorsum
volitant, sic flumina descendunt per alueos suos; sic fulmina,
& quandoque grandines oblique cadunt in Terram, & sic de
ceteris, versus duas mundi plagas continuè motis: Vnde physi-
cè est euidens vnicum idem mobile non posse mouere totum
se; aut eandem sui partem naturaliter in diuersas mundi pla-
gas continuè motu; Exemplum autem de Globo per filum fer-
reum

reum deorsum actio ab eadem manu, quæ interim circumducatur solum ferreum, claudicat, quia in eo sunt duo corpora mobilia, distincta realiter, quæ moueatur, imò tria, videlicet globus, filum ferreum, & manus. In casu autem grauium esset vnicum mobile, in quo si alterutra vis motiua præualitura esset; deberet præualere vis motiua versus Orientem; Si autem neutra præualeret, motus fieret per vnicam transversalem, loquendo physicè & iuxta naturam mobilium. Nam Mathematicè ac Metaphysicè non negamus posse imaginatione concipi, imò per aliquam aliam virtutem fieri motum per eandem perpendicularem, quam Grauium non transferrent secum realiter, & cuius ad motum non moueretur.

69 Obijciens secundo cum D. Io. Alphonso Borello de Vi Percussionis propos. 58. pag. 111. sequi ex nostra sententia validitates percussionum posse esse signum euidens naui quiescentis, etiam quando naui velocissimè transferretur. Quod vt melius intelligatur esto hic figura num. 55. exposita æquivalens figuræ à Borello adhibitæ, & vt pateat quam perperam representet Lectori nostrum ratiocinium describamus fideliter eius verba. *In naui potest à summitate mali B. demitti corpus graue B. nedum quando naui in portu quiescit sed etiam quando velocissimè excurrit per maris superficiem: & in primo casu graue B simpliciter descenderet per lineam BCH. perpendicularem ad horizontem HK. secundo verò casu efficeretur motus mixtus per lineam curuam BFK. Quando ergo dubitatur an naui quiescat in portu vel velocissimè transferatur, tunc iuxta hanc sententiam validitas percussionis factæ à graui cadente à summitate mali, indicabit, & docebit, an naui in portu quiescat, vel per maris superficiem spatietur, scilicet quotiescumque percussiones factæ à Graui B. cadente in C. & H. eandem proportionem habuerint, quam impetus simplicis descensus, hoc erit criterium, quo euidencia physicomathematica certissimè euincitur naui non moueri, sed in eodem loco persistere.*



Respondeo negando ex nostra sententia sequi prædictum indicium, seu criterium euidens de quiete naui, potius quàm motu, obmani.

manifestam disparitatem : Nam vt paritas esset inter motum nauis , & motum Telluris Copernicanum , oporteret vt graue B. moueretur velocissimè versus eandem partem, versus quam nauis moueretur, & aequali velocitate, & vt vi huius motus, impediretur, aut modificaretur motus grauis deorsum, ne descenderet per eandem perpendicularem BCH. in spatio Mundano , sed ex duplici vi contemperata descenderet per solam transuersalem BFK. tali vniformitate , vt aequali tempore tanta esset physica linea, pertransita FK. quanta BF. atque adeo non acquisiuisset maiorem impetum percutiendi in K. quàm in F. Hac enim proprietate in Graui B. supposita, sequeretur, percussione non fore validiorem in H. translato ad K. quàm in C. translato ad F. quod si maior percussio obseruaretur in H. quàm in C. tunc esset indicium, aut nauim quiescere aut cum ea non moueri graue pari velocitate ac nauim versus eandem regionem, sed simplici motu perpendiculari moueri per BCH. sed has proprietates non habent grauia, respectiue ad motum nauis, quas habere deberent grauia in hypothesis Copernicana respectiue ad motum Telluris. Proinde, hinc ex validioribus percussionibus sensu manifestis, inde ex impossibilitate validioris percussionis ex altiore loco, quæ sequeretur ex motu Telluris facto per solam viam transuersalem BFK. bene & euidenter inferitur Telluris quies, esto ex percussione validiori grauis ex summitate nauis dimissi. nō bene inferatur quies nauis. Perperam itaque ac Paralogisticè D. Borellus ex nostra sententia pag. 112 inferit hanc consequentiam. *Qua propter quotiescunque graue à summitate mali B. efficiet percussiones in C. & H. aequè validas ac sunt impetus eorundem descensuum, habebimus euidentiam physicomathematicam ; quod nauis non excurrit per maris superficiem sed omnino in portu sistitur, & quiescit.* Iterum enim negatur consequentia ob disparitatem adductam.

70 Sed vrgebis experimentum, quod coràm se factum in triremi supra Sequanam multis cum testibus affirmat Petrus Gassendus Epistola 1. ad Petrū Puteanum de *Motu impresso à Motore Translato*. dimissus enim ex summitate mali lapis quantumuis nauis velocissimè currente, decidere visus est prope mali pedem per lineam parallelam malo, ita vt dimissus versus proram non attingeretur à malo, dimissus autem ex parte puppis non defereretur à malo; Quia scilicet manus imperum sibi à communi motu nauis impressum, imprimebat lapidi. Interim tamen existentibus in ripa, & non participantibus de motu nauis, apparebat lapidem suo descensu describere in spatio mundano, iuno in aëre lineam curuam

curuam, ergo in hoc casu lapis æquali velocitate, ac naui mouebatur antrosum, alioquin non cecidisset per lineam perpendicularem malo parallelam. Hoc posito sic licet argumentari. Potest lapis ex summitate mali nautici dimissus, moveri transversaliter æquali velocitate ac naui, & tamen in descensu apparet perpendiculari tantam percussionem facere, quantam indidem dimissus faceret quiescente naui, & multo maiorem, quam ex humiliore mali parte dimissus. Ergo & quodlibet Graue dimissum ex summitate Turris, posset moveri transversaliter æquali velocitate, ac Tellus, & tamen in suo descensu, qui nobis vna translatione apparet perpendicularis, eandem percussionem facere, quam nos fieri experimur, stante vt supponimus Terra, & tanto maiorem, quanto ex altiore loco dimitteretur. Ergo ex percussionum diuersitate, & proprietatibus motus Diurni, vel Annui, Telluris, non infertur euidenter quies Telluris.

Respondeo distinguendo Antecedens, illudque concedendo si motus naui impressus mediante manu lapidi non praualeat impetui à grauitate producto, sed respectu huius, sit exiguus, aut per curuam lineam in spatio mundano descriptam lapis non feratur vniformiter motus, sed per eam realiter acceleretur tantundem ferè quantum acceleraretur in perpendiculari stante naui. Secus autem nego antecedens. Nam si praualeat impetus à naui impressus, & adeo, vt per curuam viam lapis ab initio ad finem casus vniformiter deferatur, non efficiet tantam percussionem, quantam si naui stare, nec tanto maiorem ex summitate dimissus quam ex humiliori parte mali. Neque hoc aut contrarium expertum se dicit ibi Gassendus. Quem tamen miror ibidem tam a seueranter, & toties dixisse pilam sursum perpendiculariter proiectam ab homine curru velocissimè delato, relapsuram intra currum, imò in manum proiicientis. Quandoquidem in experimentis Academiæ Florentinæ, sub protectione Serenissimi Principis Leopoldi, qui pro sua in me singulari munificencia eorum volumen dono ad me misit, pagina CCL. lego bombardulam erectam fuisse perpendiculariter supra currum sex equis raptatum, explosumque ferreum globum libralem, prius quidem stante curru, & tunc globum recidisse circa os bombardulæ, postea à raptato velocissimè curru, incitatique equis supra planitiem æqualissimam, postquam currus transierat cubitos 64. relapsum fuisse globum rectà extra currum procul à bombardula cubitis circiter 4. idque iteratis sæpius explosionibus euenisse. At adhibita magna balista globum plumbeum teruncialem, post cemen-

emenfos à curru cubitos 63. recidiſſe retro longè à curru cubitos 6. globum autem argillaceum poſt curſum cubitorum centum, recidiſſe retro procul à curru cubitis 17 $\frac{1}{2}$. vnde aliqui in Galilei opinione confirmati ſunt, aëtis reſiſtentiam non parum detrudere velocitati grauium in deſcenſu, & plus reſiſtere minus grauiibus. Viderint ergo Gaſſendi Sectatores, quomodo eius aſſerta quoad hoc conſiſtere poſſint cum experimentis tam accuratè & circumſpectè factis.

- 70 Tandem poſſet quis ita ratiocinati. Non eſt impoſſibile accelerationem illam realem quam numero 41. in motu diurno, & num. 45. in motu Annuo deprehendimus, licet modicam ſufficientem eſſe ad efficiendam diuerſitatem illam percuſſionum, quam experti ſumus, eſto ſi Terra ſtaret, longè maiorem diuerſitatem percuſſionum experturi eſſemus, grauitate tunc nihil impedita, aut modificata à motu circulari. Ergo ex diuerſitate percuſſionum nunc nobis comperta, & ex modica acceleratione in hypotheſi motus Telluris reperta, non inferitur euidenter falſitas huius hypotheſeos, & quies Telluris. Reſpondeo concedendo *Antecedens*, & Conſequentiam de ratiocinio *Mathematico*, aut *Metaphyſico*. Non poteſt enim Mathematicè conuincitralis impoſſibilitas. Sed nego vtrumque de ratiocinio, & iudicio *Phyſico* fundato in experimentis per ſenſationes factis, quibus inductione ſufficienti conſtat, nunquam cœteris panbus fieri validiorem percuſſionem, quin præceſſerit maior velocitas, & impetus proportionatus exceſſui percuſſionis. Nam ſi quis neglecto experimento ſenſuum dicat poſſibile eſſe, vt adiuncta vna ouicula duobus equis quadruplo maius onus, aut quadruplo maiori velocitate illud trahant, Mathematicè conuinci non poterit, & tamen phyſicis experimentis repugnabit. Et eadem reſponſio valet pro aliquibus alijs argumentis à nobis adductis lib. 9. Almageſti; Noui contra motum Terræ.

- 71 Poſtquam P. Ioſeph Ferronius in Matheſi vniuerſaliter ac profundè doctus, legit meam hanc Apologiam, ſcripto mihi tradidit ſequentem obiectionem, non aſſerendo, ſed dubium proponendo, & eius ſolutionem à me deſiderando: Verba eius ſunt inſcripta:


Legi maxima animi mei voluptate argumentum phyſicomathematicè euidens R. V. quod mihi videtur ad omnem geometricam & phyſicam acruiam euidentiſſimum. Occurrit tamen exigua difficultas animo ſubmouenda, circa ſolutionem quintæ rationis num. 54. propoſitæ, quæ ratio erat huiusmodi. Diſtantia, & re-

& recessus grauium descendendum à termino à quo . & accessus ad centrum Terræ, quod est terminus ad quem , mensurantur in sola linea perpendiculari ad horizontem , vt in figura num. 49. explicatur . Ergo graue per eam perpendicularem accedit ad centrum Terræ. Responsum est, concedendo antecedens de distantia, negando de accessu quatenus hoc nomen supra distantiam minorem significat motum localem. Contra distinctionem videtur esse experimentum mechanicum , fundatum in illo vniuersali principio mechanicarum motionum , quod nimirum potentia minor præualens ponderi absolute maiori per machinam , velocius mouetur pondere , ita vt sit maior proportio velocitatis potentie ad velocitatem ponderis , quam sit reciproce grauitatis ponderis ad grauitatem potentie . Hinc si in machina, maior sit proportio velocitatum, quam potentiarum reciproca, potentia minor præualebit maiori . Imò, vt obseruat P. Honoratus Fabri in libris de motu, qua proportionem imminues motum ponderis, infra motum potentie, vel augebis velocitatem potentie supra velocitatem ponderis, eadem proportione maius pondus mouebis. Ex hoc quoque principio ratio redditur æquilibrium à Galilæo , in libro de Insidentibus humido scripto Italicè .


Pesi assolutamente disuguali, alternatamente si contrapessano, e si rendano di momento uguali, ogni volta che le loro grauità con proportionem contraria rispondono alle velocità de lor moti; cioè che quanto l'vno è meno graue dell'altro, tanto si in contrapposizione di muouersi più velocemente di quel-

Quo principio supposito.

Sit norma rigida DAE,
æqualium brachiorum,
versatilis circa centrum
A, è cuius extremis D,
& E, demittantur per-
pendiculares D.B. E.H.
quæ mensurabunt di-
stantiam grauium à cẽ-
tro motus: si enim fiat,
vt BA. ad AH. ita reci-
procè pondus D. fiat
æquilibrium per 6. &
7. æquiponderantium
Archimedis; & si graui



D. addatur granum K. descen-
det D. pondus minus in C, & E.
pondus maius ascendet in G, &
ita minus pondus ratione ma-
chinæ præualebit maiori: ergo
ex supra allato principio, pon-
dus D. mouebitur velocius, quã
pondus E, velocitate reciproca
grauitatis; neque enim potest
potentia minor præualere ma-
iori per machinam, nisi sit illa
velocior. Atquã pondus D. non
mouetur velocius quam E, pe-
nes arcum DC, vt potè æqua-
lem arcui GE, ergo ista veloci-
tas est æstimanda, penes per-
pendicularem DB, ita vt veloci-
tas D. ad E. sit vt DB. ad GE. er-
go perpendiculares sunt men-
sura velocitatum, etiam si graui



etiam licet graue in primo secundo horario incedat per curuam
BF. & in posteriori secundo horario per curuam F.K, quæ curuæ
sint physicè æquales, adhuc poterit esse, tanto velocior descen-
sus per FK, quam per BF, quanto perpendicularis F.I. est maior
perpendiculari C.B. plane sicut in figura normæ mechanicæ, li-
cet graui D, & E, eodem tempore moueantur per arcus æqua-
les

les DC. GE, tamen motus grauis descendens ex D, in C, est tanto velocior motu grauis ascendens ex E, in G, quanto perpendicularis DB. maior est perpendiculari GF. Proposui, hanc obiectionem Excellentissimo Domino Doctori Geminiano Montanario, visa est illi solutione digna quam à nullo melius, quam à R. V. præstolari licet.

72 Respondeo primo. axioma illud mechanicum potentia minor præuolens ponderi absolute maiori per machinam velocius mouetur, non esse verum vniuersaliter, nisi sub intelligatur duplex limitatio. Prima est, quod potentia minor à centro circa quod moueri debet, physico, ac reali motu, magis distet quam pondus maius, ideoque tuo reali motu possit describere arcum similem quidem arcui descripto à maiori pondere, sed maiorem eodem tempore, adeoque velocius moueri velocitate realis motus: ut euenit in omnibus machinis statæræ aut vectis vim habentibus. Sic in præmissa figura si in vecte ABC. centrum motus sit in B. & pondus maius in C. pondus autem minus, aut potentia minor in A. poterit hæc præuolare circa B. eodem tempore describere, suo reali motu, arcum maiorem, quam describatur à pondere C. At si pondus & potentia, per talem machinam constituantur in distantia æquali à centro sui motus, & ita rigidè ac firmiter compacta, ut tam pondus maius, quam potentia minor, cogantur moueri eodem tempore per eiusdem circuli peripheriam, ut potè ex eodem centro descripti, axioma illud huic casui applicari non potest: neque ut euadat vniuersalissimum, quærenda est alia, via, per quam potentia minor non moueatur realiter; velocitas enim vera est proprietas veri, ac realis motus, à vero ac reali impetu causati: Et axioma illud de tali velocitate intelligendum est, ut potentia minor quando mouetur deorsum, præualeat ponderi maiori sursum eleuato, præualeat inquam, vi impetus sui, sed aliunde adiuti ad præuolendum, cuiusmodi est adiuumentum vectis &c.

Secunda limitatio est, quod potentia minor aliundè non compensetur, ac iuuetur, nec æquiualeat potentie maiori, vi cuius æquiualeat maiori velocitati, atque adeo moueatur velocius, non formaliter, sed æquiuolenter. In casu autem proposito si collocetur norma rigida DAE. cum ponderibus D. & E. in plano verticali, ita ut figuræ DAE. potentialiter triangularis, centrum grauitatis sit in perpendiculari AG. & maior pars figuræ nempe segmentum AMD. cum pondere D. æquiponderet segmento minori AME. vna cum maiori pondere E. sumpto,

N 2 tunc

tunc poterit fieri æquilibrium, & addito minimo pondere K. fieri motus deorsum, vi potentia æquivalenter maioris, seu cum æquivalencia velocitatis.

Respondeo secundo, non minorem imò potissimam esse difficultatem in reddenda ratione à priori, ob quam in casu normæ rigida, potentia minor D. possit æquivalere maiori pondere E, & efficere æquilibrium, quā hac ratione reperta, reddere rationem ob quam, addito minimo quouis pondere K, dimoueri possit ab æquilibrium, & moveri localiter deorsum. At quando manet in æquilibrium & in quiete nullus est realis, & verus motus ipsius D. ergo nec velocitas vera, ac realis, quæ supponit verum realemque motum, ergo tunc nulla est velocitas maior potentia minoris, cui possit adscitibi vis æquiponderandi maiori pondere: & in hoc casu nullum habet casum linea DB. comparata cum FG, quia in ea nec motus fit nec mensura motus, si quidem stante æquilibrium nullus est motus actualis. Quamcunque autem rationem adduxerimus pro vi dicti æquilibrij, absque reali motu, illa pariter militabit pro æquivalencia mera velocitatis, exclusa velocitate formaliter sumpta. Ut nihil dicam de disparitate casuum: Nam casus in obiectione propositus est de duobus grauib, quorum minus graue vi machinae vtriusque æqualiter in eodem circulo eodem tempore mouentur, ar in casu nostro vnicum, & idem est mobile quod diuersis temporibus æqualibus deberet moveri reali velocitatis incremento proportionato, & idoneo ad maiorem percussione, nem efficiendam, quando quidem

caetera physicè paria sunt.

CAPVT SEPTIMVM.

*De Censuris contra Assertores motus Telluris, Latis in Sacra
Congregatione Eminentiss. S. R. E. Cardinalium in
tota Republica Christiana Generalium
Inquisitorum à S. Sede Apostoli-
ca specialiter depu-
tatorum.*

74 **N**ON esset cur de his hoc loco mentionem facerem, si qui-
dem abundè de his tractauit libro 9. Almagesti Noui se-
ctione 4. à cap. 36. ad 40. & in Astronomia Reformata in secun-
da Appendice ad primum librum; nisi me ad id compellerent
quedam dicta, & typis vulgata à R. P. F. Stephano de Angelis Ma-
thematicum professore in Gymnasio Patauino, & à D. Adriano
Hofut in suis Obseruationibus Gallico idiomate in lucem editis,
occasione censuræ latæ à Qualificatoribus d. S. Congregationis
anno 1615. vt refertur in *Sententia in Galileum, & Abiuratione*
eiusdem ex qua hæc verba feligo. Volens proinde hoc S. Tribunal
propicere inconuenientibus, ac damnis, quæ hinc proueniebant &
increbresceant in perniciem S. Fidei. De mandato Domini Nostri,
& Eminentissimorum DD. Cardinalium huius suprema ac vni-
uersalis Inquisitionis à Qualificatoribus Theologis qualificata sue-
runt duæ propositiones de stabilitate Solis, & de motu Terræ, vt
infra.

- 1 *Solem esse in centro Mundi, & immobilem motu locali, est propositio*
absurda, & falsa in Philosophia, & formaliter hæretica; quia est ex-
pressè contraria Sacra Scripturæ.
- 2 *Terram non esse centrum mundi nec immobilem, sed moueri motu*
etiam diuturno, est item propositio absurda & falsa in Philosophia, &
Theologicè considerata, ad minus erronea in fide.

Sententia tamen in Galileum, & Abiuratio Galilæi fuit anno 1633.
die 22. Iunij. Duas prædictas censuras agnouit, & retulit R. P.
Fr. Stephanus de Angelis in Primis super Argumento meo Con-
siderationibus pag. 72. sed anno censuratum non apposito;
deinde subiungit. Hæreticos posse opinari Sacram Congregatio-
nem per motum meis Argumentis Physicomathematicis contra
motum Terræ, ad eas censuras deuenisse, & motum Terræ ab-
surdum ac falsum in Philosophia dixisse, ideoque expedire, vt
meorum Argumentorum insufficiencia detegatur. Sed quomo-

do possunt Hæretici suspicari hoc; cum Censuræ illæ à S. Congregatione promanatint anno 1615. Ego autem mea Argumenta contra motum Terræ non promulgauerim nisi in *Almagesto*. Nono anno 1651. Oporteret sanè illos ingenti anachronismo annorum 36. peccare. Sed dimittamus hos prætextus; & audiamus potiùs D. Adrianum Hosout.

- 75 D. Adrianus Hosout in suis. *Observationibus* pag. 49. refert P. Honorati Fabri Societatis Iesu Copernicanos alloquentis hæc verba: *Ex vestris. ij.que Coryphiis, non semel quasitum est, utrum aliquam haberent demonstrationem pro Terra motu adstruendo: nunquam ausi sunt id asserere. Nihil igitur obstat, quin loca illa in sensu literali Ecclesia intelligat, & intelligenda esse declarat, quamdiu nulla demonstratione contrarium euincitur: quasi forte aliquando à vobis excogitetur (quod vix crediderim), in hoc casu nullo modo dubitabit Ecclesia declarare, loca illa in sensu figurato & improprio intelligenda esse, ut illud Poeta: prouebimur portu, terræque vrbesque recedunt.* Hæc verba, ait D. Adrianus visa sunt multis difficilia, quasi verò possit Ecclesia declarare vno tempore sic intelligendam S. Scripturam, & alio tempore aliter intelligendam; vnde colligit P. Fabrum existimasse Ecclesiam non decidisse hanc quæstionem absolūtè, sed prouisionaliter, & sub illa conditione. *Quamdiu nulla demonstratione contrarium euincitur: ut impediret scandala, quæ tunc temporis oriri poterant, ex nouitate doctrinæ: Proinde hortatur P. Fabrum, ut Romæ procuraret libertatem Astronomis, & persuadeat Ecclesiæ prælatis hypothese[m] motus Terræ, nec esse absurdam, nec falsam in Philosophia nec vllum præiudiciu[m] asserre Fidei, ac Religioni; nec repugnare physicæ aut Astronomicæ. Quod confirmare nititur dicendo P. Ricciolium in suo longo tractatu de Systemate Terræ motæ, respondisse absurditatibus, & falsitatibus, quas Peripatetici allegarunt contra motum Terræ; meum verò argumentum sumptum ex diuersitate percussionum solui posse tribuendo diuersitatem illam differentie Inclinationum, quibus Graui descendentes; & pag. 53. Concludit P. Ricciolium, & Grimaldum existimasse ex nullo alio capite motum Terræ absurdum esse, aut falsum in Philosophia. Denique obsoletum illud Copernicanorum recoquit, videlicet Sacræ Scripturæ intentionem non esse docere nos res physicas, aut Astronomicas, ideoque in his materijs non adstringi nos ad eam intelligendam in sensu literali; præsertim si pro motu Terræ excogitetur aliqua demonstratio non quidem conuincens Metaphysicè, aut Mathematicè,*

matice, quæ deducat ad impossibile; talem enim demonstrationem non esse expectandam; sed quæ rationabiliter conuincat, cuiusmodi putat esse argumentum sumptum ex nuperrimo Cometa. Ita summam ex Adriano, fusiùs ista explicante, quibus, vt & nos summam respondeamus.

76 *Primò* dicimus, Ecclesiam per Summum Pontificem, non decidisse ex cathedra loca Sacrae Scripturae de Telluris immobilitate & Solis motu, intelligenda esse ad litteram. Id enim si decidisset certissimum esset, non posse excogitari ullam veram demonstrationem pro Terræ motu, Solisque immobilitate. Siquidem definitiones S. Sedis Apostolicæ immunes sunt ab errore tam speculatiuo, quàm practico ob assistentiam diuinam à Christo promissâ, abq; limitatione Petro, & successoribus eius, in ijsquæ aliquo modo concernunt. Fidem ac Religionem Christianam, vt latè offendimus in nostro Opere nuper edito de huius Immunitate; hanc autem questionem non spectare solum ad Physicam, & Astronomiam, sed etiam ad Fidem, & Religionem infra ostendemus.

Secundò dicimus, Censuras contra Terræ motum assentes, latus de mādato Summi Pontificis à Qualificatoribus Theologis, approbatas fuisse à decem Eminent Card. S. Congr. Inquis. & iterum à septem Cardinalibus sententiam ferentibus contra Galilæum, vt retulimus lib. 9. Almag. Noui pag. 477 & 499. vbi notanda illa verba *Inuocato igitur Sanctissimo nomine Domini nostri IESU CHRISTI, & ipsius gloriosissimæ Matris semper Virginis MARIE*; per hanc nostram definitiuam sententiam, quam sedendo pro tribunali de Consilio & iudicio Rerendorum Magistrorum Sacra Theologia, & Iuris vtriusque Doctorum nostrorum Consultorum proferimus &c. & post pauca. Dicimus, pronunciamus, indicamus, & declaramus Te Galilæum supradictum, ob ea quæ deducta sunt in processu Scripturae, & quæ tu confessus es, vt supra, te ipsum reddidisse huic S. Officio rebelementer suspectum de hæresi, hoc est quod credideris, & tenueris doctrinam falsam, & contrariam sacris, ac diuinis Scripturis Solem, videlicet esse centrum Orbis Terræ; & eum non moueri ab Oriente in Occidentem, & Terram moueri nec esse centrum Mundi. Antea vero à S. Congregatione Indicis emanauerat Decretum, quo fuerunt prohibiti libri qui hunc Terræ motum & Solis quietem adstuebant: Vt prorsus tolleretur tam perniciosa doctrina, neque ulterius serperet in graue detrimentum Catholicae veritatis, & ea declarata, fuit falsa & omnino contraria Sacra ac Diuina Scriptura. Quæ verba referuntur in sententia prædicta contra Galilæum.

Tertiò

Tertiò dicimus tam Eminentiss. Cardinales, quam Theologos Qualificatores S. Congr. Inquis. absolutè, & non tantùm prouisionaliter, seu pro tunc temporis, tulisse dictas censuras supponentes pro certo, nunquam posse demonstrari contrarium: Esto facta suppositione demonstrationis de motu Terræ, oppositum censere deberent alij Qualificatores eius demonstrationis petiti. Ego tamen pro ea indagine quam præfessus sum lib. 9. Almag. Noui sect. 4. videor mihi posse securos reddere dictos Qualificatores, non posse siue à motu Cometarum, siue aliunde deduci argumentum physicè nedum Mathematicè euidens pro motu Telluris; esto enim aliqua phœnomena aliquorum imaginatione videantur congruentius explicari, attribuendo motum diurnum Terræ, alia tamen rationabilius ad captum humanum facilius explicantur, supposita Terræ immobilitate.

Quartò dicimus, primariam quidem intentionem Eminentiss. Cardinalium S. Officij Inquisitionis, & Qualificatorum eius fuisse damnare opinionem de motu Terræ, & Solis quiete tanquam hæreticam, vt pote directè contrariam Sacræ Scripturæ ad litteram intelligendæ, vbi non est necessitas (sicut non est in casu nostro) aliter eam interpretandi, id enim directè pertinet ad Officium S. Inquisitionis deputatæ ad causas fidei, & hæreseos discernendas. Nihilominus secundaria intentio Qualificatorum fuit antevertere obiectionibus, quas quidem posent ex Philosophia, vel Astronomia emendicare dicendo (sicut nonnulli in scitò plane discrimine de animæ rationalis immortalitate) iuxta lumen quidem supranaturale, & Sacram Scripturam Solem moueri, Terramque stare; at iuxta Philosophiam, & lumen naturale Solem stare, Terramque moueri: Ne id igitur posset quis dicere, & Scripturæ contraponere philosophiam, addiderunt eam opinionem absurdam, & falsam esse in philosophia quoque, nempe in Physica, quæ nititur experimento sensuum in motu corporum diiudicando.

Quintò dicimus falsum esse, Me aut P. Grimaldum existimasse, opinionem de motu Terræ Solisque quiete, non esse absurdam, & falsam in Philosophia. Esto enim multa contra illam argumenta ostenderim, non habere tantam euidentiā, quantam eorum authores putabant, & quædam nata esse ex imperfecta notitia hypotheseos Copernicæ; Alia tamen Argumenta contra Terræ motum Solisque quietem partim physicè, partim physicomathematicè mihi euidentiā protuli lib. 9. Almag. 9. sect. 4. cap. 19. 20. 21. 29. 30. Meum verò argumentum ex validitate per-

percussionum, quæ sunt notabiliter maiores, quo Grauius ex notabiliter altiore loco dimittuntur, non posse solui ex diuersa inclinatione, vt putat D. Adrianus, ostendi supra num. 59.

Sexto dicimus, licet primaria intentio DEL, qui est author Sacrae Scripturæ, sue rit docere homines, quæ ad salutem æternam, atque adeo quæ ad Fidem, veramque Religionem, & mores veris Dei cultoribus conuenientes pertinent, & reuelare obscura eam mysteria quæ sunt per se de Fide, nec lumine naturali certò sciri possunt, multa tamen esse, quæ licet lumine naturali attingi possint, ex Sacra tamen Scriptura confirmari possunt, & euadere de Fide per accidens, quatenus reuelata obscure à Deo; genus modi est Solis motus, & stabilitas Telluris, quæ ad Religionem pertinent ac Fidem Catholicam; quatenus Sacra Scriptura commendat in his diuinam potentiam, sapientiam, providentiam, nosque inuitat ad laudandum Deum tanquam authorem, & conditorem motus Solis, & stabilitatis Terræ, vel tanquam authorem miraculorum, quibus naturalis cursus Solis aliquando inhibitus est. Falsa autem esset & præpostera laus Dei, fundata in falsa stabilitate Terræ, & falso motu Solis. Non rescribo hic plurima loca Sacri textus, nec inanes solutiones Copernicanorum, quia id abundè præstiti lib. 9. Almag. Noui sect. 4. à cap. 36. ad 40. & iterum in Astronomia Reformata, in Appendice ad librum de Sole. Ex quibus constare potest, non solum Regulam generalem esse, vt Sacra Scriptura intelligatur in sensu literali, quotiescunque nulla necessitas compellat ad sensum allenum aut figuratum, sed etiam ea loca, quibus Deus nobis reuelauit Solis motum, & Terræ stabilitatem, vnanimi consensu Patrum Sacrorumque interpretum ad litteram intellecta fuisse, & ex Tridentino Concilio in professione Fidei, sic esse intelligenda. Neque his regulis obstat difficultas concipiendi mente, seu imaginandi Motum Telluris, & Solis quietem, ob quam difficultatem videatur Deus debuisse se accommodare captui populi, cui videretur Sol ori et occidere. Tellus autem stare. Multa enim alia capta difficiliora reuelauit, cuiusmodi est peccatum originale, sine actuali culpa posterorum Adæ, reddere posteros eius (excepta Deipara Virgine) peccatores, & filios iræ; item ob vnicum peccatum mortale damnatis ad Inferos nunquam Dei Misericordiam remissuram poenam; item Mysteria Trinitatis, Incarnationis, Baptismi, Eucharistiæ &c. Deinde cum ex vna parte præuiderit Deus controuersiam hanc de Sole ac Terra excitandam, potueritque ita de his in Sacra Scriptura loqui, vt salua

verit

veritate non deciperemur ex eius loquendi modo, & difficultatem imaginationis popularis aliquo indicio leuare, & tamen rotas Solis motum, & stabilitatem Terræ nobis afferuerit, absque ulla indicio contrariæ hypotheseos, non est dicendum eum subticuisse veram hypothefim, eo quod vulgo difficilis creditu visa sit: præsertim cum docti viri facile possent persuadere imperitis Telluris motum, si illum Deus in Scripturis indicasset, & loco motus diurni Solis dixisset; Terram quotidie Dei præcepto verti & Soli obuiare, vt ab eius radijs illustreretur successiuè vicesque diei, & noctis suo motu peragat. Et quando CHRISTVS dixit: *Qui Solem suum oriri facis super bonos, & malos; Si Sol non moueretur equè faciliè dicere potuit: Qui Solis radios facit à Telluris habitatoribus bonis, & malis, participari. Vel Qui facit, vt habitatores Terra boni & mali Telluris motu & Solis radijs fruantur.* Sed quid nos homunciones tentamus Deo formulas loquendi præscribere, aut ex nostro ingenio vel genio erga aliud Mundi Systema, recedere ab expressis diuini eloquij characteribus? At de his factis ad retundendum D. Adriani eiusque similium conatum,



F I N I S.

Pag.	Lin.	Errata	Corrige	Pag.	Lin.	Errata	Corrige
2	6	Eccentricorum	Eccentricorū	70	20	eo	&c
9	12	Phylofophiz	Philofophiz	71	42	proptium	proptium,
8c	17			73	5	concurrent	concurrent
5	10	Nafut	Hofut	74	5	incidere	incedere
7	16	accelerentur	acceleraretur	74	29	Quoniā ſunt	Quoniā ſunt
7	17	dum Graue	Graue	76	4	percuffiones	percuffiones
7	33	num.8.	pond.8.	78	33	æqualis; Ferè	æqualis ferè
7	36	nifi pedes	minus quàm pedes	82	8	poſſet	poſſit
18	28	medium, quid	medium quid	84	14	Impetu à quo	impetu, quo
22	32	nomincmus	nominauus	86	28	acquam	aquam
25	31	contractu	contactu	87	33	abſuit	abſuit
30	4	numerant	numerabat	87	34	arcus	arcum
39	10	digitorum	digitorum	88	16	contra mōtes	intra montes
42	16	idem quem	idemque	88	17	quia	quin
47	6	ſpecielem	Spiralem	91	7	includiue ean-	includiue. Ean-
68	13	motu 3.	motu 3.			dem	dem
70	6	acta	actū	101	22	increbrefce-	increbrefce-
						nant	bant.

Page	Chapter	Section	Page	Chapter	Section
1	1	1	1	1	1
2	1	2	2	1	2
3	1	3	3	1	3
4	1	4	4	1	4
5	1	5	5	1	5
6	1	6	6	1	6
7	1	7	7	1	7
8	1	8	8	1	8
9	1	9	9	1	9
10	1	10	10	1	10
11	1	11	11	1	11
12	1	12	12	1	12
13	1	13	13	1	13
14	1	14	14	1	14
15	1	15	15	1	15
16	1	16	16	1	16
17	1	17	17	1	17
18	1	18	18	1	18
19	1	19	19	1	19
20	1	20	20	1	20
21	1	21	21	1	21
22	1	22	22	1	22
23	1	23	23	1	23
24	1	24	24	1	24
25	1	25	25	1	25
26	1	26	26	1	26
27	1	27	27	1	27
28	1	28	28	1	28
29	1	29	29	1	29
30	1	30	30	1	30
31	1	31	31	1	31
32	1	32	32	1	32
33	1	33	33	1	33
34	1	34	34	1	34
35	1	35	35	1	35
36	1	36	36	1	36
37	1	37	37	1	37
38	1	38	38	1	38
39	1	39	39	1	39
40	1	40	40	1	40
41	1	41	41	1	41
42	1	42	42	1	42
43	1	43	43	1	43
44	1	44	44	1	44
45	1	45	45	1	45
46	1	46	46	1	46
47	1	47	47	1	47
48	1	48	48	1	48
49	1	49	49	1	49
50	1	50	50	1	50
51	1	51	51	1	51
52	1	52	52	1	52
53	1	53	53	1	53
54	1	54	54	1	54
55	1	55	55	1	55
56	1	56	56	1	56
57	1	57	57	1	57
58	1	58	58	1	58
59	1	59	59	1	59
60	1	60	60	1	60
61	1	61	61	1	61
62	1	62	62	1	62
63	1	63	63	1	63
64	1	64	64	1	64
65	1	65	65	1	65
66	1	66	66	1	66
67	1	67	67	1	67
68	1	68	68	1	68
69	1	69	69	1	69
70	1	70	70	1	70
71	1	71	71	1	71
72	1	72	72	1	72
73	1	73	73	1	73
74	1	74	74	1	74
75	1	75	75	1	75
76	1	76	76	1	76
77	1	77	77	1	77
78	1	78	78	1	78
79	1	79	79	1	79
80	1	80	80	1	80
81	1	81	81	1	81
82	1	82	82	1	82
83	1	83	83	1	83
84	1	84	84	1	84
85	1	85	85	1	85
86	1	86	86	1	86
87	1	87	87	1	87
88	1	88	88	1	88
89	1	89	89	1	89
90	1	90	90	1	90
91	1	91	91	1	91
92	1	92	92	1	92
93	1	93	93	1	93
94	1	94	94	1	94
95	1	95	95	1	95
96	1	96	96	1	96
97	1	97	97	1	97
98	1	98	98	1	98
99	1	99	99	1	99
100	1	100	100	1	100





